



BIBLIOTHECA
UNIV. IACELL.
GRACOVIENTIS

kat.koma.

35274

1

Mag. St. Dr.

P

THEOLOGIA.

N. 278.



35274

I

DIRECTO- RIUM

DEVOTIONIS DIVINÆ,
Varias ex variis Authori-
bus desumptas,

Continens Orationes.

Viris devotis:

Sed vel maximè

CHRISTI
SACERDOTIBVS.

In Oppidis & Villis
degentibus:

Ad usum accomodatum.

Anno à Partu Virginis

Johannes Sarrubhi
1702.

CRACOVIAE,

Typis ACADEMICIS.

24.
X
XI

APPROBATIO.

Directorium devotionis diurnæ, Ascetico labore, venerandi cujusdam in Ecclesia Dei Sacerdotis, ex variis devotis Authoribus collectum; ac salutaribus, super beneficiis Dei, meditationibus refer-tum, legi: quod cum sit universis Christi fidelibus, maximè verò Pa-storalem Ecclesiarum per Oppida & Villas curam tenentibus per-neccarium: ut propter publicam omnium utilitatem typo mandetur, dignum approbavi. Datum in Collegio Majori Academiae Cra-coviensis. Die 22. Februarii, An-no Domini 1772.

M. PETRVS PRACZLEWIC,

*S. Th. Doct. & Professor, S. Floriani De-
canus, Librorū in Diœcesi Crac. Censor.*

mpp.

AD LECTOREM.

Accipe, devote Lector, Diurnæ devotionis Directorium, quod, dum me lecto affixum tenuit morbus, varios eosq; devotos percurrens libros, pro usu meo privato concinnavi, & prælo manuali impressum in occulto servavi. Venit tamen, ne scio quo casu, ad manus quorundam Amicorum liber, quo perlecto, fervidis institerunt precibus, quatenus eum in lucem proderem & juris publici facerem. Horum itaq; obsecundans postulatis, parvam hanc opellam, quam hætenus à conspectu hominum abditam feci, nunc omnium oculis, licet invitius expono. Non pro eruditis, & in Sacris Literis profundè versatis, sed pro mediocriter doctis, Villanis præsertim Ecclesiarum Rectoribus, & eorum Vices gerentibus, cum quibus curta supellex Literaria domi, hoc compilatum est opusculum. Directorium intulatur, quia devotum dirigit Lectorem, quo tempore, quibus utatur

Ora-

Orationibus. Omnia quaecumq; hoc continentur libello, ex variis variorum Authorum operibus excerpta: prater, quod in unum congesta & in ordinem à me redacta, scito. Sunt quidem paulò prolixiores quaedam Orationes, quae tibi fastidium parere forsàn poterunt. Sed non turbetur cor tuum, neq; formides: parvò constabunt temporis impendio, si eas serio, & magna cum attentione saepe legeris, ac relegeris, illius memor lemmatis. Sæpius ut melius. breuiq; dierum aliquot spatium, per frequentatos devotionis actus, etiam labili imprimes memoria. Quod si aliquam in illis traxeris moram? Non te tedeat. Nullibi enim melius tempus collocatur, quàm in Oratione. Utere ergo hac vili opera; & cum ferventes ad Deum fundes orationes, ac in corde tuo divini amoris exardescet ignis: etiam pro me, devotum funde suspirium. Vale.

Quan-



Quanta sit Virtus & Potentia Orationis.

Doctoris Seraphici sunt verba.

Virtus Orationis inæstimabilis, & efficax est, ad omnia proficua impetranda & noxia removenda.

Si vis patienter tolerare adversa, sis homo Orationis,

Si vis tentationes & tribulationes superare, sis homo orationis.

Si vis pravas affectiones conculcare, sis homo orationis:

Si vis astutias sathanæ cognoscere, ac ejus fallacias vitare, sis homo Orationis.

Si vis lætanter vivere in opere Dei, & laboris, & afflictionis viam incedere, sis homo Orationis.

Si vis in spirituali vita te exercere,
& carnis curam non agere in deside-
riis, sis homo Orationis.

Si vis vanas muscas cogitationum
effugare, sis homo Orationis.


Si vis animam tuam sanctis & bo-
nis cogitationibus, desideriis, fervo-
ribus, & devotionibus impinguare,
sis homo Orationis.

Si vis cor tuum virili spiritu, &
constanti proposito, in Dei benepla-
cito stabilire, sis homo Orationis.

Si vis ad contemplationem ascen-
dere, & frui amplexibus Sponsi, sis
homo Orationis.

Deniq; si vis vitia extirpare, &
virtutibus imbui, sis homo Oratio-
nis.

Sem-


Semper, ac in omni lo-
co & Actione orandum.

*Oportet semper orare, & non
desicere.*

Christus dicit Luc: 18.

S. E P H R E M.

In verba Christi.

BOnum fuerit semper orare,
& nunquam desicere, quem-
admodum dicit Dominus. Qua-
re siue opereris, siue dormias, siue
iter facias, siue comedas, siue bi-
bas, siue decumbas, cave oratio-
tionem tuam intermiseris: Siue
In Ec-

in Ecclesia fueris, siue domi tue,
siue in agro: Et si oves pascas,
Et si adificia construas: Et si in
Symposiis verseris, ab oratione ca-
ue desistas. Et quandocunq; po-
teris, genua flecte: quando non po-
teteris, mente Deum invoca. Quod
si orationem operi præmiseris, Et
surgens è lecto primorum motuum
tuorum, initia ab oratione duxeris?
aditus peccato in animam non pa-
tebit. Tom: 1. de orando Deum.

~~(S)~~(T)(S)
P R E C E S

Post Surrectionem
M A T U T I N A M
D I C E N D A.

EXPERGEFACTVS

Sit prima vox tua in Lecta.

In Nomine Patris, ✙ & Filij, ✙
& Spiritus Sancti ✙ Amen.

Benedicta sit Sancta, & individua
TRINITAS, nunc & semper, &
per infinita sæcula sæculorum. Amen.

Benedicamus Patrem, & Filium,
cum Sancto Spiritu: Laudemus &
superexaltemus eum in sæcula. Glo-
ria Patri, &c.

*Hic cavendum, ne prius secularia negotia in
mente peragantur; antequam cor in De-
um eleuetur. Proinde in lecto adhuc de-
cumbens, dic.*

O IESU! Ô MARIA! saluto vos millies,
& ex toto cordis affectu, ad vos suspi-

A

ro De-

IO DEVS, DEVS meus, ad te de luce vigilo.

Sitivit in te anima mea, quam multipliciter tibi caro mea.

Tu DEVS cordis mei, & pars mea
DEVS in æternum.

Illumina Domine oculos meos, ne
vnquam obdormiam in nocte, ne quan-
do dicat inimicus meus, prævalui adver-
sus eum.

Surgens velociter de lecto, dic.

In Nomine Domini nostri IESV CHRI-
STI, egourgo, qui me pretioso Sangui-
ne suo redemit: ille me custodiat, prote-
gat, ab omni malo defendat, & ad vitam
deducat æternam.

Vestiendo te.

Indue Domine animam meam Cycli-
de auro textâ, vesteq; nuptiali Charitatis,
quæ operit multitudinem peccatorum
meorum; & immensis monilibus virtu-
tum, exorna me. Idem à te peto Beatissi-
ma Virgo MARIA.

*Indutus & conversus ad Ecclesiam, ubi con-
servatur SS. Eucharistie Sacramentum
mente in Deum eleuatâ, has infra
positas recitabis Orationes.*

AD

AD SS. TRINITATEM.

ANte pedes Divinæ Maiestatis tuæ prostratus, ô Sanctissima TRINITAS, ex intimo corde adoro, saluto, & benedico te. Gratias tibi ago, pro vniuersis beneficijs tuis, omnibus diebus vitæ meæ, singulariter autem hac nocte concessis: quod scilicet mortuus in peccatis hac nocte non fuerim; sed ad hunc usque diem servatus: ut per bona opera, Fidem, Poenitentiam, & Christianæ legis opera, gratiam tuam mihi conciliem, in hoc brevi & incerto vitæ curriculo. Amen.

AD DEUM PATREM.

OMnipotens sempiterne DEVS, rogo te per immensam misericordiam tuam, conserva me hodiernâ die ab omni scandalo, ab omni peccato, ab omnibus insidijs Dæmonum, omniumque inimicorum meorum, tam visibilium, quam invisibilium infestatione. Adiuvame Domine, ne cogitatione, verbo, vel opere, aut negligentia Divinam Maiestatem tuam ullo facto offendam.

Et ego propono mihi firmiter cum Divino auxilio tuo, hodiè omnia peccata mea vitare, consveta vitia & imper-

fectiones, eas maximè, ad quas propensior sum, deponere; actiones & studia mea ad tuam gloriam referre: & in virtutibus me exercere: ne hæc dies sine bono opere transeat.

Tu autem non desis mihi tuâ gratiâ, ô Pater misericordiârum, & hæc mihi concedere digneris, intercedentibus, S. MARIA, S. Angelo Custode, S. Ioseph, SS. Patronis meis, omnibusq; Sanctis. Qui vivis, & regnas vnus & trinus; per omnia sæcula sæculorum, Amen.

A D J E S U M.

Commendatio sui ipsius.

○ Amantissime Domine I E S U, in vni-
one illius commendationis, qua te
ipsum moriens in manus Patris com-
mendasti, commendo tibi Corpus & A-
nimam, omnesq; vires ac sensus meos,
& omnia mea.

Rogo te per lachrymas, sudorem, &
sanguinem tuum, nec non per merita, &
intercessionem Matris tuæ dulcissimæ,
& omnium Sanctorum tuorum, vt mihi,
omnibusq; amicis & benefactoribus me-
is concedas; tuam semper & in omni-
bus voluntatem facere, secundum te
vivere, & in gratia tua mori. AD

A D B. V. M A R I A M.

O Beatissima Virgo MARIA, ego te hodie in Dominam, Patronam, & Matrem meam eligo, & accipio: ideo me in tuam benedictam fidem ac singularem custodiam, & in sinum misericordiae tuae, hodiè & quotidie & in hora exitus mei, animam meam & corpus meum tibi commendo, omnem spem & consolationem meam, omnes angustias & miseras meas, vitam, & finem vitae meae tibi committo: vt per tuam sanctissimam intercessionem, & per tua merita, omnia mea dirigantur & disponantur opera, secundum tuam, tuq; Filij voluntatem, Amen.

A D SS. A N G E L O S.

DEUS propitius esto mihi maximo peccatori, & custodi me omnibus diebus & noctibus vitae meae. DEVS Abraham, DEVS Isaac, & DEVS Iacob, misere mei, & mitte in adiutorium mihi S. Michaëlem Archangelum, qui me defendat ac protegat ab omnibus inimicis meis. S. Michaël Archangele, defende me in praelio, ne peream in tremendo iudicio.

O S. Michâél, per gratiam quam meruisti, & per vñ genitum Filium DEI JESVM Christum, te deprecor, vt liberares me hodiè ab omni damno & periculo mortis. S. Gabriel, S. Raphaél, & mi Angele Custos, omnesq; SS. Angeli, & Archangeli DEI, succurrite mihi.

Adiuro vos per omnes virtutes Cælorum, vt præserveis me a subitanea morte, & præstetis mihi auxilium, robur, & virtutem, ne yllus inimicus nocere, me lædere, vel condemnare possit: nec domi, nec foris, nec in igne, nec in aqua, nec vigilantem, nec dormientem, me vulnerare aut opprimere queat.

Ecce Crucem Domini ✠ fugite partes adversæ. Vicit Leo, de tribu Iuda; radix David, Alleluia.

Salvator mundi, salva nos, qui per Crucem & Sanguinem tuum redemisti nos, auxiliare nobis, te deprecamur, DEVS noster.

Sanctus DEVS, Sanctus Fortis, Sanctus & immortalis, miserere nobis.

Crux ✠ Christi, salva nos. Crux ✠ Christi, ✠ protege nos. Crux ✠ Christi, defende nos. In Nomine Patris, ✠ & Filij, ✠ & Spiritus ✠ Sancti, Amen.

AD

AD ANGELUM CUSTODEM.

ANgele DEI, qui custos es mei: supplex oro te etiam, vt omnis administrationis meæ curam agas, ac misero mihi peccatori tuum auxilium & præsidium exhibere digneris, Amen.

AD SS. PATRONOS.

ET tu gloriosissime S. Joseph, S. N. cuius Nomen indignus gero, cæteriꝑ; Patroni & Tutelares mei, obsecro & obtestor, impetrate mihi & omnibus domesticis, Familiaribus, Benefactoribus, & adversarijs meis, quod scitis expedire ad salutem mentis & corporis. Impetrate afflictis consolationem; infirmis sanitatem; peccatoribus veniam: iustis perseverantiam: vivis pacem: & defunctis requiem sempiternam, Amen.

B E N E D I C T I O

Mane & Vesperis dicenda.

PAX Domini nostri IESV Christi, & Virtus Sanctissimæ Passionis eius. Signum ✠ Sanctæ Crucis: & integritas Beatissimæ Virginis MARIE: Benedictio Omnium Sanctorum: Custodia SS. Angelorum: præsentia Tutelaris mei.

Preces

& suffragia omnium Electorum DEI,
sint inter me, & omnes inimicos meos,
visibiles & invisibiles, nunc & in hora
mortis meæ. In Nomine Patris, ⁊ &
Filij, ⁊ & Spiritus ⁊ Sancti. Amen.

*Dicendo hac Sacra Nomina infra posita, pri-
ma Litera quatuor Nominum, digito in
fronte exprimantur.*

IESVS NAZARENVS, REX
IUDÆORVM.

Hic titulus triumphalis, defendat
me ab omnibus malis. Sancte DE-
vs, Sancte Fortis, Sancte & im-
mortalis, miserere nobis. Amen.



DE RECTA INTENTIONE FACIENDA.

Intentio recta est. *Qua operis sui Deum pro fine constituit. Quam facere oportet, ob purum amorem Dei, ante omnes diei actus. Omnis enim actio & labor noster, recta Intentione carens sine mercede est: & prout nota eruditionis & Sanctitatis Pater Drexelius ait: Opus sine intentione recta, opus mortuum, inutile, nullum. Hinc Sanctus Gentium Doctor ad Corinthios scribens, inquit: Sive ergo manducatis, sive bibitis, sive aliud quid facitis, omnia in gloriam Dei facite. 1. Corint. 10.*

Sciendum enim est. Omnia opera naturalia, ut edere, bibere, canare, ambulare, animum relaxare, dormire, &c. &c. non esse meritoria vite aeternae, sine Intentione recta. Quod si illa condiantur, & ad Deum tanquam ad primum principium, & ultimum finem dirigantur, in unione operum Christi & Sanctorum eius, velocissimo cursu eunt ad Calum, & acceptissima sunt Deo.

Intentio autem est duplex. Actualis & Virtualis

Actualis est. Dum manet, antequam aliquid

quid agamus Deo offerimus, quidquid facturi sumus.

Virtualis est. Dum aliquid facimus, in virtute illius Intentionis de mane facta, nulla premissa actuali Intentione, ad initium alicuius Operis. v. g. Facit aliquis mane Intentionem eiusmodi.

Mi DEVS: quidquid hodiè dixero, fecero, cogitavero; id omne cedat ad tuam gloriam.

Hec Intentio de mane facta est Actualis. Postea accingit se alicui operi, nec cogitat, se illud opus facturum, pro gloria DEI; talis Intentio est Virtualis.

Secundum itaq; sensum Theologorum, Intentio illa Matutina, ad omnes diei Actus Deo consecrandos, non sufficit; sed ad initium cuiuslibet operis, Matutina est renouanda, paucis similibus verbis. Domine, hoc propter te faciam. Propter te & ad gloriam tuam, edam, bibam, dormiam, &c. Præmittenda itaq; Intentionis recta, ante Actiones tuas habes Exemplar infra: Prius tamen antequam directionem Intentionis ad Deum feceris, Actum Contritionis, sic vel similiter elicere memento.

ACTUS CONTRITIONIS.

Domine IESU Christe, verus DEVS,
& verus HOMO: doleo ex toto corde meo, quod offenderim te infinitum bonum meum, infinito amore dignissimum. Amo te super omnia firmiterque statuo, nunquam posthac peccare, & omnes peccandi occasiones evitare. Propono quoque peccata mea confiteri, poenitentiam, quæ mihi iniuncta fuerit, exsolvere: & si quid alicui debeam; restituere.

Amore etiam tui, remitto iniuriam a quocunque mihi illatam. Insuper ad expianda peccata mea, offero Maieſtati tuæ, vitam, labores, & vniversa bona opera mea, si quæ sunt.

Ut verò humillimè peccatorum meorum remissionem efflagito, ita confido ab infinita bonitate tua per merita Sanctissimæ Passionis, Sanguinis, & mortis tuæ, ea mihi remittenda, præstandam etiam gratiam, quâ vitam meam emendem, & in Sanctissimo servitio tuo in finem usque perseverem, Amen.

DIRECTIO INTENTIONIS.

Actuum diurnorum, in unione Operum

CHRISTI, & B. MARIE,

ac Omnium Sanctorum.

SANCTISSIMA TRINITAS, Pater, Fili, & Spiritus Sancte; gratitudinis meæ debitum tibi persolvendo tributum, offero Divinæ Maiestatī tuæ affectu, quō possum vehementissimo, omnes totius vitæ meæ cogitationes, verba, & opera: præsertim quid hodie cogitaturus, locuturus, & facturus sim: Eaq; cum IESU Christi Domini nostri, B. V. MARIE; omniumq; Spirituum Beatorum, & Animarum iustorum, qui hætenus fuerunt, modò sunt, & post futuri sunt, cogitationibus, verbis, & operibus, unita, sine ullo præmij, vel poenæ respectu, sed duntaxat, tui unius causâ offero.

Obsecro te, per viscera misericordiæ tuæ, ut hanc oblationem meam, digneris acceptare, hodieq; me ipsum, ab omni peccato quantumvis minimo liberare; mihiq; concedas, ut nulli creaturæ cordis mei partem applicem, sed totus, & in omnibus tibi vivam.

Offero quoq; tibi, affectu quàm maximo possum, Beatissima Virgo MARIA (cui me ipsum totum post Filium tuum dulcissimum imprimis debeo) omnes cogitationes, verba & opera mea, ad honorem

norem tuum, cum plena tibi placendi voluntate & intentione, nullam aliam mercedem volens, quam ut purissimæ Animæ tuæ, aliquatenus voluptatē adferam.

Obsecro te Regina Serenissima, ut hodie mihi adesse, & auxiliari digneris; quatenus tuā intercessione, diem hunc, in magna vitæ puritate, qualis tua fuit dum vixisti, traducere queam. Amen.

PACTUM CUM DEO.

O Benignissime Pater misericordiarum, Dominus & Creator meus, ex quo, per quem, & in quo sunt omnia; in te enim vivimus, movemur, & sumus: proindeq; supremi iure Dominiij tui, omnia serviunt tibi. Hinc & tuus sum ego, uti nunc me ipsum trado tibi in servum perpetuum fædere sempiterno, eā intentione & desiderio, ut omnia vitæ meæ momenta, & omnia, quæ intra & circa me sunt, benedicant Nomini tuo.

Quia verò præsentis vitæ necessitates, minus sinunt mentem indefinenter laudi tuæ intendere: hinc tale Pactum tecum inco.

Quo-

Quoties hodie Cælum aspexero, Horologium aut sonum campanæ audivero; quoties carnem, mundum, aut Diabolum, me in quacunq; materia, Fidei, Spei, Charitatis, Castitatis, Patientiæ, Humilitatis tentantem sensero, nunc, protunc declaro (licet protunc hoc ipsum mente minus adverterem) toties me tibi congratulari & congaudere velle, ob infinitas perfectiones tuas, quòd sis, qui es, summè potens, Sapiens, Benignus, & Iustus.

Quoties oculum clausero, vel aperuero, toties rata & grata habeo omnia Opera & actiones, quas Vnigenitus tuus, & Omnes Sancti & Iusti, ad laudem tuam vnquam fecerunt, & deinceps facient: meq; horum participem fieri desidero.

Quoties halitum traxero, vel emisero; toties offero tibi vitam, Passionem & Sanguinem Domini nostri Iesu Christi, ac Omnium Sanctorum merita & passiones, ad laudem æternam & salutem vniversitatis, omniumq; totius mundi peccatorum satisfactionem.

Quoties suspiravero, vel pectus percussuro: toties detestor & abominor, omnia & singula peccata, tam mea, quam

quàm omnium hominum, ab initio mundi contra honorem Sanctissimi Nominis tui perpetrata, quæ utinam meo Sanguine compensari possent.

Demum, quoties manum, vel pedem movero, toties ex amore tui, projicio me & resigno totum in tuam Sanctissimam voluntatem: optans ut de me in tempore & æternitate disponas, iuxta tuum laudabilissimum beneplacitum.

Et hæc quinque Pacta, ne unquam irritari possint, Sacratissimis quinque vultuum Filij tui Sigillis obsigno: eaq; rata & valida esse volo, licet tunc, cum unum de iisdem edidero, de iisdem minime cogitarem.

PROTESTATIO CORAM DEO.

Saltem semel per Hebdomadam faciendâ.

Si quidquam ô mi Deus hodie & totâ hâc Septimanâ cogitavero, dixero, fecero per imprudentiam, quod Divino beneplacito tuo repugnet: coram te Domine, totaq; Curia tua Cælesti protestor, id præter, & contra voluntatem meam fieri. Si aliter accidat, miserere Domine, & erran-

errantem illicò revoca, cadentem suble-
va, & ne id contingat per bonitatem tu-
am rogo te misericordissime Deus, vt be-
nedictione tuâ me prævenire, & tanquam
rem tuam possidere ac regere digneris?

Arbitrij mei libertatem tibi sic subij-
cio, vt illam à te, si opus etiam fuerit,
cogi cupiam & vinciri, ne contra te re-
beller, aut contra voluntatem tuam vel
minimum quid committat. Unicè ve-
lim mi Deus, quod tu vis, & quod tu non
vis, id & ego unicè nolim. Hæc mea
unica sit voluntas, voluntatis tuæ bene-
placitum quærere ac facere in omnibus.

Si quid Domine à te petiero; ne lat-
giaris petenti quod honori tuo derogat;
quod tuæ voluntati repugnet: Scio ô Bo-
nitas scio, id mihi solum obest, quod tibi
non placet. Rogo te per omnes San-
ctos Angelos tuos, da mihi odium mei;
& tui in omnibus amorem.

P R O T E S T A T I O.

*Serviendi DEO gratis sine respectu
meriti vel præmij.*

Domine DEVS meus, quidquid facio,
quidquid patior, quidquid faciam,
pati-

patiarq; vnquàm quocunq; modo: totam puro, nudo, gratuito amorì tuo consecro. Non meritum cupio, sed gustum tuum intendo. Ipsum meritum quod consequor, tuo gustui consecro. Ipsum quod mereri non intendo, aut quod gustui tuo consecro, non propter maius meum meritum, sed propter plenius suaviusq; tuum placitum, tibi dignissimo DEO semel pro semper consecro: & tibi, & si non absq;, attamen perinde, ac si absq; omni à te præmij, ac boni spe, gratis purè ac nudè servio, servireq; in æternum volo.

Sufficit mihi placuisse tibi, non tamen quia placuisse tibi, bonum mihi; sed quia gratum ac placitum tibi. Amo te quia mihi places, vt tibi placeam, vt mihi placeas, non quia id bonum mihi, sed quia id debitum tibi, quia dignum te, quia bonum & gratum, & placitum tibi, & deniq; vt sit bonum, gratum, gustabile placitumq; tibi. *In negot: Spir: Ind: xxvii.*

O B L A T I O

Suiipsius D E O.

B

Susci-

SUSCIPE Domine vniversam libertatem meam, accipe memoriam, intellectum & voluntatem meam. Quidquid habeo & sum, mihi largitus es: totum id tibi restituo, tuæq; adorandæ trado, & subdo voluntati. Amorem tuum solum mihi dona, & dives ero satis, nec aliud quidquam posco.

O R A T I O.

Varios Actus Pœnitentis continens.

Domine IESU CHRISTE, credo quòd DEVS meus & Redemptor meus es. Credo quòd pro mea salute, de Virgine MARIA nasci, & in Cruce mori dignatus es. Credo quidquid per Sanctam Catholicam Ecclesiam mihi credendum proponis, & in hac fide, protestor me vivere velle & mori.

Domine IESU, doleo quòd summam Bonitatem tuam offenderim, & doleo, quòd non magis doleam de tot offensis, contra te Creatorem & Redemptorem meum ingratisimè perpetratis.

Peto humiliter peccata omnia mihi condonari, per Sanguinem tuum. Firmiter ab eis abstinere, & vitam emendare propono, si vixero.

At

Atque si quid oblitus sum, vel non cognoscam, quo tuam Maiestatem offendi; de eo illuminari cupio & poenitere, interim de omnibus veniam peto.

Omnibus, qui me vnquam offenderunt, libenter & ex animo, propter te mi Devs, offensas omnes dimitto; & si quem offendi ego, precor etiam mihi veniam dari.

Si quid alienorum bonorum est apud me, quantum teneor, & facultates meæ se se extendunt, volo satisfacere omnibus.

Spero in Divina tua misericordia, & in Sanguine cum tanta charitate pro me fuso, quod me licet indignum salvum facies, & adimplebis me letititiâ cum vultu tuo, quod vt facias, per Sanctam Passionem & mortem tuam te precor.

Corrobora me Domine JESU, contra omnes Sathanæ insultus, & scuto misericordiæ tuæ protege me, quoniam in bonitatis tuæ præsidio, tota est reposita spes & fiducia mea.

Nihil quidem meritum habeo, quod allegem apud te; malorum, heu nimis multum video: sed per tuam misericordiam, confido me salvandum.

Ita in pace, in idipsum, dormiam & requiescam, quoniam tu Domine singulariter in spe constituisti me. Tibi laus, tibi gloria, in sæcula sæculorum, Amen.

T A B U L A

Offerendi Opera nostra qualibet die per totam Septimanam.

DOMINICO. Per SS. Angelos, pro Exaltatione Ecclesiæ, Pace, & concordia Principum.

DIE LVNÆ. Per SS. Patriarchas & Prophetas, pro Animabus in Purgatorio.

MARTIS. Per SS. Apostolos, pro Parentibus & Benefactoribus Corporis & Anima.

DIE MERCVRII. Per SS. Martyres, pro Fratribus in Congregatione, Cognatis, & Amicis.

JOVIS. Per SS. Confessores, pro omnibus Ordinibus.

DIE VENERIS. Per SS. Virgines, pro peccatorum & Inimicorum conversione.

SABBATHI. Per omnes Sanctos, pro Universis Beneficijs, nobis à DEO datis.

ORA-

O R A T I O

Ad istam Tabulam.

Domine JESU Christe, en ego famulus tuus, propono mihi firmiter, atq; coram te protestor, quòd omnes meas operationes, quas præsenti die facturus sum, tam internas, quam externas, tam bonas, quam indifferentes, tam liberas, quam naturales, purè & vnicè facere intendo in vnione Sanctissimarum Operationum tuarum; nec non & in vnione, bonarum Intentionum, bonorumq; Operum, quæ Beatissima Virgo MARIA, omnesq; Sancti tui perfecerunt. Desideroq; eas omnes, recta & simplici intentione, integrè & perfectè referre, ad maiorem tuam, omniumq; Sanctorum & Sanctarum tuarum gloriam, laudem & honorem. Et eas tibi, per SS. NN. (*vide Tabulam*) & animæ meæ salute offerri & repræsentrari desidero & exoro. Tu ergo Domine pro infinita bonitate & clementia tua, dignare ea rata & grata habere, & in vnione omnium Operum & meritorum Sanctissimæ Passionis tuæ propiti-
us acceptare, vt virtute eorum, mea iu-
vetur infirmitas, & suppleatur defectus,
Amen.

Joannes Bona, Sacri Cisterciensis Ordinis primò Abbas, postea S. R. E. Cardinalis, in suo Horologio Ascetico, docet ex mente Theologorum, posse, ex una eademq^{ue} Actione, tot consequi merita, quot multiplicata fuerint ejusdem Actionis Intentiones: idq^{ue} per Extensionem Finium; ac si decies, vel trigesies repetita fuerit illa Actio vel operatio, cuius forma ponitur inferius.

DIRECTIO INTENTIONIS.

Per Extensionem Finium.

O Infinita Bonitas DEVS meus. quidquid agam passurvs hodie (vel tota hac Septimanâ) volo agere, vel pati, eo affectu, Sentitu, & Intentione, quibus Christus Filius tuus operabatur in terris.

1. Ut tibi laudem, cultum, honorem, & gloriam tribuam, quibus debeo te venerari.
2. Ut faciam voluntatem tuam.
3. Ut protefter omnimodam mei subiectionem, & dependentiam à te.
4. Ut quotidiana Corporis & Animæ bona impetrem,
5. Ut meritum & præmium æternum, quantum est in me, at geam.

6. Ut

DE RECITATIONE

Divini Officij.

Divinum Officium, reuerenter, attentè, deuotè; & in tempore debito est recitandum. Dicitur deuotè: secundum doctrinam S. August: qui ait: Si Psalmus orat, orate: si gemit, gemite: si gratulatur; gaudete: si sperat; sperate: & si timet; timete. Dicitur in tempore debito, decente eodem. Orare ante tempus, est prudentia: in tempore, obedientia: post tempus, negligentia. In recitando autem, non requiritur Attentio Actualis: sed sufficit Virtualis;

M O D U S

Offerendi DEO Officium Divinum.

Per usum Potentiarum Corporis & Anima.

DEUS cuius immensam Maiestatem, adorat omnis Ecclesia Sanctorum, offero tibi has Ecclesiæ tuæ Sanctæ preces, à me indigno die hodiernâ recitandas. Offero imprimis omnes a Matutino, vsq; ad Completorium Horas: offero omnes earum affectus, & sensus, à Spiritu Sancto, & ab Ecclesia Sponsa tua intentos, atq; hic depositos. Offero omnia

nia earum puncta, commata, sententias, verba, literas. Offero omnes motus linguæ meæ, & manuum mearum, omnes ictus oculorum, omnes respirationes, omnes cogitationes, & affectiones animæ meæ: omnes mei commotiones, in hac præsentī Oratione, interkursuras. Accepta igitur hoc tributum servitutis meæ, Tu qui es Dominus meus, Rex meus, **DEVS** meus, solus vnus, naturalis: meq; mancipium tuum naturale & voluntarium, Spiritu Sancto tuo, & gratia efficaci, atq; abundanti, purifica, confirma, sanctifica: vt tibi seruitium meum, in Sanctitate & Iustitia; & perseverantia exhibere valeam. Qui in Trinitate perfecta vivis & regnas, vnus **DEVS** in sæcula, benedictus.

O R A T I O alia.

Clementissime Domine **DEVS**: ecce ego miser peccator; attamen Opus manuum tuarum, venio huc coram te, vt Divinam Maiestatem tuam, quam omnes Creaturæ in Cælo & in terra laudare obligantur, & nunquam pro merito laudare sufficiunt, laudem, adorem,
& be-

& benedicam. Sed cum ob innumerabilia delicta mea, de quibus nunc ex intimo corde doleo, ad adorandum & invocandum te indignus ac imparatus sim: igitur te per misericordiam tuam deprecor, ut me indignum & imparatum dignum facere, & cor meum ab omni macula peccatorum pretioso Sanguine IESU Christi mundare digneris.

Aperi Domine os meum ad benedicendum nomen Sanctum tuum: munda quoque cor meum ab omnibus vanis, perversis, & alienis cogitationibus: intellectum illumina, affectum inflamma, ut digne, attentè, ac devotè hoc Officium recitare valeam, & exaudiri merear, ante conspectum Divinæ Maiestatis tuæ. Per Christum, &c.

O R A T I O.

Post Divinum Officium.

SUScipe Clementissime DEVS, precibus & meritis B. V. MARIÆ Genitricis tuæ, & omnium Sanctorum Officium servitutis nostræ; & si quid dignum laude egimus, propitius respice: & quod negligenter actum est, clementèr ignosce.

Qui

Qui in Trinitate perfecta vivis, &c:

Habetur alia in Breviario, qua incipit:
Sacrosanctæ, & individuæ Trinitati, &c:

*Quam, qui deuotè post Officium recitauerit, omnes defectus & culpas in eo persoluen-
do ex humana fragilitate, contractas, ei LEO
X. indulgit.*

DE CONFESSIONE

Celebrationi Missæ præmittenda.

Concors est doctrina Virorum in Sacra
Theologia eruditorum; Nullum Sacerdos
tem, conscius sibi peccati mortalis, ad Sacri-
ficandum accedere debere: priusquam Confes-
sione Sacramentali Conscientiam suam emun-
det, quantumvis contritus sibi videatur, &
non solum à peccatis lethalibus, sed & a ve-
nialibus opus est, ut expurget animam. Hoc
idem docet Thomas à Kempis de Imit: lib: 4:
dum inquit: Diligenter examina Consci-
entiam tuam, & pro posse tuo, verâ con-
tritione, & humili Confessione eam
munda & clarifica, ita ut nil grave ha-
beas, aut scias quod te remordeat, & li-
berum accessum ad Altare impediatur.
*Quod si nihil repurgandum habeat, vel ad
confitendum Sacerdos desit? intentissimum
eliciat prius dolorem, de omnibus & singulis*

totius

totius vite sua delictis, quò promisso ad celebrandum accedat,

O R A T I O

Præparatoria ad Confessionem.

AD te piissime JESU, moerens & tristis venio, recogitans tibi annos meos, & delicta mea in amaritudine animæ meæ. Ad te verba doloris effundo, misericordiam implorans, ut facias opus tuum, quod est misereri & parcere: tollens peccata mea, quæ sunt magna miseria mea. Ne despicias voces & singultus Ovis perditæ, & filij tui prodigi, ad tuam pietatem redeuntis, de regione longinqua. Ecce venio ad te corde contrito & humiliato. Emitte lucem tuam & veritatem tuam, & illumina mentem meam, ut omnia mala mea, quæ commisi, & bona, quæ omisi, distinctè cognoscam, & integrè confitear.

Hic Examen Conscientia faciendum, & peccata in memoriam revocanda. Post factam orationem Examinis, dolendo de peccatis dic:

Doleo benignissime DEVS, de omnibus & singulis etiam minimis peccatis meis; eaq; detestor, super omnia mala,

non

non solum arido & imperfecto corde meo, sed corde etiam & affectu, omnium verè poenitentium, ex gratuito tui amore: quia Deus es infinito amore dignissimus. Firmiterq; propono qualibet potius subire mala, quam iterum peccato consentire. Exactissime item confiteri volo, tibiq; & proximo integrè satisfacere, atq; omnes peccandi occasiones deinceps evitare.

Quidquid verò mihi deest, suppleat mors tua, sanguis tuus, & superabundantia merita tua, quibus fretus, veniam obtinere spero, & gratiam mores meos corrigendi, & in bono usq; ad finem perseverandi.

O R A T I O.

Post Confessionem.

GRatias tibi ago Omnipotens sempiternè Deus, quia non secundum peccata mea fecisti mihi, sed superexaltasti misericordiam tuam, & proiecisti in profundum maris, omnia delicta mea. Confirma hoc Deus, quod operatus es in me: tibiq; grata sit & accepta Confessio mea: atq; omnem eius defectum suppleat

pic.

pietas, & misericordia tua.

Misericordiam tuam imploro, & veniam poscilo cum inviolabili proposito amplius non peccandi, te vires mihi ministrante. Convertere ergo, & deprecabilis esto super me indignissimum servum tuum: & noli sic antecedere malum meum, ut obliviscaris bonum tuum. Amen.

O B L A T I O

Pro peccatis.

PATER caelestis, Pater clementissime, propitius esto mihi miserrimo peccatori. Ego in plenam emendationem, expiationem, atq; satisfactionem, pro omnibus peccatis, excessibus & negligentis meis, & pro peccatis totius mundi, & in perfectam suppletionem meritorum, quæ mihi desunt: offero tibi dilectum Filium tuum, in visione illius charitatis; quæ tu eum misisti in mundum. Offero omnia, quæ ipse pro nobis fecit ac pertulit. Offero Sanctissimam Incarnationem, Vitam, labores, ærumnas, Passionem, cruciatum, Sanguinem, & mer-

tem illius. Offero virtutes eius perfectissimas. Offero merita ac Virtutes B. V. MARIÆ, atq; Omnium Sanctorum tuorum. Suscipe obsecro, hanc oblationem, in odorem suavitatis, & laudem æternam, pro mea omniumq; salute. *Blessus in Serm: Spirituali.*

Hanc oblationem poteris applicare, tam vivis, quàm mortuis, mutatis mutandis.



DE CELEBRATIONE MISSÆ.

*De celebratione digna Sacrificij Missæ, de
Excellentia & valore eiusdem: cum quali di-
spositione, & actuali devotione celebrandum
sit, qui nosse cupit? Tractatum Asceticum,
præmemorati Eminentissimi Cardinalis, de Sa-
crificio Missæ ritè celebrando, diligenter legat,
& informabitur sufficienter. Antequam au-
tem ad celebrandum accesserit, infra positas
vel similes recitet Orationes.*

DIRECTIO INTENTIONIS *Ante Missam.*

DEUS Cæli & terræ infinitè amabilis,
& omnium bonorum fons indefici-
ens. Ego N. omnium notarum miserrimus
peccator, & Ecclesiæ tuæ minister
indignissimus, ante Thronum gloriæ tuæ
humī provolutus, quàm maximo possum
amoris, reverentiæ, & devotionis affe-
ctu, volo & intendo hodie Sacrosanctum
Missæ Sacrificium, altissimæ Maiestati
tuæ, cui soli debetur, iuxta Ritus
S. Romanæ Ecclesiæ offerre, & ex-
nunc offero: vnà cum omnibus Sacrifi-

cuius tibi placitis, quotquot a principio mundi oblata sunt, & usq; ad finem offerretur. Simulq; pretium Sangvinis, & cunctos labores ac cruciatus Redemptoris nostri. Omnia merita Sanctissimæ & Immaculatæ Genitricis eius: Omnium Sanctorum Virtutes, totiusq; militantis Ecclesiæ laudes & preces.

In vnione illius admirabilis Sacrificij, quod idem Unigenitus tuus, in vltima Cæna instituit, & in Cruce consummavit: factus Sacerdos suæ victimæ, & victima sui Sacerdotij. Affectu ac nomine eiusdem, totiusq; Ecclesiæ suæ Sanctæ, & omnium mecum quocunq; modo offerentium, ex puro tui amore, & desiderio tui beneplaciti, semper & in omnibus perficiendi.

Ad tuam maximam laudem, & cultum, & gloriam. In protestationem supremæ tuæ excellentiæ: Dominiij tui in omnes Creaturas, & nostræ subiectionis, & deoquentiæ are.

In cultum Largæ tibi soli debitum, simul cum adorationibus tibi gratissimis eiusdem Christi Filij tui, Beatissimæ V. MARIE, omniumq; Angelorum, & Sanctorum.

In memoriam vitæ & mortis præfati Domini nostri, & in obedientiam eiusdem mandati, quo præcepit, ut idem in eius commemorationem faceremus.

Ad honorem & augmentum gloriæ Deiparæ Virginis, omnium Angelorum & Sanctorum, & eorum, quorum hodie festivitas celebratur.

In gratiarum actionem pro universis Beneficijs tuis, quæ mihi indignissimo peccatori, cunctisq; hominibus, & omni creaturæ conferre dignatus es.

In propitiationem & satisfactionem, pro peccatis totius mundi, & pro meis specialiter, de quibus doleo, quæq; detestor & abominor, super omne detestabile; quia tibi maximopere displicent, cum firmo proposito emendationis.

Et quia hoc Sacrificium vini impetratoriam infinitam habet: offero illud pro meis, & omnium viventium ac defunctorum necessitatibus. Ac primò quidem fructum, quem possum & debeo, illi principaliter applico, pro quo celebrare intendo; & si fortè contingat eum non indigere; vel non esse capacem; opto & volo hunc fructum ad NN. de-

... riva.

rivari, cum applicatione Indulgentiarum mihi vel tali defuncto.

Secundariò autem, sine eius præiudicio, pro quo offerre primariò teneor, vel intendo, offero pro omnibus mihi peculiariter commendatis, pro N. & N. pro tali gratia obtinenda, & pro cunctis viventibus atq; defunctis, pro quibus, me indignum famulum tuum legatione apud te fungi voluisti: vt defunctis requiem indulgeas, vivisq; gratiam concedas, tibi serviendi, & in amore tuo usq; in finem perseverandi, Amen.

DEPRECATIO

Pro omnibus Necessitatibus.

Memento Domine per viscera misericordiæ tuæ, per merita Filij tui, quem pro nobis oblatum, nunc denuo offeram, per merita Beatissimæ V. MARIÆ, & Omnium Sanctorum; memento Ecclesiæ tuæ Sponsæ tuæ; auge in ea puritatem Fidei, & munditiem sanctitatis; & labore virorum Apostolicorum, dilata eam toto Orbe terrarum. Censerva eam quietam, & tranquillam; & porta in-

tæ inferi non prævaleant adversus eam.

Hostium eius elide superbiam, & gentes à fide alienas, veritatis tuæ splendore collustra, ne pereant tot imagines tuæ, pro quibus pretiosus Filij tui Sanguis effusus est.

Da Summo Pontifici nostro N. cor docile, da Spiritus Sancti abundantiam, ut populo sibi commisso verbo & exemplo præluceat.

Intende oculos pietatis tuæ, in universos Ecclesiæ tuæ Præsules & Pastores, & fac eos super gregem sibi commissum fideliter excubare.

Adesto Parochis & Presbyteris, & omni Clero, ut nulli præbeant scandali occasionem, diligant puritatem, & ea exequantur, quæ pacis sunt.

Esto propitius omnibus Religiosis, quos separasti tibi in hæreditatem de universis populis terræ. Da illis continuum in virtute profectum, votorumq; ac Regularum exactissimam observantiam.

Effunde miserationes tuas, Domine Princeps Regum terræ, in omnes Reges & Catholicos Principes, eisq; tribue, in obedientia Fidei & Ecclesiæ perseveran-

tem famulatum, subditorum curam, iustitiæ zelum, mutuanam pacem, & observantiam mandatorum tuorum.

Tuum etiam auxilium cunctis Magistratibus præbe, ut pacatâ gubernatione subiectos regant, te in omnibus iudiciis suis timeant, tibiq; iugiter placere contendant.

Da omni statui Ecclesiæ, abundantiam gratiæ tuæ, ut unusquisq; in ea vocatione, in qua vocatus est, tibi dignè & laudabiliter famuletur.

Da Virginibus castitatem, Deo dicatis continentiam, Coniugatis sanctimoniam, Poenitentibus indulgentiam, Viduis & Orphanis sustentationem, pauperibus protectionem: Peregrinantibus reditum: navigantibus portum: iustis perseverantiam: Bonis ut meliores fiant: tepidis ut ferveant: malis & peccatoribus, qualem me esse dolens confiteor, ut convertantur.

Conserva Cælum in salubritate, terram in fertilitate: fructus in maturitate: Mundum in providentia omni ex parte sufficienti.

Respice omnes ægros, afflictos, tentatos,

ratos, agonizantes, & in aliquo periculo constitutos, & da illis auxilium, remedium, consolationem, prout expedit, ad gloriam tuam, & illorum salutem.

Supplex etiam oro te, benignissime, Deus, pro omnibus inimicis meis. quos intimè diligo: pro eis, qui me offenderunt, vel quos ego offendi, aut scandalizavi, ut eis in omnibus beneficias & peccata eorum sancto igne tuæ charitatis succendas.

Miserere omnium, pro quibus orare debeo, vel qui se commendaverunt indignis orationibus meis: omnium præcipuè Consanguineorum, Affinium, Amicorum, Benefactorum, & Parochianorum meorum; exaudi vota & preces eorum, & subveni eorundem ad te clamantium necessitatibus.

Oro te quoq; pro tali re, & negotio NN. ut felicem exitum sortiatur, si saluti nostræ profuturum esse cognoscis.

Memento etiam Domine Rex æternæ, cui omnia vivunt, omnium fidelium defunctorum, præsertim NN. super quos invocatum est nomen tuum, exingue eorum ardorem optato rore misericordiæ

tuæ

tuæ, & citò purgatos, in conspectu tuo admittere.

Pro me ipso tandem infelicissimo peccatore, clementiam tuam humillimè imploro, vt per virtutem huius sacrificij, vniversa peccata mea dimittas mihi, quæ multiplicata sunt super numerum arenæ maris. Audi Filij tui Sangvinem altius clamantem, quàm sanguis Abel, & in virtute huius oblationis miserere serui tui, secundum magnam misericordiam tuam.

Et quia in hoc incruento Sacrificio, cruentum illud in Cruce peractum, sc: Passio & Mors Christi, representatur; ideo celebraturus Missam, memoriam Passionis & mortis Christi, ante celebrationem debet facere, offerens illam Deo Patri, in suorum & totius mundi peccatorum remissionem.

ORATIO.

AD DEUM PATREM.

Passionem Christi representans.

MEMORIÀ memor ero Clementissime Pater, & tabescet in me anima mea, non niun q; dolorum & passionum, atq; acerbissimæ mortis Filij tui Domini nostri IESV Christi, cum gemitibus & lachrymis

mis recordabor, quia ipse salus & vita mea ante oculos pependit in ligno, offerens se tibi in holocaustum pro mea, & totius mundi salute.

Hanc autem Oblationem vivam, quam tu misisti in miseratione multa ad Altare Crucis immolandam pro nobis, hanc eandem tibi offero, Passionem eius & mortem recolens ac repræsentans.

Recordare igitur humilitatis eius, patientiæ, charitatis, mansuetudinis & obedientiæ.

Respice labores eius, jeiunia, contemptus, contumelias, vincula, irrisiones & iniquam condemnationem.

Respice in faciem Christi tui, & intueri speciosum formam præ Filijs hominum, opprobrijs, iniurijs, verberibus, livoribus, contusionibus, ita deformatum, ut non sit ei species, neq; decor.

Vide Caput nobilissimum, spinarum punctationibus transfixum, & percussionibus attritum.

Vide Genas modestissimas sputis foedatas, alapis cæsas, sanguine cruentatas.

Vide Oculos benignissimos lachrymis perfusos, & ad ignominiam velatos.

Vide

Vide Os suavissimum suu ardentissimâ cruciatum, & felle atq; aceto potatū.

Vide Dorsum, supra quod ædificaverunt peccatores, verberibus dilaniatum, & Humeros Crucis pondere oppressos.

Vide Brachia amabilissima funibus devincta & in Cruce crudeliter extensa.

Vide Manus innocentissimas durissimis clavis perforatas.

Vide Pedes delicatos, tot itineribus defatigatos, ac Cruci tandem affixos.

Vide Corpus venerabile pro nobis in Cruce suspensum, vulneratum, mortuum & sepultum.

Vide Sanguinem preciosissimum, usq; ad minimam guttam pro nostra salute misericorditer effusum.

Hæc enim tibi offero & repræsentor, omni quo pessum devotionis affectu: suppliciter orans, ut ipsa pietas, quæ Filium tuum pro nobis tradidit, te omnibus miseri compellat, pro quibus ille factus obediens usq; ad mortem, Crucem subire dignatus est, Amen.

ORATIO ALIA

De Passione Domini.

DEVS

DEUS, qui pro redemptione mundi voluisti nasci, circumcidi, à Iudæis reprobari, à Iuda traditore osculo tradi, vinculis alligari, sicut Agnus innocens ad victimam duci, atq; conspectibus Annæ, Caiphæ, Pilati & Herodis indecenter offerri: a falsis testibus accusari, flagellis & opprobrijs vexari, sputis conspui, spinis coronari, colaphis cadi, arundine percuti, facie velari, vestibus exui, Cruci clavis affigi, in Cruce levati, inter latrones deputari felle & aceto potari. Tu Domine per has sanctissimas poenas, quas ego indignus recolo & per Sanctam Crucem ac mortem tuam, libera me à poenis inferni, & concedere digneris, vt hoc Sacrificium, quod ad laudem Nominis tui offerre intendo, sit mihi in remissionem peccatorum, Amen.

Hanc Orationem dicentibus Bonifacius VIII. concessit plenariam peccatorum remissionem, si per 40. dies continuò recitetur: quod & Benedictus XI. Papa confirmavit: si modo non est abrogatum.

AD CHRISTUM.

Domine Iesv Christe, ecce ego ad mensam dulcissimi convivij tui indigne dignus

dignus accedam; respice in me oculis
misericordiæ tuæ; & aufer à me omnes
iniquitates & peccata mea, vt purifica-
tus mente & corpore, dignè degustare
Sancta Sanctorum merear.

AD SPIRITUM SANCTUM.

Veni Sancte Spiritus, veni & Cordis
mei penetralibus potenter illabere,
vt omnia vitia & defectus meos igne
tuo consumas, ac omnia peccata mea
remittas. Fac me dignum sacris Altari-
bus tuis ministrum: & præsta, vt hoc
Divinum Missæ Sacrificium, quam devo-
tissimo celebrem affectu & réverentiâ,
Amen.

AD B. V. MARIAM.

Gloriosissima Virgo MARIA, vnicum
langventis animæ meæ solatium, pre-
cor te, vt mihi miserrimo peccatori as-
sistere hâc horâ digneris, quâ pretiosis-
simum Filij tui Corpus & Sanguinem,
æterno Patri oblaturus sum, sicut amans
& dolens eidem Filio tuo in Cruce pen-
denti, & se pro nostra salute offerenti,
adstitisti.

Ne me despicias Mater misericordiæ,
ob in-

ob intolerabilem peccatorum meorum
fæditatem, neq; avertas faciem tuam à
me, quem Filius tuus tanto amore dile-
xit, ut pro me mori dignatus sit.

Aperi ergo manum tuam, & imple
me benedictionibus, quibus te Deus be-
nedixit in æternum: ut te interveniente
tremenda mysteria acceptabiliter perfici-
cere merear.

AD SS. ANGELOS.

Sancti Angeli, Archangeli, Throni,
Dominationes, altissimi Principatus,
Virtutes Sanctissimæ, invictissimæ Pote-
states, clarissima Cæli lumina Cheru-
bim, Supremi Spiritus Seraphim, assisti-
te mihi indigno peccatori, ut de virtute
in virtutem proficiens, dignus sim De-
um Deorum oculo fidei cernere, mani-
bus contrectare, intus recipere, ac
tandem in Patria cælesti clarè vobiscum
videre.

INVOCATIO OO. SANCTORUM.

Sancti Dei omnes, Sancti Patriarchæ
& Prophetæ, Sancti Apostoli & Mar-
tyres, Sancti Pontifices & Confessores,
Sancti Monachi & Eremitæ, Sanctæ Vir-
gines

gines D^eo amabiles, Sancti mei Tutelares NN. & te Sancte N. cuius hodie memoriam veneramus, vestro confilio patrocinio, accedo nunc ad immolandum Corpus & Sanguinem Domini nostri Iesu Christi; commutami me euntem ad Altare, fulcite vestris meritis, ornatè virtutibus; ut hoc Sacrificium, viva fide, ferventi charitate, & plena devotione pericijam.

ACTUS VARI

Ante Missam eliciendi.

ACTUS FIDEL.

Credo Domine, & firmissima fide te-
neo, te in Augustissimo Sacramento
Corporis & Sanguinis tui, verè præsen-
tem esse Deum & Dominum meum.

Credo inquam, in eodem Sacramen-
to Corpus tuum gloriosum, & Sangui-
nem preciosum pro nostra, omniumq; sa-
lute effusum, Animamq; benedictissi-
mam adesse, ibiq; latere Divinitatem, &
totam Sanctissimam Trinitatem: quia tu
in Patre, & Pater in te est; & pro hac
affectione milles mori paratus sum.

Credo

Credo etiam dulcissime JESU, quid-
quid credit à te edocta Sancta Romana
Ecclesia, & quidquid illa damnat, ego
pariter damno & anathematizo.

ACTUS SPEI.

Spero à te & peto, dulcissime Domine,
omnia auxilia necessaria, pro conse-
quenda mea perfectione & salute æter-
na, tuis infinitis meritis & Sanctorum
opitulationi innixus.

ACTUS AMORIS.

Amo te DEUS meus, unicum solati-
um animæ meæ. Amo te, toto te,
toto me, toto corde, tota mente, tota
virtute. Utinam omni momento te fer-
ventius semper amarem.

ACTUS GAUDII.

GAudeo & exulto ex omni Bono tuo,
& gloria tua, eiusq; propagationem
quàm maximam desidero.

ACTUS CONTRITIONIS.

Omi dulcissime DEUS, omnia pecca-
ta mea quantum possum detestor
propter te: paratus pro ijs plenissime in
hac vita satisfacere; vt anima mea, puris-

D

simum

simum tuæ Maiestatis semper sit habitaculum.

ACTUS DILECTIONIS

Inimicorum, & remissionis Iniuriarum.

Parco Domine omnibus qui me aliquâ molestiâ affecerunt, & eos propter te sincerè amo.

ACTUS RESIGNATIONIS.

Offero me Domine ad omnia mala, poenæ iuxta beneplacitum tuum toleranda: renuntians voluntati, iudicio, amoris proprio, ac libertati, meq; tibi resigno cum omnimoda indifferentia.

ACTUS PETITIONIS.

TE deniq; Summum Bonum meum, suppliciter adoro, & precor per illam amaritudinem, quam sustinuisti pro me in Cruce, maximè in illa hora, quando Anima tua egressa est de benedicto Corpore tuo, vt miserearis animæ meæ in egressu suo.

Ante egressum de Sacratio ad Altare.

EGo volo celebrare Missam, & conficere Corpus & Sanguinem Domini nostri Jesu Christi, iuxta Ritum Sanctæ Ro-

Æ Romanæ Ecclesiæ, ad laudem & gloriam Omnipotentis DEI, totiusq; Curie Triumphantis: ad vtilitatem meam, totiusq; Curie militantis: pro omnibus, qui se commendaverunt indignis orationibus meis, in genere & in specie, & pro felici Statu Sanctæ Romanæ Ecclesiæ.

Gaudium cum pace, emendationem, vitæ, spatium veræ Poenitentia, gratiam & consolationem Sancti Spiritus, perseverantiam in bonis operibus, tribuat nobis omnipotens & misericors Dominus, Amen.

Dicentibus hanc Orationem Gregorius XIII. Pontifex Maximus, Quinquaginta Annos, & Innocentius X. Ducentos Annos concessit Indulgentiarum.





IN CELEBRATIONE MISSÆ OBSERVANDA.

Celebretur itaq; hoc Augustissimum Missæ Sacrificium, cum summa veneratione, tam interna, quam externa, hoc est. In timore, humilitate, & compunctione cordis, in graui compositione corporis, & observantia rituum, ac Cereemoniarum.

Verba Consecrationis prolaturus, poteris renovare Intentionem Actualem, ad quam celebras, mente his brevibus, vel ad instar.

DA Domine, vt hæc Sacrosancta consecrationis verba, quam devotissimo proferam affectu, ad conficiendum Corpus & Sanguinem Domini nostri IESV Christi, quæ tibi pro N. tum pro peccatis totius mundi, & pro meis offero.

In Elevatione Augustissimi Sacramenti memento elicere varios affectus, e. g.

JESV Fili Dei vivi, Miserere mei.

JESV Fili Virginis MARIE. Miserere mei.

JESV Fili David. Miserere mei.

JESV Fili Hominis. Miserere mei.

Vel

Amo te DEVS meus, & adoro te toto Corde, totoq; affectu meo.

Ad

Ad Communionem dum peruenieris. post prolationem verborum Domine non sum dignus, &c. subsistendum aliquantulum, & intensissimo mentis affectu, hæc eliciantur verba.

ITa est Domine Iesu Christe, indignissimus sum: quia omnibus peccatoribus, & ipsis damnatis deterior sum. Indignus omni bono, & dignus omni malo. Fretus tamen pietate & misericordiâ tuâ infinitâ, te sumere præsumo. Quinimo, eâ Intentione & modo ad hanc sacratissimam Corporis & Sanguinis tui communionem accedo, ut amore amoris & gloriæ tuæ parvipendam (etiamsi possibile esset) quod magnam damnationem mihi in hoc Sacramento sumerem, ut tantummodo pietas tua, magis clarescat per hoc, quod te tam indignissimo non dedignaris communicare peccatori.

Christus S. Brigittæ dixit. Qui tali Intentione ad Communionem accedit; nunquam irreverenter accedere potest. lib. 2. Cap: II.

Hic intentionem habebis Corpus Christi sumere, per modum Viatici, ac si te hodie mori contingat.

Post

Post Corporis & Sanguinis sumptionem, dic cum S. Simeone. Nunc dimittis servum tuum Domine, &c. Et cum ablatis & ador- nas Calicem, corde vel ore profer ter vel quinquies. Laudetur SS. Sacramentum, in Suffragium alicuius Anima.

ORATIONES

Post Missam.

Finito Sacro recedens ab Altari ad Sacrarium, recitabis Canticum. Trium puerorum, cum Psalmis & Orationibus. Tandem ex- tus vestibus sacris, recipiens te in locum, ab omni strepitu remotum, & semotis om- nibus cogitationibus, plenas affectibus O- rationes fundes, quæ tibi infra ponuntur.

GRATIARUM ACTIO.

GRatias tibi ago, benignissime DEVS, quòd me vilissimum peccatorem, ad vivificum Men- sæ tuæ convivium.

Et quis sum ego? pulvis & cinis, ut apponeres erga me Cor tuum, inclinans Cælos tuos, & descendens, ut Sangui- ne tuo purissimo sordes meas lavares, & deficientem præ fame animam me-
am,

am, non mannâ de Cælo, sed Carne
tuâ immaculatâ reficeres, & satiarer.

Si Cæli Cælorum te capere non pos-
sunt, & Angeli non sunt mundi in con-
spectu tuo? quis ego sum, & quæ domus
mea, ut ad me venire & indignis ma-
nibus meis contrectari, ac in me com-
morari volueris?

Quid in me invenisti? Rex tremendæ
Majestatis, quod à Templo gloriæ tuæ
traheretur, & descendere faceret in abyf-
sum miseriæ?

Vos Angeli Sancti, vos omnes Electi
DEI, venite, audite & narrabo vobis,
quanta fecit DEVS animæ meæ! Cum
enim essem pauper, & abominabilis,
nec auderem oculos meos levare ad Cæ-
lum, præ multitudine iniquitatum me-
arum, ille me de pulvere suscitavit, cre-
xit de stercore, ut sederem cum Princi-
pibus, & de mensa eius comederem,
omnibus diebus vitæ meæ.

Gratias illi agite ex me, vos amici
fidelissimi; ego enim puer sum, non
annis, sed sensu; & nescio loqui, nec
verba invenio, quibus possim, ut par est,
tam copiosum munus extollere & præ-
dicare.

Sed

Sed tu Domine misericors, & immensa bonitatis, ne despicias humillimam gratiarum actionem meam, quam tibi offero de paupertate mea. Sit tibi laus & gloria in perpetuas æternitates, pro tam excelso & incomparabili beneficio: tibi laudes concinant: tibi gratias agant vniversi populi, tribus, & linguæ, omnes Angeli & Sancti tui.

Jubilent tibi omnes Creaturæ, quæcunq; Cæli & terræ, & abyssi ambitu continentur, & laudem tibi perpetuam dicant.

Jubilent tibi & gratias agant, cor meum & anima mea, vires, sensus, Potentiæ, & omnia membra Corporis mei: tibi soli sit honor & gloria: a quo, per quem, & in quo omnia, qui es Deus benedictus & laudabilis in sæcula sæculorum Am.

OBLATIO DEO PATRI.

SEVUS tuus ego sum, Domine Deus meus, & pro tributo servitutis meæ, aliquid tibi offerre vellem, quod Maiestate tuâ dignum & acceptabile foret.

Sed excedit omnem facultatem meam, debitum meum, quia tantum tibi
debeo

debeo, quanti tu vales, qui infinitus es. Et ex me quidem nihil possum, nihil sum. Habeo tamen ex gratia tua donum præclarissimum, quod nullo modo recusare potes. Habeo dilectissimum Filium tuum, Dominum meum IESUM Christum, qui ita se mihi communicavit, ut ego in illo, & ille in me sit.

Quare verba Prophetæ tui aptissimè vsurpabo & dicam. Benedic anima mea Domino, & omnia quæ intra me sunt nomini Sancto eius.

Ipse enim Filius tuus, dignè pro me Nomini tuo benedicet, teq; amabit & glorificabit. Nam intra me sacramentaliter existens, factus est vnum mecum, & ego vnum cum illo.

Ipsum igitur offero tibi, velut Thymiana suavissimi odoris, ad maximam tui gloriam & honorem: in gratiarum actionem, pro universis beneficijs tuis: in remissionem peccatorum meorum, & totius mundi. Ad impetrandum mihi, & omnibus, pro quibus oravi, & orare debeo, omnia subsidia vitæ temporalis & æternæ: & pro animabus omnium fidelium defunctorum.

Susci-

Suscipe Domine cum hac sacratissima oblatione, animam meam, & Corpus meum: omnes vires & affectus meos, vt sim perpetuum holocaustum, iugiter ardens Maiestatitux. Præsta vt deinceps, nec membra, nec sensus, nec potentias, nec vitam habeam, nisi vt te amem & seruiam tibi.

Offero me in seruum tuum perpetuum, meq; totum resigno in beneplacitum tuum, abiecta de me omni curâ & sollicitudine. Quidquid mihi evenire permiseris, à divina manu tua amantissimè suscipiam. In tempore & æternitate id volo, quod tu ab æterno de me decrevist, siue prosperum illud sit, siue aduersum.

Vivat semper super me, & regnet beneplacitum tuum, quod in omni verbo, actione, cogitatione, & levissimo quoquo motu implere desidero. Domine ante te omne desiderium meum, & gemitus meus à te non est absconditus. Desunt enim mihi verba, quibus explicem affectum meum. Succende me itaq; Domine, inflamma cor meum, viscera combure, vt iugiter tibi ardeam, in te vivam, & in te moriar, Amen.

Peti-

Petitiones post Missam.

Dulcissime amator Domine IESV Christe, qui me Corpore tuo immaculato, & pretiosissimo Sanguine refecisti: ignosce obsecro indignitati meæ, & quicquid deliqui in huius Missæ celebratione misericorditer indulge. Agnosco enim præsumptionem meam, quia ad hoc tremendum mysterium accedere ausus sum, sine debita præparatione, reverentetia, humilitate, & charitate.

Respice tamen in me oculis misericordiæ tuæ, & supple excessu meritorum tuorum meam nimiam imperfectionem: vincat & absorbeat bonitas tua malitiam meam. Riga me lachrymis, quas fudisti pro me, abluc sanguine, morte vivifica.

Penetret amor tuus viscera mea & omnem alienum amorem expellat.

Imprime cordi meo Crucis & humiliationis amorem, qui ut me redimeres, ne vno quidem momento sine Cruce esse voluisti.

Omnibus quoq; famulis tuis, pro quibus obtuli hoc Sacrificium, & pro quibus orare debeo, seu tu rogari vis, pacem

cem, salutem, & tuam benedictionem, tribuere digneris.

Converte miseros peccatores ad te, revoca Hæreticos atq; Schismaticos: illumina Infideles, te ignorantes. Adesto omnibus, qui in aliqua necessitate & tribulatione constituti sunt. Esto propitius propinquis & Benefactoribus meis. Miserere omnium adversantium mihi, vel qui me aliquâ molestiâ affecerunt. Succurre illis, qui se meis precibus commendaverunt. Da vivis gratiam, da fidelibus defunctis lucem, & requiem sempiternam, Amen.

A D B. V. M A R I A M.

O Serenissima & inclyta Virgo MARIA Mater Domini nostri IESU Christi: Regina Cæli & terræ, quæ eundem Creatorem omnium creaturarum, in tuo Sancto utero digna fuisti portare: cuius idem veracissimum Corpus & Sanguinem ego indignus sumere præsumpsi: rogo te per Virginalem humilitatem tuam, & per passionem & mortem eiusdem Filij tui, ut apud ipsum pro me misero peccatore intercedere digneris, ut quidquid in eius obla-

oblatione benedictissima, ignoranter,
negligenter, vel incaute commisi, tuis
Sanctissimis precibus, mihi dignetur in-
dulgere, Amen.

AD OMNES SANCTOS.

O Sancti. Sanctæq; DEI omnes, & Be-
ati Spiritus Angelici, quos DEVS
mellifluo vultu suo semper lætificat; ora-
te pro me. Saluto & veneror vos. Gra-
tias ago Domino, qui vos elegit, & in
suis benedictionibus prævenit. Eia, im-
petrate mihi veniam, & perfectam cum
DEO vnionem, Amen.

ASPIRATIONES

AD IESVM.

Et Varij Actus post Missam eliciendi.

O Dulcis IESU, doleo de peccatis me-
is, vt quod mihi de vero dolore de-
fuit, digneris supplere pro me: Deoq;
Patri omnem dolorem, quem super me-
is, totiusq; mundi, peccatis habuisti offer-
re. Amo enim & amabo te ex hoc in
æternum: non permittas me separari à
te, sin totus tuus, & tu meus in æternū.
Quis me seprabit à charitate tua, Do-
mine

mine Deus meus? Non timor mortis, quia tu es vita mea. Non amor mundi; quia ipsum sperno, & omnes pompas eius. Non tribulatio; quia tu, dum tribulor, mecum es. Non fames; non nuditas, non paupertas; quia tu es cibus meus, operimentum meum, & divitiæ meæ. Non persecutio; non gladius; quia hæc dulcia mihi sunt, propter te. Non creaturæ; Quia ante nihil sunt.

Quando mihi, ô dulcissime Iesu, & toti mundo mortuus ero, ut in te solo vivam, & tu vivas in me?

Quid mihi est in Cælo? & quid volui super terram?

Refice Domine esurientem animam meam, accende frigiditatem meam igne amoris tui: illumina cæcitatem meam claritate præsentiae tuæ.

In te suavissime Iesu sit omnis delectatio mea: tædeat me gaudij, quod est sine te: amara mihi sit omnis quies, quæ non est in te.

ORATIO DEVOTISSIMA.

Ante, vel sub Missa tam Laicis. quàm Sacerdotibus dicenda. Thomæ à Kempis.

R. espi

Respice Clementissime Pater, de Sanctuario tuo, & de excelso Cælorum habitaculo, super Sacrificium acceptabile tibi. Intuere Sacrosanctam Hostiam, Unigeniti Filij tui, quam offert vultui tuo pro nobis: Ipse est enim Summus Sacerdos, & verus Pontifex: qui non alienam hostiam, sed propriam carnem dedit, ad immolandum, in ara Crucis pro vita sæculi.

Propitiare mihi peccatori hodiè per hanc salutatem victimam. Esto exorabilis mihi infirmo homini, multum labili, & vitioso, qui non sum dignus respicere Cælum, neq; calcare terram: quoniam Conditorem meum offendi sæpissimè, sæpius agendo, loquendo, cogitando, contra præcepta tua irreverenter, & insensate.

Propter quæ omnia meritò incurri gravissimam indignationem, nec non omnium Creaturarum: accumulavi mihi Dei inimicitiam. Te enim offenso & despecto, iam utiq; iusto iudicio, omnis adversatur creatura peccatori.

Sed omnipotens, & Deus totius consolationis, miserere mihi servo tuo, ex

lati-

intimo corde pœnitenti & dolenti. Quoniam ex nihilo factus sum, & in peccatis concepus, vt fragilis homo cecidi.

Parce mihi Domine parce. Da veniam filio prodigo ad te revertenti de siliquis porcorum, & stanti ante Thronum gloriæ, & postulanti manum misericordiæ tuæ à manè vsq; ad vesperam, donec descendat ros gratiæ, & pluvia consolationis super terram cordis mei, quod tam aruit, & contabuit præ multitudinē peccatorum.

Propter temetipsum, inclinā Deus meus aurē tuam mihi, & exaudi verba mea. Mirifica misericordias tuas, qui salvos facis sperantes in te.

Scio, quia non propter operā mea facies, si quæ fortē videntur, sed propter bonitatem tuam Domine, quæ immensurabilis prædicatur.

Amplius autem exaudi me, per singulare meritum amantissimi & dulcissimi Filij tui Iesu Christi, qui pro peccatoribus crucifixus est, & mortuus, vt omnia peccata suā deleret passione.

Recordare alme Pater inæstimabilis charitatis eius, quomodo in mortem
tradi-

tradidit animam suam, vt vivificaret
populum suum, in nullo sibi pepercit,
vt reis & damnatis in æternum parceret.

Memento amarissimæ passionis eius,
quam gravia & indigna suscepit, quali-
ter ab hora matutina, vsq; ad exitum
suum, in Cruce pro humano genere la-
boravit, clamans Sanguinis sui effusio-
ne, pro reconciliandis tibi peccatoribus,
vt amicos de inimicis faceret, & de suis
profugis, adoptionis filios.

O summe, & venerande, & colende
Pater, hodiè tibi repræsentò omnia si-
gna Passionis vnici Filij tui, cum nostra
supplicatione, atq; suffragio omnium
beatorum Martyrum, qui eandem passi-
onem specialius imitati sunt.

Aspice & cognosce cuius sunt signa
amabilia, adoranda per sæcula. Ecce
Crux, clavi, lancea, fel, arundo, spon-
gia, sputa, flagella, Corona spinea, su-
dor, sanguis, alapa, virga, vestis, colu-
mna, alba vestis, purpura, & inconsu-
tilis tunica. Ista sunt gratiosa ornamen-
ta, & Regalia vexilla, quibus ad debel-
landas aëreas potestates processit Vnige-
nitus tuus, in nostræ carnis substantia.

E

Ista

Ista sunt arma bellica, quibus mors devicta est, & humana natura redempta.

Per hæc igitur benedicta & gloriosa Passionis insignia, dimitte mihi omnia peccata mea.

Sit mihi hæc veneranda armatura, & decora, contra omnia vitia, & tentamenta singularis potentia.

Sit mihi quotidianum speculum, & dulcissimum animæ meæ solatium, tam dolorosum & flebile spectaculum.

Suscipe Sanctissime Pater gratissimam hostiam oblatis Corporis Filij tui, quam tu ipse præparasti tibi; ac in sempiternum satisfactoriam, dignam ac sufficientem esse voluisti, ad exhaurienda omnia peccata, tam contracta, quam voluntate commissa.

Suscipe me pariter hodiè, in Sancta oblatione, quâ nulla sanctior est & præstantior, quæ tibi venerabiliter offertur per manus Sacerdotum tuorum diebus singulis pro vivis & defunctis, ac pro cunctis necessitatibus nostris.

Proficiat hæc mihi, & omnibus Orationibus meis commendatis, quorum necessitas & fides nota est tibi, sive iam præ-

præsentēs, siue abſentēs, huic celebrati-
oni exiſtant.

Perveniant ad te preces eorum, & de-
votio cooperetur illis ad ſalutem, inef-
fabilis virtus & efficacia Sacramēti, quod
divinitus eſt inſtitutum, non humanitus
inveſtigandum, ſed piè colendum, fide-
liter adorandum, firmiter credendum;
& uſq; ad conſummationem ſæculi con-
tinuandum.

O pretioſiſſimum & ſuaviſſimum Sacri-
ficium, quod tibi æterno Patri pro nobis
obtulit coæternus Filius tuus, factus &
iple hoſtia vera, viva, ſalutaris, unica &
perfecta: qui erat ſolus Pontifex imma-
culatus, ſanctus, & immunis ab omni de-
lictō, non habens neceſſe prius pro ſe-
metipſo rogare, & hoſtiam ſecundum
legem offerre, ſed pro debitoribus mor-
tis ſemel moriens interceſſit, non habenti-
bus, nec inventientibus in univerſa cre-
atura, quid pro delictō ſuo redderent.

Jam igitur non deſpero, neq; ultra
deſperabo de venia & curatione pecca-
torum quotieſcunq; etiam me peccatum
apprehenderit.

Inveni enim fontem, quò ſanandus ac-

cedam; Medicum, ad quem sanandus recurram.

Scio, ubi sit spes mea, & vniversa consolatio mea. Quia in passionibus, & vulneribus Domini nostri Iesv Christi, summa salutis, totaq; ratio spei meae consistit & abundat.

Per omnia benedictus sis Deus meus, qui tam magna & immensa divinae largitatis beneficia contulisti mihi. Istis namq; vehementer me accendis ad re-
gratiandum tibi, & dilecto Filio tuo.

Sed ô mi Pater fidelissime, quid agam, quia nil dignum in me reperis aptum dono gratiae tuae?

Verumtamen bone Pater, cuius sunt omnia dona bonorum, scio, quia nullus indiges, & tamen te parva nostra delectant, si ea devotè & spontaneè tibi videris offerri.

Dabo igitur aliquid, & modicum, quod mihi deperire potest, a mori tuo sacrificabo. Nam tibi oblatum melius mihi manet, & tamen merces futura non de-
erit tam libenter offerenti.

Si auderet quis inhæsitantè sese donare tibi, tu te utiq; redderes illi, fieretq;
quod

quod ore Capitis nostri dictum est: DATE,
ET DABITVR VOBIS.

Nunc ergo si digneris accipere, ecce
voluntariè me ipsum offero, & tuæ di-
spositioni animam meam, & corpus
meum fidenter derelinquo.

Voluntatem quoq; propriam ex hac
hora, & deinceps promptissimo corde
resigno, quemadmodum dilectus Filius
tuus CHRISTYS Dominus noster, suam
tibi commisit voluntatem, vt nostram,
in sua abnegatione obtineret salutem,
formam præbens sequentibus se fideli-
bus, brevi & pleno sermone quem dixit.
PATER MI, NON SICVT EGO VOLO, SED
SICVT TV, FIAT VOLVNTAS TVA.

Hoc itaq; exemplo, vehementer ad-
monitus, te inspirante, & iuvante, de-
nuò me resigno omnibus, quæ mundi
sunt renuntians.

Carnis desideria despicio, omnes actus
& nefaria consilia maligni Spiritus abij-
cio, tibi me despondeo: tuo adhærere
servitio, cunctis diebus vitæ meæ concu-
pisco, iamq; devotè id agere instituo.

Et cum optimè sciam meam imperfe-
ctionem tibi cognitam esse, ideo in de-

festibus meis, accuso me, atq; sanioris emendationis remedium multâ contritione à te exposco, quatenus benevolentissima manus tua, quæ omnem infirmitatem curat, & omnem impotentem roborat, meam indigentiam non derelinquat. Per Dominum nostrum IESVM Christum, &c.

O B L A T I O

Sacrificij Missæ pro peccatis.

Domine Sancte, Pater omnipotens, æterne Deus; ego in plenam expiationem, & satisfactionem pro peccatis meis, offero tibi devotâ mente in hoc Divinissimo Missæ Sacrificio, Sacrosantam Hostiam, per hunc Sacerdotem, consecratam; offero inquam tibi, in odorem suavitatis, & laudem perpetuam, pro mea omniumq; salute.

Hæc Oratiuncula audientibus Sacrum, ab initio est recitanda.



DE EXAMINE CONSCIEN TIÆ.

Ante Prandium instituendo.

Quadrante vno ante comestionem meridionalem instituaturs Examen conscientia, more virorum Religiosorum, transacta diei rationem exigendo, & peccata sua ac negligentias, dolore sensus, & orationibus expiando, monente nota sanctitatis & eruditionis Patre Drexelio, qui de cultu conscientia scribens, inquit.

Aut non prande, aut prius conscientia tuae rationem redde.

Habet hac Recollectio, seu Examen Conscientia partes quinque.

1ma. Gratiarum actio. Pro acceptis beneficijs.

2da. Postulatio gratia, ad dignoscenda peccata.

3ta. Discussio Conscientia.

4ta. Dolor & detestatio peccatorum.

5ta. Propositum Emendationis.

Quod quidem Examen, sic vel similiter instituaturs.

GRATIARUM ACTIO.

Omnipotens sempiterne Deus, infinitas

nitās tibi ago grātiās pro vniuersis beneficijs tuis, quæ mihi indigno & abominando peccatori, hodiè & totā vitā meā, cunctisq; hominibus & omni creaturæ contulisti. Sit tibi pro illis sempiterna laus, honor, & gloria, in sæcula sæculorum, Amen.

POSTULATIO GRATIÆ

O Immenſa Maieſtas: quantas habeo iniquitates, peccata, ſcelera, & delicta mea, oſtende mihi Domine Deus meus?

DISCUSSIO CONSCIENTIÆ.

Omniū tranſgreſſionum tuarum hic rationem facias, & ſingulas diei horas, ab hora quā ſurrexiſti, uſq; ad præſentem percurrente, quibus peccatis, & quoties Deum offendiſti, diſcutiendo.

Dolor & Detestatio Peccatorum.

Doleo benigniſſime Ieſu, de omnibus, & de ſingulis ac minimis peccatis meis: eaq; deteſtor & abominor ſuper omnia mala, non ſolum arido & imperfecto corde meo, ſed corde etiam
& affe-

& affectu omnium verè pœnitentium,
ex puro tui amore; quia DEUS es infini-
to amore dignissimus.

Propositum Emendationis.

Firmiterq; propono, Domine IESV,
quælibet potius subire mala, quàm
iterum peccato consentire.

*Hic pœnam tibi aliquam assigna, Domi-
nicam Orationem, vel Angelicam Salutatio-
nem: vel ter osculando terram.*



DE REFECTIONE CORPORALI.

Post factam Recollectionem mentis, pransurus vel canaturus, memento prius famelicis in Purgatorio animas, spiritualibus cibare ferculis, dicendo pro illis Psalmum. De profundis clamavi ad te Domine &c. & in fine. Requiem æternam, &c.

℣. A porta inferi.

℞. Erue Domine animas eorum.

℣. Requiescant in pace. ℞. Amen.

℣. Domine exaudi orationem meam.

℞. Et clamor meus ad te veniat.

O R A T I O.

Fidelium DEVS omnium Conditor & Redemptor, animabus famulorum, famularumq; tuarum remissionem cunctorum tribue peccatorum, vt indulgentiam, quam semper optaverunt, pijs supplicationibus consequantur, Amen.

Et fidelium animæ per misericordiam Dei requiescant in pace, Amen,

Premissa consueta benedictione Mensa, quam in Breuiario pro diuersitate temporis habes, assidendo Mensa, & appositos manducan-

*ducando cibos, reuoca tibi in mentem illa,
M. Basilij verba, qui Hom: in S. Iulittam,
dicit. Accumbens Mensæ ora: esitans
panem, Largitori gratiam rependito:
bibis vinum; memento eius, qui illud
tibi dedit, ad lætitiā, & infirmitatis
solamen. Proinde pias ad Deum de corde
tuo aspirationes funde sic, vel similiter.*

Tu me cibus tuis, I E S V benignissime,
pascis, qui nec buccellam quidem panis
mercor. O quanti pauperes fame pere-
unt! cū mihi indignissimo nihil desit.

Vel.

O si tam temperanter vires corporis
reficerere possim, sicut tu ô bone I E S V
olim in terris.

Vel.

Tu, qui felle & aceto potatus fuisti,
Christe I E S V, da mihi veram temperan-
tiæ virtutem, vt tam mentis, quam
corporis castitas nullum patiatur detri-
mentum.

*Et si quod ferculum minus gratum appo-
situm fuerit; obmurmurare noli, sed illud fel-
le & aceto Christi condias, & fragmentum
panis, in Sanguine Lateris Christi intingas.*

D E

DE EXAMINE CONSCIENTIÆ VESPERTINO.

Ad commendationem Examinis Conscientiæ instituendi, non est multis laborandum verbis. Auscultent verba supra citati Patris Drexelij, lib. de cultu Conscientiæ dicentis. Pestilentissimæ, & inexplicabilis audaciæ est; Conscientiam ægram, & lethalis culpæ vel vnicæ ream, ad lectum deducere, ac plumis sepelire: nec prius Numinis offensam deprecari, & cum Deo in gratiam redire. Hac ille. Tu verò tuis præforibus optarem ut affigat versus.

Non prius in dulcem declines lumina somnum,

Omnia præteritæ, quàm computes acta diei.

Examen Vespertinum, tot, & easdem habet partes, quot, & quas habet antemeridianum. Cuius instituendi forma paulò prolixior traditur infra.

GRATIARUM ACTIO.

Gratias tibi ago, Domine Sancte Pater omnipotens æterne DEVS, pro universis beneficijs tuis, quæ mihi hodie, &
toto

toto vitæ meæ tempore contulisti. Grati-
 as tibi ago, quòd me ad imaginem &
 similitudinem tuam ex nihilo creasti.
 Grati- as tibi ago, quòd me pretioso San-
 guine Filij tui redemisti. Grati- as tibi
 ago, quòd me Christianum & Sacerdo-
 tem fecisti, ac in eo statu, ab innume-
 ris peccatis præservasti: vitæ perfectæ
 desiderium dedisti: bonos instinctus, ac
 inspirationes immisisti.

Grati- as tibi ago, quòd emendationem
 meam patientissimè expectasti, longi-
 usq; spatium tibi serviendi tribuisti. Pro
 quibus beneficijs, sit tibi laus & honor.
 in infinitas sæculorum myriadas.

POSTULATIO GRATIÆ.

Nunc ergo Domine his beneficijs tuis,
 adiunge aliud, illuminans tenebras
 meas, & gratiam tribuens, omnia pec-
 cata mea & negligentias agnoscendi, de-
 testandi, & emendandi: vt tibi deinceps
 per omnia placeam, & dignos faciam,
 poenitentiae fructus.

DISCUSSIO CONSCIENTIÆ.

*Hic totius diei cogitata, dicta, facta, & o-
 missa percurrere diligenter & inquire, quid sin-
 gulis*

gulis horis, ab ultimo Examine elapsis, contra Deum, Proximum, & te ipsam peccaueris.

DOLOR DE PECCATIS.

IN his & alijs multis, quæ propter cæcitatem meam ignoro, peccavi coram te Domine DEVS meus, & pro omnibus bonis, quæ mihi tribuisti, mala & ingratitude meam retribuui tibi. Doleo de his omnibus eaq; detestor, super omnia mala. Nec mea solum peccata displicent mihi, sed & omnia totius mundi.

Postulatio Remissionis, & propositum Emendationis.

IGnosce mihi & omnibus, Pater misericordiarum: omnes enim offensas dei, & totius vitæ meæ, ac totius mundi in abyssum infinitæ misericordiæ tuæ projicio: & per mortem dilecti Filii tui rogo te, dimitte quidquid peccatum est, & da gratiam, ut deinceps purius vivam; & sperans in adiutorio gratiæ tuæ, firmissimè propono, non peccare amplius, & mores meos emendare.

In satisfactionem verò pro peccatis meis, offero tibi DEVS meus, Passionem, Crucem, & mortem Domini mei IESU

Christi.

Christi; merita B. V. MARIÆ, & OO. Sanctorum, illorumq; plenarias & tibi gratissimas satisfactiones: totam insuper vitam meam: animam meam, & corpus meum, ad omne beneplacitum tuum, in tempore & æternitate, cum vero & insatiabili desiderio, plenius Iustitiæ tuæ satisfaciendi, & hanc mulctam, quam mihi impono.

Mulcta autem sit.

Orationem Dominicam, & salutationem Angelicam, aut aliquem Psalmum flexis genibus recitare, aut terram aliquoties osculari, cilicio per diem Carnem affligere: aut disciplinam facere: aut Canā abstinere, aut Eleemosynam erogare.

ORATIONES.

Post Examen Conscientiæ.

Salva nos Domine vigilantes, custodi nos dormientes, vt virilemus cum Christo, & requiescamus in pace.

Ÿ. Custodi nos Domine vt pupillam oculi.

R. Sub vmbra alarum tuarum protege nos.

Digna-

Dignare Domine nocte istâ sine peccato nos custodire.

Miserere nostri Domine, miserere nostri.

Fiat misericordia tua Domine super nos, quemadmodum speravimus in te.

In te Domine speravi, non confundar in æternum.

ÿ. Domine exaudi Orationem meam.

℞. Et clamor meus ad te veniat.

O R E M U S.

Visita quæsumus, Domine, habitationem istam, & omnes insidias inimici ab ea longè repelle: Angeli tui Sancti habitent in ea, qui nos in pace custodiant, & benedictio tua sit super nos semper. Per Christum Dominum nostrum, Amen.

R Y T H M V S

A D C H R I S T U M.

IESU mi dulcissime,

IESU Rex amabilissime,

Tu mecum quæso man eas,

Hâc nocte mecum dormias.

Ut Corpus somnum capiat,

Et nunquam cor obdormiat

Præ-

Præsentem absens videat,
Et omne malum caveat.

Me Angelus custodiat,
Et Crucis signo muniat
Hinc Sathan procul fugiat,
Et IESVS solus maneat.

MARIA Mater gratiæ,
Mater misericordiæ,
Tu nos ab hoste protege,
Et horâ mortis suscipe.

ORATIO.

A D B. V. MARIAM.

O Beatissima Virgo MARIA, Mater
pulchræ dilectionis, protege me hâc
nocte, sub vmbra alarum tuarum. Mon-
stra te esse Matrem apud Filium tuum,
Mater gratiæ & misericordiæ. Impetra
mihi cor castum & purum, vt in eo qui-
escat hâc nocte dilectus Filius tuus Do-
minus noster IESVS Christus, qui pasci-
tur inter lilia, & qui est benedictus in
sæcula sæculorum, Amen.

A D SS. ANGELOS.

VOs Angeli Sancti humillimè depre-
cor, agite pro me excubias amoris,
dum dormiam: præsertim verò, tu San-

F. te

Œte Angele custos glorioſe, qui mei cūram ſuſcepifti, aſſiſte mihi hac nocte, hoſtemq; meum comprime, ne noxijs phantaſmaribus ànimi & corporis mei puritatem lædat, Amen.

A D S A N C T O S.

A Deſte & vos Sancti & Electi DEI; vos præſertim Patroni & Tutelares mei, S. Joſeph, S. Ioachim, S. Franciſce, S. Antoni, S. Anna, ſupplete vices fragilitatis meæ, & cuſtodite huius noctis vigilias ſuper me. Deumq; pro me laudate, dum ego dormiam, & me ab omni malo defendite.

P R O T E S T A T I O.

Ante ingreſſum Lecti.

SANCTIſſima TRINITAS, trine & vne DEVS, tu quoq; B. V. MARIA, Angele Cuſtos, & Sancti Tutelares mei: proteſtor coram vobis, me nolle ſomno indulgere propter voluptatem, & propter inclinationis ſenſualitatem, ſed ob naturæ neceſſitatem, & Divinæ ordinationis voluntatem, Amen.

Ingre.

Ingrediendo Lectum.

IN nomine Domini nostri IESU Christi, eo dormitum, qui me pretioso Sanguine suo redemit, ille me custodiat, protegat, ab omni malo defendat, & ad vitam perducatur æternam.

Recumbens in lecto exprime in fronte pollice literas Maiores I. N. R. I. dicendo.

**JESUS NAZARENUS, REX
JUDÆORUM.**

Hic Titulus triumphalis, defendat me ab omnibus malis. S. Deus, S. Fortis, S. & Immortalis, Miserere mei.

In pace in idipsum, dormiam & requiescam.

Antequam consopiaris Somno.

Domine IESU Christe, quàm multi sunt miseri in toto mundo, qui & lecto, & lecto carent, tui nihilominus Filij & mei fratres, tuo pretioso Sanguine redempti, & multò meliores me. Da illis Domine patientiam, & mihi misericordiam, Amen.

Quòd si recedat somnus à te, imaginare, te vulneri Lateris Christi os tuum applicare:

atq; ibi attrahens & reddens spiritum, pronuntiabis mente, hoc Nomen Sanctissimum JESUS primam Syllabam attrahendo Spiritu, s. IE posteriorem respirando SUS, id faciendo donec obdormiscas.

Noctu expergesacius, suspira.

DEUS propitius esto mihi indigno peccatori. *vel.* Educ de tenebris, & umbra mortis, Domine, animam meam, & voca me in admirabile lumen tuum.

ORATIO AD JESUM

Eundo cubitum: vel mane de lecto surgendo.

O Dulcissime IESU, qui neminem vis perire, sed efficacia adhibes media, ut miseros peccatores, de lacu miseriae, & de luto facis eripias, & statuas super petram pedes eorum, ac dirigas gressus illorum, suppliciter precor, ut impoenitens cor meum, & duritiem eius lapideam, digneris emollire secretis inspirationibus.

Fateor quidem me vilem, & miserum peccatorem, per totum vitae meae cursum, in grandia prolapsus esse peccata: verum modo conversus, eâ quâ possum humi-

humilitate & dolore, proijcio me ad pedes misericordiæ tuæ, vt miserearis mihi, & respicias me illo misericordiæ tuæ oculo, quo Petrum Apostolum tuum respexisti.

Respice me itaq; vt egressus foras, ab occasionibus peccandi, amarè defleam peccata mea.

Respice me, vt exitus aquarum, deducant oculi mei, & lachrymis meis stratum cordis mei irrigem.

Respice me, vt intuitu tuo liquefacias durum & rigidum cor meum, quo te intima dilectione complectar: tecumq; vnus efficiar spiritu, per liquefactionem internæ vnionis.

Et precor te, ô bone Iesv, per pretiosum, quo me redemisti, Sanguinem, per vincula, per mortem tuam acerbissimam, absolve me à vinculis peccatorum: confige timore tuo carnes meas, imò & cor meum charitate tuâ, & tene me non solum hâc nocte (vel die,) sed toto vitæ meæ tempore gratiâ tuâ, ne iterum deserens te, deserar à te. & cadam in profundum inferni; ne iterum offendam, quem æternum amare, laudare, & benedicere concupisco.

ORA.

ORATIONES

Pro felici morte.

AD SS. TRINITATEM.

Pater æterne, per vitam & mortem æterni Filij tui, per omnem bonitatem tuam, te rogo: concede mihi, vt in bono perseverem, & in gratia tua moriar.

Bone IESV, per extremas illas tuas in Cruce voces, quibus Patri Spiritum tuum commendasti: te rogo, suscipe Spiritum meum in fine vitæ meæ.

Spiritus Sancte DEVS, miserere mei, & Sancta inspiratione tua, me semper, & potissimum in hora mortis meæ adiuua.

Sanctissima TRINITAS vnus Deus, miserere mei, nunc, & in hora mortis meæ.
Drex; in Hexol: hora XII.

AD DEUM PATREM.

OMnipotens sempiterne Deus, qui Ezechia Regi, te lachrymabiliter deprecanti vitæ spatium protendisti, concede mihi indigno famulo tuo, ante diem mortis meæ, tantum vitæ spatium, vt omnia peccata mea valeam deplorare; & veniam ac gratiam, te miserante,
mere-

mereat accipere. Concede mihi quoq; per innocentem Filij tui mortem, felicem ac beatam horam, cum anima mea discessura est è corpore.

A D J E S U M.

Domine JESU Christe, per illam amaritudinem, quam sustinuisti propter me in Cruce, maximè cum anima tua benedictissima egrediebatur de Corpore tuo, miserere animæ meæ in egres-
su suo.

A D B. V. M A R I A M.

Saluto te ô pretiosissima Parens Domini nostri JESU Christi Virgo MARIA, & commendo tibi mortem meam: vt per dolores animæ tuæ, quos passa es, quando vidisti Filium tuum in Cruce pendentem, dolentem, & animam exhalantem, digneris me in hora mortis meæ reddere securum.

A D S S. A N G E L O S.

OPurissimi Spiritus, Angeli beatissimi, assistite quæso mihi migranti ex hoc sæculo, & potenter eripite me, ab immundorum Spirituum insidijs, & animam meam in vestrum consortium assumite.

mite. Tu præcipue Angele bone, qui custos es meus fidelissimus, defende me in prælio, vt non peream in tremendo iudicio.

A D S S. PATRONOS.

O Amabilissimi Patroni mei, N. N. etiam in vobis spem meam & confidentiam colloco: Vestrīs obsecro deprecationibus, apud DEVM nunc mihi adsitis: præsertim verò in extremo necessitatis articulo.

Impetrate mihi quæso benignam sententiam, vt à Iudice meo audire merear. VENI BENEDICTE PATRIS MEI, ACCIPE REGNUM, QUOD PARATUM EST AB INITIO MVNDI.

Pro auertenda morte repentina.

O Mi amantissime JESU, Dominus meus, & Deus meus, per omnes labores, ac dolores tuos: per pretiosum Sanguinem tuum: per Sacrosancta Vulnera tua: per illas tuas, ô mi dulcissime JESU, supremas in Cruce voces, DEVS meus, DEVS meus, vt quid dereliquisti me: per validum illum clamorem tuum, PATER, IN MANVS TVAS COMMENDO SPIRITUM MEUM.

SPIRITVM MEVM, ardentissimè te rogo,
ne subitò hinc trahas me. Manus tuæ,
ô mi Redemptor, fecerunt me, & pla-
smaverunt me totum in circuitu: ne quæ-
so sic repentè præcipites me. Da oro spa-
tium poenitentiae, da felicem in gratia
tua obitum, vt ego te totâ mēte diligam,
laudem & benedicam in æternum.

PRO OBTINENDO SS. EUCHARI-
STIÆ SACRAMENTO IN EX-
TREMIS.

○ Dulcissime ac benignissime Domi-
ne JESU Christe, ob tui Sacratissimi
Corporis reverentiam, quod ex intacta
Virgine MARIA sumpisti, concede mi-
hi misero peccatori, vt Corpus tuum
pretiosum animæ meæ, finalis sit refectio.

Pater noster: & Ave Maria.

○ Dulcissime & amantissime Domine
JESU Christe, propter Nomen tuum
Sanctissimum, concede mihi misero pec-
catori, vt gloriosissimum Nomen tuum,
quod est JESUS, sit mea finalis locutio.

Pater noster: & Ave Maria.

○ Dulcissime ac clementissime Domi-
ne JESU Christe, propter acerbis-
simam

simam Passionem tuam, concede mihi misero peccatori, vt tuum in Cruce ineffabile tormentum, sit mea finalis cogitatio.

Pater noster: & Ave Maria.

O Dulcissime ac misericordissime Domine JESU Christe, propter tuam Sanctissimam vitam: concede mihi miserrimo peccatori, omnes affectiones, cogitationes & operationes meas, in Sancta tua defigere vulnera.

Pater noster: & Ave Maria.

O Dulcissime ac piissime Domine JESU Christe, propter omnes miserationes tuas: imprime cordi meo, tuæ mortis exinanitionem, & omnium vulnorum tuorum passionem.

Pater noster: & Ave Maria.

Hac Oratio est Hugonis de S. Victore, efficacissima, ad obtinendum, quod petitur, quam citat Drexelius in Prodromo aternitatis.

Pro auertendis pœnis Purgatorij.

ATerne DEUS, hîc vre, hîc seca, modò in Purgatorio, & multò magis
in æter-

in æternum parcas. O Sanguis JESU,
restingue flammæ, quæ debentur mihi.
O Mater DEI, ne obliviscaris post mor-
tem clientis tui.

Oratio S. Ignatij.

A Nima Christi, sanctifica me.
Corpus Christi, salva me.
Sanguis Christi, inebria me.
Aqua lateris Christi, salva me.
Passio Christi, conforta me.
O bone IESU, exaudi me.
Intra tua Vulnèra absconde me.
Ne permittas me separari à te.
Ab hoste maligno defende me.
In hora mortis meæ voca me, &
iube me venire ad te; Ut cum Sanctis
tuis laudem te, in sæcula sæculorum. A.

O R A T I O

Volentis diligere Deum.

Diligam te Domine, pro dono tuo &
pro modulo meo. Si tantum dilige-
re non possum, quantum diligere debeo?
non possum tamen ultra, quam possum.
Potero verò & amare amplius, quando
amplius donare dignaberis. Nunquam
tamen

tamen tantum te diligere potero, quantum dignus es, qui diligaris. Imperfectum meum viderunt oculi tui, verum, tamen in libro tuo omnes scribentur, qui quod possunt faciunt; etsi quod debent, non possunt. *Blos.*

O R A T I O.

In qua petitur efficax auxilium ad salutem.

ROgo Domine Salvator mi amantissime, ut Sacratissima Passio tua fiat mihi ad salutem non solum sufficiens, uti facta est omnibus hominibus, iustis, nimirum & impijs: verum etiam efficax, ad culpam omnem abolendam, ad poenam dimittendam, ad gratiam obtinendam, & ad gloriam consequendam. Uti facta est solis tuis fidelibus, iustis & electis.

O R A T I O.

In qua petit Castitatem & puras cogitationes.

Domine J E S U Christe, qui pascaris inter lilia, & inter animas castas habitas, earumque castitate delectaris: tolle à me desideria carnis immunda, & minus

nūs puras cogitationes repelle: induc
animam meam stolâ pulcherrimâ casti-
tatis, & corpus meum munditiæ virore
nobilita: vt ex corpore & anima mea, in
memetipso, magnificum Spiritui San-
cto, exstruam habitaculum.

Petitio alia.

EGO N. coram castissima MARIA Vir-
gine, Angelo Custode, & tota cælesti
Curia, tibi Deus cordis mei, quem ubiq;
præsentem agnosco, & sanctè veneror,
me sisto: & protestor: nolle me vnquam
consentire, non modò facinorî commit-
tendo; sed ne cogitando quidem, quan-
tumvis adversarij vim inferant. Detestor
& execor omnes istas foeditates ac spur-
cicias. Frustra agis sordide Tentator
Dæmon spurcissime: malo enim me de-
hisceat terra, castoq; mihi mille referet
infernus, quàm vt turpi delectationi, vel
ad momentum consentiam. Ita decre-
tum, ira constitutum est. Adesto ô MA-
RIA, ô Angele Custos, ô Patroni castita-
tis meæ. Tuq; voluntatem meam confir-
ma, bone JESU, quod per Sanguinem
tuum supplex deprecor.

ORA-

ORATIO

ANTE COMMUNIONEM

Per modum Meditationis facienda.

Altissime Domine & Deus meus, ego sum creatura vilissima, indigna, quæ bestiis tuis cohabitarem: & ecce tua infinita bonitas, mihi vult gratificari misericordiâ tam inæstimabili, vt habitaculum suum in anima & corpore meo ponat.

Sed quis es tu, ô bone JESU, quòd ad me venire dignaris? Tu es Dominus & Creator omnium, qui ex sola bonitate & misericordia tua, cuncta de nihilo creâsti; & ego quis sum, ô DEVS omnipotens, qui audeo appropinquare tibi, ac intra corpus & animam sumere? Scio quòd nihil sim, nisi pulvis & cinis, esca vermium, vas corruptionis, filius Diaboli, inferni hæres, ad omne bonum ineptus, ad omne verò malum promptissimus.

Quomodo itaq; ego creatura tam vilis, & immunda, audebo adire, & contingere Deum tantæ Maiestatis?

Ecce Luna etiam non splendet, & Stellæ non sunt mundæ in conspectu tuo;

Cola-

Columnæ Cæli contremiscunt, & pavent ad nutum tuum! Altissimi illi Seraphim, contrahunt alas suas & in conspectu tuo contremiscunt, se vilissimos fâtentur vermiculos. Quæ igitur audacia! quæ temeritas! vt ego abiectissimus de plebe tua, audeam te Dominum tantæ Maiestatis intra me recipere?

Quantus Præcursor tuus in utero Matris sanctificatus, indignum se testatus, vt solveret corrigia calceamenti tui? Princeps quoq; Apostolorum exclamabat dicens. Exi a me Domine, homo enim peccator sum. Quomodo ergo ego peccatorum Princeps facile præsumam appropinquare tibi?

Si panibus propositionis, vivifici huius Panis umbrâ, nemini, nisi mundo & sanctificato vesci licuerat: quomodo Mensam hanc vitæ, Panem Angelorum manducaturus corde securo accedam, qui procul absum ab omni sanctitate?

Scio ab hac mensa reiectum, ligatisq; manibus & pedibus in tenebras exteriores proiectum, qui sine veste nuptiali charitatis accesserat: & quidnam aliud quoq;

quoq; exspecto, si & ego sine charitate accessero?

O oculi divini, quibus abditissimi animæ meæ patent sinus: quid de me fiet, si meritis vacuus comparuero? Unde non immeritò horreo, & contremisco, dum ad Dominum tantæ Maiestatis lumendum accedo!

Si ergo tot sint rationes metuendi ex parte Maiestatis tuæ! quot erunt dum peccatorum meorum perpendo multitudinem? memor enim sum Domine, multorum graviumq; criminum meorum, quibus divinam tuam Maiestatem supra modum offendi.

Ah dulcissime JESU, quanto tempore divina Maiestas tua oblivione summâ apud me sepulta fuit, quando plus transitoria, quàm te dilexi.

Quotiès insipienter in corde meo dixi: NON EST DEVS: tam dissolutè siquidem aliquandiu vixi, vt moribus profiterer, me nullatenùs credere, esse Deum: operam non adhibui, vt tuum mihi amorem conciliarem: non iustitiam tuam timui, nec veritus sum dulcissimam legem tuam prævaricari: etsi te præsen-

tem ubiq; scirem, graviter tamen in-
 conspectu tuo peccare non erubui. Quid-
 quid desideraverunt oculi mei; non eis
 negavi, nec prohibui cor meum, quin
 omni voluptate frueretur: & quod ge-
 nus flagitij, quo se se anima mea non
 coinquinavit? quidnam aliud fuit vita
 mea, quàm assiduum contra te bellum?

O JESU misericordissime, verè pius,
 verè clemens: quoties poenas & tormen-
 ta tua peccando renovavi, & patienter
 sustinuisti! Quoties te ceu alter Iudas,
 pro momentanea vendidi voluptate, &
 filuisti! Veniens itaq; nunc, vt te per-
 cipiam, quid aliud ago; quàm vt oscu-
 lum tibi cum ipso Iuda præbeam? quo
 te tradam, postquàm iam vendidi.

Ah IESV clementissime! quomodo te
 recipere præsumam in statu tam immun-
 do & flagitioso constitutus? O Salvator
 & Redemptor animæ meæ: pudore suf-
 fundor in tali me cernens statu: & per-
 pendens, qualiter ad te DEVM meum
 accedere præsumam, qui stas iterum pa-
 ratus, vt me benignè recipias.

O piissime JESU, cui proprium est
 misereri semper & parcere, quid faciam,

aut

aut quò ibo à facie tua, qui te iam horrendè offendi?

Si ad hanc Sacram Mensam accedam indignus? scio me mihi iudicium manducare, & bibere: si verò non accedam? prorsùs à te alienabor. Quò igitur has inter angustias deprehensus me vertam? melius est mihi ô Pater misericordiarum, & DEVS totius consolationis, vt revertar ad te, eâ quâ possum animi humilitate, magnam meam agnoscens indignitatem, & peccata quibus iram tuam merui.

O JESU suavissime, qui non vis mortem peccatoris, sed magis vt convertatur & vivat; ego peccatorum maximus, prostratus coram te fateor peccata mea multa, & magna nimis, quorum me seriò poenitet, & doleo me ea perpetrasse, propter te.

Ah cur te offendi vnquam? cur peccata mea, super numerum arenæ maris multiplicare non erubui? vtinam ea non perpetrassem. Eheu feci tamen. Piissime IESU, misericordia tua magna, non est à me abscondita. Quapropter rogo te, vt secundum miserationum tuarum multitudinem deleas iniquitatem meam.

Hæc est quæ mihi suggerit audaciam
 veniendi ad te, qualis qualis etiam sim.
 Novi quòd peccatores repellere non so-
 leas, sed vocas eos vt convertas ad te.
 Nonne ipse idem es, qui dixisti. VENITE
 AD ME OMNES, QUI LABORATIS ET O-
 NERATI ESTIS, ET EGO REFICIAM VOS.
 Hæc piâ illectus vocatione, venio ad te
 pondere peccatorum prægravatus, vt me
 exoneres: venio laborans, & oneratus
 proprijs miserijs & tentationibus, vt me
 reficias. Dixisti quòd peccatores recipi-
 as, & cum illis manduces: En habes insi-
 gnem hîc peccatorem, qui dolens & ge-
 mens te accedit, vt miserearis, vt sic ex
 puro terecipiat amore.

Veni igitur, ô JESU misericordissi-
 me, vt animâ mea, tuâ mundetur præ-
 sentiâ, & amore accendatur.

ORATIO ALIA

Ante Communionem.

DOMINE DEVS meus, Creator meus,
 & Redemptor meus, cum tali affe-
 ctu, reverentia, laude & honore, tali
 gratitudine, dignitate, & amore; cum
 tali

ali fide, spe, & puritate te affecto hodie
suscipere; sicut te suscepit & desideravit
Sanctissima Mater tua, gloriosa Virgo
MARIA, quando Angelo evangelizanti,
sibi Incarnationis Mysterium, humiliter
ac devotè respondit. ECCE ANCILLA DO-
MINI, FIAT MIHI SECUNDUM VERBUM TVŪ.

Et sicut beatus Præcursor tuus, excel-
lentissimus Sanctorum, Joannes Bapti-
sta, in præsentia tua latibundus excla-
mavit in gaudio Spiritus Sancti, dum
adhuc maternis clauderetur visceribus;
sic & ego magnis & Sacris mysterijs
opto inflammari, & tibi ex toto corde
me ipsum præsentare.

Unde & omnium devotorum cordi-
um iubilationes, ardentes affectus, men-
tales excessus, ac supernaturales illumi-
nationes, & cælicas visiones tibi offero
& exhibeo, cum omnibus virtutibus &
laudibus ab omni creatura, in Cælo &
in terra celebratis & celebrandis, pro
me, & omnibus mihi in oratione com-
mendatis; quatenus ab omnibus digne
lauderis, & in perpetuum glorificeris.

Accipe vota mea Domine Deus me-
us, & desideria infinitæ laudationis,

ac immensæ benedictionis, quæ tibi secundum multitudinem ineffabilis magnitudinis tuæ iurè debentur.

Hæc tibi reddo, & reddere desidero per singulos dies, & momenta temporum; atq; ad reddendum tibi gratias & laudes, omnes cælestes Spiritus, & cunctos fideles tuos, precibus & affectibus, invito & exoro.

Laudent te vniversi populi, tribus, & linguæ, & sanctum ac mellifluum nomen tuum, cum summa iubilatione, & ardenti devotione magnificent. Ut quicunq; reverenter, ac devotè Altissimum Sacramentum tuum celebrant, & plenâ fide recipiunt, gratiam & misericordiam apud te invenire mereantur, & pro me peccatore suppliciter exorent.

Cumq; optata devotione, ac fruibili vnione potiti fuerint, & beatè consoleti, ac mirificè refecti, de Sacra Mensa Cælesti abscellerint: mei pauperis recordari dignentur.

GRATIARVM ACTIO

Post Communionem.

Domi.

Domine mi infinitæ bonitatis & magnitudinis, qui ad me creaturam adeo vilem, venire dignatus es: qui es Rex Regum, & Dominus dominantium: ad me! abiectionissimum terræ vermiculum: qui tanto tempore fui vas, & receptaculum Diaboli: ad me! qui te toties offendi, toties contempsi, contumelijs affeci, & crucifixi! ad me! qui tibi toties fel, pro potu suavi propinavi, quoties peccavi. Cui toties cordis mei ianuam occlusi, & à me repuli!

Indignus itaq; sum visitatione tuâ, eò, quòd te tam turpiter, à me reieci, hac meâ non obstante ingratitude, ad me venire, & sub tectum meum intrare, voluisti: vt animam meam, præsentia tuâ dulcissimâ satiares, & à libidine revocares.

Non tibi suffecit, quòd mihi in hoc Mysterio Sanctissimam communicaveris Humanitatem tuam, sed & Divinitatis tuæ me participem facere voluisti.

O clementissime animæ Reparator, quibuscum maioribus divitijs, & pretiosioribus monilibus me locupletare potuisti, hoc Augustissimo Sacramento?
cuius

cuius virtute omnia mihi condonantur peccata, & ex filio Diaboli, transformor in Filium DEI.

Ah JESU mi dulcissime, quas referam gratias? nescio. Quia si solus ego omnia Angelorum & Sanctorum, in Cælo & in terra corda possiderem, omnibusq; illis divinam Maiestatem tuam laudarem, vix minimam illius gratiæ, quam mihi gratificatus es, partem ad æquarem. Quòd si ne pro minimo quidem beneficio gratias tibi sufficientes agere possim etiam tot Creaturarum Choris mihi assistentibus & auxiliantibus, quid solvere potero, pro tot innumeris beneficijs?

Quid ergo retribuam tibi, ô piissime JESU, pro omnibus quæ tribuisti mihi? Scio optimè scio, dulcissime JESU, te non indigere quopiam, præter gratiarum actione, pro beneficijs tuis nobis præstitis. Eas itaq; pro posse fragilitatis meæ tremendæ tuæ Maiestatì ago, quòd Sacro Corpore tuo, & Sanguine animam meam nimis aridam dulciter refecisti, & immensum amorem tuum mihi indignissimo peccatori declarare voluisti.

In recompensam ergo visitationis tuæ, & signum reciproci amoris, tot beneficiorum tuorum vinculis constrictus, renuntio in posterum omni delectationi, & amoris externo propter te suavissime IESU. Mundus amplius non erit meus: carnis voluptatibus posthac frui nolo: pompam sæculi, eiusq; vanitatem non sequar amplius. Tu solus dulcissime IESU, verum & vnicum Bonum meum apud me commoraberis semper.

Et licet ob multitudinem & gravitatem peccatorum meorum, quibus Maiestatem tuam sæpius offendi, oculos ad Cælum, & ad te, Ô bone IESU, levare, vix audeam, nihilominus tamen de infinita tua confusus misericordia; nunc præsertim, cum tuam Maiestatem, intra cordis mei habitaculum receperim, audebo non solum veniam, sed etiam, efficax auxilium à te sperare.

Præsta itaq; dulcissime JESU, ut me emundes ab omnibus inquinamentis & peccatis meis, & vicissim omni virtutum genere adornes.

Insuper gratiam mihi concede, ut deinceps hoc SS. Sacramentum, tantum
cum

cum humilitate & reverentia, tanto cum timore & tremore, tanto cum dolore, cum poenitentia peccatorum meorum, tanta, tanto deniq; cum amore, & charitate suscipiam; quantum Augustissimum hoc requirit Mysterium. Quidquid verò oculis tuæ Maiestatis displicet; in me mortifica, & fac me tuæ conformem voluntati. Deficiant vitiosæ cordis mei affectiones: emoriantur carnis meæ concupiscentiæ, ut solus amor tuus vivat in me, iugiterq; flagret, in medullis præcordiorum meorum, vt prægustatâ amoris tui dulcedine, nihil deinceps præter te sitiam.

A S P I R A T I O N E S A D J E S U M

Post Communionem.

Domine JESU Christe, amem te solum propter te: & nihil amem nisi in te.

Domine JESU Christe, auge mihi laborem & dolorem, modò augeas & amorem.

Mi DEUS: omnia mea tua sunt, tibi omnia consecro.

Amo

Amo te mi DEUS, cupioq; ardenti-
us amare. Hâc amoris flammâ cor me-
um penitus liquefiat.

Et quando mi DEUS, & quando
hinc ad te evolabo?

Bone JESU, ego te toto corde di-
ligere debeo, & cupio: tu pro me sup-
plere digneris, quidquid ardentis deside-
rij & amoris mihi deest.

Domine JESU Christe, da mihi, vt
divino beneplacito tuo, & in Sanctissi-
ma tua voluntate vnicè delecter, & in
ea, super omnia requiescam.

Domine JESU Christe, vtinam nun-
quam te offendissem: vtinam posthac
viverem iuxta gratissimam voluntatem
tuam, tibiq; placeam.

Trahe me, dulcissime JESU, in Sanctis-
sima Vulnera tua, quia hîc securus ero
ab inimicis meis.

Ingredere anima mea, ingredere late-
bras sanctissimorum horum vulnerum,
quæ sunt vnicum tuum in tentationi-
bus, & adversitatibus perfugium.

O JESU noli me derelinquere, quia
te nunquam separari cupio.

Semper adherere lateri tuo, nec à
Sancta

Sancta Cruce, ac pedibus tuis, unquam
discedere volo, quoadusq; te in Cælo
videam.

Miserere mei DEVS, secundum ma-
gnam misericordiam tuam: etsi Domi-
ne minor sim, omnibus miserationibus
tuis.

Benedictus DEUS in æternum. Be-
nedictus centies, benedictus millies, be-
nedictus infinities; benedictus in æter-
num, & ultra.

O Dominus meus, & DEUS meus,
ego me tibi offero, in omne beneplaci-
tum tuum.

Non mea, sed tua fiat voluntas, ô a-
mantissime JESU.

ACTUS AMORIS DEI.

Etiam si damnandus sis in æternū.

O DEUS! ô Bonitas! ô dignitas A-
moris! Dato, quòd sim reprobis,
dato quòd te non sim amaturus in æter-
num: hoc ipso per totam vitam meam
amabo te, & ex amore tui serviam tibi.
Si homines mundani eo etiam titulo in-
hiant.

hiant, & adhærent viscosè rebus temporalibus, quia illis non sunt fruituri post mortem; quantò æquiùs ego fruar te in vita, si te non sum fruiturus post mortem. Caream Cælo, & dato, quòd carebo te in Cælo: hòc ipsò nolo te carere in terra, ne sim bis miser & ibi, & hìc: ne sim ante tempus infelix. Quidquid sit tandem, committo tibi & iudicijs tuis: mihi sufficit, ita adhærere tibi, vt non dimittam te, quamdiu fuero.

In exercitijs P. Pánton: de timore Iudiciorum Dei.

ASPIRATIONES ALIÆ.

QVis mihi det, ò Sponse gratiosissime, vt ego moriar pro te, & omnes illæ infamiæ, impropria, & dirissima tormenta, quæ mundus & infernus adversus te excogitarunt super me irruant? & pro his omnibus aliud præmium non habeam, quàm vt dulcissimo & ténerrimo Cordi tuo placeam.

ALIA.

O misericordissime Domine JESU, per Sanctissimam Vitam & merita tua:

tua: per quinque vulnera, in Latere, Manibus & pedibus inflicta: per omnia Vulnera quæcunque in Sanctissimo Corpore tuo, propter salutem nostram, poterant infligi, accepta: vniversa peccata mea, totius vitæ meæ, nunc & in hora mortis meæ, in inexhaustam misericordiam tuam recipe.

O R A T I O N E S P O E N I T E N T I A L E S. *Præmonitio.*

Hæc infra positas Orationes Pœnitentiales, in loco secreto, & ab omni strepitu remoto,, ante imaginem Crucifixi, quàm ardentissimo in te excitato deuotionis affectu, cum dolore cordis tui recitabis: vel adinstar Orationis mentalis meditaberis. Imaginaberisq; Deum præsentem, Choris Angelorum, & Sanctorum stipatum, tanquam ludicem in Tribunali sedere; & teipsum accusantem, lamentantem, ac dolentem, libenter audire. Item Beatissimam Virginem MARIAM, Angelum Tutelarem, & Patronos tuos, ad patrocinandum tibi præsto adesse.

O R A T I O

ANIMÆ POENITENTIS.

Quis dabit capiti meo aquam, & oculis meis fontem lachrymarum, ut defleam vulnera animæ meæ? Heu me qui facta sum sicut Sodoma, & combusta sicut Gomorrha? Quis miserebitur cineri meo? Durius offendi quam Sodoma; quia legem nesciens illa deliquerat; ego acceptâ gratiâ peccavi, in Dominum: quem propitiatorem inveniam? ô quam acerbus luxuriæ fructus, amarior felle, crudelior gladio!

Quomodo facta sum in desolationem: subito defeci! perij propter iniquitatem meam, velut somnium surgentium. Ideo in Civitate Domini, vilificata est imago mea, deletum est de libro nomen meum.

Væ diei illi, in quo me infelicem genuit vterus, & lux ista crudelis accepit. Oportuerat me potius fuisse non natam, quam sic in gentibus fabula fierem. Propter me confusio & improprium factum est famulis Domini, & cum dignè contentibus.

Lugete me montes & flumina, quia
fletus

fletûs ego filia sum. Exitus aquarum deducite oculi mei; operiat confusio faciem meam; deficiat in dolore anima mea, & anni mei in gemitibus.

Meum peccatum, & mea iniquitas non sunt similia offensis hominum.

Quàm horribilis est hæc impietas, carne polluere Virginem, & Castitatem professam! Mentitus sum in Dominum Altissimum. Verumtamen clamabo ad Dominum, DOMINE NE IN FURORE TUO ARGVAS ME, NEQ; in IRA TVA CORRIPIAS ME. QVONIAM SACITTE TVÆ INFIRME SVNT MIHI.

ORATIO.

Agnitionem, & deprecationem peccatorum continens.

QVis dabit capiti meo aquam, & oculis meis fontem lachrymarum, ut defleam noctes atq; dies peccata mea, meamq; ingratitudinem,

Quomodo potero sine lachrymis meminisse: quoties potuisti me peccantem, & in peccatis perseverantem occidere, & nihil mihi mali accidit.

Quid

Quid factum esset de me, si, quo tempore multos alios abstulisti, ad infernum deturbâsti, etiam me abstulisses? quàm strictum fuisset mihi præparatum iudicium, si iustitia me, tot delictis gravatum deprehendisset.

Quis tunc, ô Domine, ligavit manus iustitiæ tuæ? Quis, cum ego dormiebam, pro me deprecatus est?

Quis continuit flagellum indignationis tuæ? quando ego illam meis peccatis provocabam.

Quid tibi placuit in me? Cur mitius mecum ageres, quàm cum alijs, qui in medijs periculis, atq; adeo in fervore iuventutis, è medio sublati sunt?

Malitia mea contra te crescebat quotidie; & tua vicissim quotidie erga me, crescebat misericordia. Ego peccabam: tu me exspectabas. Ego fugiebam; tu me insequeraris, & in medio peccatorum meorum, multas à te bonas inspirationes, multasq; pias reprehensiones, accipiebam.

Quia me creâsti, & conservâsti, debeo tibi omne quod sum.

Quia verò me redemisti, & mihi te-

H

meti-

metipsum dedisti in præmium, quid red-
dam tibi?

Ego multa feci digna, cur me conde-
mnes; tu autem modum non amisisti,
quô me salves.

Quid igitur faciam? nisi, ut me ante
pedes tuos, prosternam; & misericor-
diam petam.

Agnosce, Domine, errantem hanc
Oviculam, ecce venio totus vulneratus,
tu potes me sanare. Totus cæcus, tu po-
tes me illuminare; totus mortuus, tu
potes me suscitare. Maior est misericor-
dia tua, quàm, mea iniquitas, & plus po-
tes remittere, quàm ego peccare. No-
li igitur me repellere, nec respicias mul-
titudinem peccatorum meorum, per in-
finitam misericordiam tuam, Amen.

O R A T I O.

*Quæ instituitur per modum Confessionis Spi-
ritualis: in qua se accusat Pœnitens, do-
let, & proponit emendationem & pœnam.*

Domine J E S U Christe, ego sum ille
peccator, nequissimus, miserrimus,
abominabilis, qui Maiestatem tuam,

tor

tot tantisq; criminibus offendi, vt illa enumerare non sufficiam, sicut arena maris præ multitudine numerari non potest. Propterea Domine Deus meus, confundor, & erubesco levare faciem meam ad te, quoniam iniquitates meæ multiplicatæ sunt super caput meum, & delicta mea creverunt vsq; ad Cælum.

Hic ponderabis dignitatem Personæ offensa.

Peccavi contra te Deum meum, qui es summum bonum meum. Dereliqui te fontem aquarum viventium, & fodi mihi cisternas dissipatas, nec me humiliavi sub potenti manu tua, cum in te solo vivere, ac moveri possim.

Defeci à supremo Principe, & Dominantium Domino, infami rebellione & perfidia meâ: adversus Sponsam animæ meæ adulterium commisi: innumeris beneficijs ad tuum contemptum abusus sum: ô quanta impudentia & perversitas mea inexplicabilis!

Hæcine reddidi tibi Domino meo stultus & insipiens? Nunquid non es tu Pater meus, qui possedisti me, fecisti, & creâsti me?

Quānam fronte attollam iam oculos meos ad vultum Patris tam boni; tam malus filius?

Pudet indigna gessisse generi meo; pudet tanto Patri vixisse degenerem. Sed quam ob causam peccavi contra te amantissimum Patrem indignus filius? Ob modicam & sædam Carnis voluptatem: ob punctulum honoris: ob vile lucellum: ob res deniq; vilissimas, & instar fumi prætereuntes. O stoliditatem & malitiam meam! Dominum Deum factis negavi, & Diabolum ei præposui, idq; tanta temeritate & audaciâ, ac si esset Deus ligneus, qui scelera mea nec videre posset, nec vindicare.

Proruptio in admirationem.

Quâ ratione modò in hoc misero statu meo vitam hilarem & tranquillam ducere potero? Quomodo me Creaturæ omnes hætenus sustinebunt? quin imò adversum me omnes vnanimitèr conspirabunt, quarum Conditorum tam enormiter offendi? Quo pacto tu Deus meus, tam amantèr & patienter poteris me tolerare, qui tot millena mil-

lia aliorum æternis cruciatibus addixisti,
ob peccata & gravitate, & numero me-
is multò minora.

Conteritur & proponit.

Sed vt video, misericordissime DEUS,
aquæ multæ peccatorum meorum, non
potuerunt extinguere charitatem tuam,
quam tot tantisq; beneficijs declarare
dignatus es. Ideo memoriâ memor ero
tantæ tuæ charitatis, & tabescet in me
anima mea præ desiderio tui.

Utinam sicut fluit cera à facie ignis,
sic pereant hodie peccata & imperfecti-
ones meæ, a facie tua Deus meus.

Lavi pedes meos, nunquid ultra in-
quinabo eos? Non faciam bone IESV,
gratiâ tuâ, sed diligenter cavebo, ne quid
in me displiceat purissimis oculis tuis.

Ambulabo coram te corde perfecto,
& gratissimum mihi erit, quidquid San-
ctissimæ voluntati tuæ libitum erit; om-
nes peccandi occasiones evitabo; & vir-
tutibus studebo, quas antea per vitia con-
traria violavi, vt, in quo te magis con-
tempni, magis honorem. Id profiteor
hodie coram te, & vniversa Curia tua.

Cælesti, testem illam invocans desiderij mei, & adiutricem infirmitatis meæ.

Pœna assignatio

Verumtamen quid faciam tibi pro delictis meis Domine DEVS, Pater misericordissime vitæ meæ? Nulla est condigna pœna demeritis meis: nulla, quâ possum satisfacere malis, quæ impudenter commisi.

Si hoc tibi gratum scirem, libenter me morti traderem, in pœnam delictorum meorum. Sed quia me interficere non possum, nec debeo: tu me miserrimum occide: aut mitte Angelum gladiatorem tuum, qui de me vindictam sumat.

Arma Creaturarum tuarum exercitum contra me, ut vindicent causam tuam. Irruant in me omnes ægritudines, dolores, adversitates, iniuriæ, contemptus, calamitates, omnia lubenti animo sustinebo per gratiam tuam dummodò in fine placatum mihi ostendas vultum tuum.

Vultum tuum Domine requiro, quo Civitas tua lætificatur, vultum tranquillum

lum & iucundum, quo Angeli beatificantur. Ostende mihi faciem tuam, sonet vox tua in auribus meis, vox gaudij & consolationis, quâ dicas servo tuo. REMITTUNTUR TIBI PECCATA TVA. VADE IN PACE.

ORATIO.

Quâ pœnitens dolet de peccatis, & emendationem proponit.

VÆ mihi peccatori, filio scelerato, qui dereliqui Dominum, & abalienatus sum ab eo retrorsum. Peccavi quid faciam tibi, ô Custos hominum, quare posuisti me contrarium tibi, & factus sum mihi metipsi gravis? Heu mihi, quia iniquitates meæ, diviserunt inter me, & Deum meum, & peccata mea, absconderunt faciem eius à me.

O Domine Deus meus, qui me fecisti, cum non essem; refecisti verò, cum perditus essem; reminiscere obsecro miserationum tuarum, & vide quàm fragile vas condideris, nec patere illud esse in contumeliam tuam.

O Iudex optime, iudica hîc causam meam, & discerne illam: secundum misericordiam tuam.

sericordiam tuam, memento mei propter bonitatem tuam.

Quæ enim vtilitas in sanguine meo, dum descendero in corruptionem? Non enim infernus confitebitur tibi, neq; mors laudabit te. Vivens, vivens confitebitur tibi, sicut & ego hodie.

O suavissime animarum Medice, miserere mei, quoniam infirmus sum, sana me Domine, quoniam conturbata sunt omnia ossa mea.

O Pater misericordix, peccavi in Cælum, & contra te, & iam non sum dignus vocari filius, sed quomodo miseretur Pater filiorum suorum; misereris? Domine timentibus te, quoniam ipse cognoscis figmentum nostrum, & fragilitatem.

Tu dixisti: si mulier potest oblivisci infantem suum, ita, vt non meminerit filij vteri sui: ego tamen non obliviscar tui. Sed quomodo oblivisci illius poteris, quem non aluisti materno lacte, sed redemisti Domine in sanguine tuo, vulneratus propter iniquitates meas, & attritus propter scelera mea.

Nolo igitur committere, ô bone Iesv, vt ama-

vt amarissima illa mors, & Passio tua, quam pro vita & salute mea sustinuisti, in me irrita sit.

Ah quàm doleo! hanc ob peccata mea, tibi inflictam esse! Quàm ingratus essem, nisi ab his abstinere, propter quæ, tam horrenda perpessus es, & quæ ipsis crudelissimis tormentis tuis, tibi longè sunt acerbiora.

Detestor, ô Domine, execror, averfor, quicquid tibi tantopere displicet, quicquid me tibi invisum facit, quicquid adeo æterno Patri detestandum est; vt nec proprio Filio, in acerbissimis cruciatibus pepercerit; quicquid deniq; me, à DEO summo bono tristissimâ divisione separat.

O Domine respice in me, & misere mei, saluum fac filium ancillæ tuæ, Matris Deiparæ, cuius intercessionem, humillimè postulo. Fac mecum signum in bonum, & per te eripiar a tentatione.

Illumina oculos meos, ne vnquam obdormiam in morte, ne quando dicat inimicus meus: Prævalui adversus eum. Ecce nunc constitutus ante oculos Divinæ Maiestatis tuæ, totiusq; Curie Cælestis.

lestis, iuro, & statuo, custodire in posterum iudicia iustitiæ tuæ: Concupivit enim anima mea desiderare iustificationes tuas omni tempore. Et nonne subiecta erit anima mea, quoniam ab ipso salutare meum?

Quomodo potero non amare Patrem, tanto amore me prodigum filium suum, ad paternos rursum amplexus invitantem? quomodo sanguinem illum, pro me, meaq; salutē, tanto dolore & amore fusum, aspernari?

Væ indignissimo mihi, atq; ingratisimo, si neglexero; si Patris invitantis, Iesuq; de Cruce inclamantis, & offerentis misericordiam, non audiero. Ecce enim nunc tempus acceptabile; ecce nunc dies salutis; posthac miserendi tempus non erit amplius; sed dies iræ, dies iudicii & iustitiæ.

Perfice igitur ô Domine gressus meos in semitis tuis, vt non moveantur vestigia mea. Fac vt serviam tibi in timore, & exultem tibi cum tremore.

Renuntio ex animo omnibus carnis illecebris, & cupiditatibus meis, & accido ad pedes Crucifixi Domini mei: illi serviam, illi vivam, illi moriar,

O R A T I O.

Pœnitentis malæ vitæ.

PECCAVI benignissime IESU, & multiplicatæ sunt iniquitates meæ, super numerum arenæ maris: a planta pedis usq; ad verticem capitis non est sanitas in me: & nisi gratia tua adjuvaret me, crescerent quotidie delicta mea usq; ad Cælum.

Quomodo comparebo ante conspectum Divinæ Maiestatis tuæ, quando separabitur anima mea à corpore, rationem totius vitæ meæ tibi iustissimo iudici redditurus? Quæ mea mecum portabo merita? quibus me defendam medijs ante Tribunal tuum ò iuste Iudex ultionis!

Alij quidem Domine IESU consolabuntur sese vitæ suæ innocentia: alij magnis exercitijs & asperâ vivendi ratione; alij atq; alij, alijs & alijs studijs suis, & meritis innitentur? Sed hæc omnia in me nulla sunt.

Verum scio quid faciam misericordissime Deus, Totam spem & consolatio-

nem

nem meam, in tuâ Passione, in tua satisfactione & expiatione, in tuis meritis collocabo, & repositam habebō. Totum me, & animam meam, in sanguinolenta vulnera misericordiæ tuæ reclinabo, obsecrans, vt in ipsis cruentis vulneribus tuis Divinâ virtute tuâ omnia peccata mea abluas, pro tui laude & mea indigentia ac necessitate. Et quis desperet, qui tua vincula, Columnam, flagella, Spinas, Crucem, cruentos clavos, felleum acetum, & diram intuetur lanceam?

Quamvis itaq; in me nulla sint merita; sed pro ijs tibi Domino meo misericordissimo, tua inquam verbera, opprobria, vulnera, & tormenta offero. Cum Magdalena ingemisco, & tundo pectus meum cum Publicano, ne repellas me ad tuos pedes prostratum. Permite Domine Iesv, vt meæ lachrymæ misceantur tuo Sanguini, & misereberis. Exue personam Iudicis, & indue Patris.

Permissum sit tibi Domine ex me, vt me vel brevi, vel post longa annorum curricula, tollas e medio. Etiam si hac
horâ

horrâ discedendum esset de Corpore, atq;
in tui vergeret laudem, vt annis quin-
quaginta, flammis purgatorijs cruciarer:
illicò me in tui venerationem sub pedes
tuos abijcerem, animoq; libenti, in ho-
norem tui pœnas illas exciperem, dice-
remq; Benedictus ignis ille expiatorius,
in quo tui laus in me perficitur.

O R A T I O.

*In qua Pœnitens accusat Animam suam, ob
derelictum Deum: & excitat eandem
ad redamandum eum.*

INfelix ego sum, ô dulcissime IESV, quòd
Anima mea, quam tu despondisti tibi
pretio Sanguinis tui, dereliquit te & o-
blita est tui diebus innumeris.

Quid agis? ô Anima stulta! nonne
consideras Deum tuum esse Summum
bonum? quod omnia appetunt.

Quare ergo tam gravi errore seducta,
magis voluptate bonorum apparentium
traheris? verum autem, æternum, & in-
commutabile bonum nimis stultè re-
linquis?

Induratum est, vt video, cor tuum, ô
Anima mea, dum resistis melle dulciori
Spiri-

Spiritui Dei. Ille autem secundum divitias bonitatis infinitæ quærit emollire viscera tua secretis inspirationibus suis.

Tu fugis cum persequentem te non odio; sed tuæ salutis desiderio: & ipse tibi fugienti, quasi ex insidiis occurrit, ut expansis brachijs amplectatur te, & vincat feritatem tuam infinitâ mansuetudine sua.

Usquequò durum cor tuum calcitrabit, contra stimulum fortissimi amoris eius?

Nonne potuisset te damnare? per iustitiam suam, quia impiè egisti, & confregisti iugum eius, & dixisti, NON SERVIAM: & tamen sustinuit te in multâ patientia, & desiderio æternæ vitæ tuæ. Si fortè convertereris ad illum, & reconciliareris clementissimo Patri eius.

Quid ergo moraris? ô Anima mea! Cur differs de die in diem? reverti ad suavissimam pacem & dilectionem eius: ut resolvat glaciem tuam igne amoris ardentissimi sui, & reformet deformitatem tuam?

Convertere itaq; ô Anima mea! convertere filia prodiga in requiem tuam,
& ille

& ille revertentem te de regione longinqua, amplectetur te, dicerq; servis suis: Citò proferte stolam primam: date Annulum in manus eius: & calceamenta in pedibus eius.

Commovēbuntur quippe viscera eius super te dulcissima filia sua, quam genuit; lætabitur super conversione tua, quasi qui invenerit spolia multa. Delectatur enim miserendo, & præ magnitudine bonitatis suæ ad miseriam & gemitum Pauperum, liquescit anima eius.

Semel suspiravit David servus eius dicens: Peccavi: & statim transtulit ab eo peccatum eius.

Paucis gemitibus accusavit se Publicanus; qui multum offenderat eum: & citò descendit iustificatus, & lætus in domum suam.

Decem Millia Talenta debebat illi servus nequam: qui procidens rogavit illum: & dimisit eum liberum, omneq; debitum donavit ei.

Mulier comprehensa in adulterio, stetit timens, & instanter accusata in conspectu eius: qui suavissimè respondens: à damnatione eripuit eam.

Magda-

Magdalene peccatrici ostendit faciem lætam, & celeriter pepercit ei: ita, ut Phariseus, qui ipsum ad prandium invitaverat, miraretur.

Latro, qui iuxta illum crucifixus fuit, verbo vno emollivit viscera eius.

Quare ergo? ô Anima mea! tot testimonijs probata bonitas eius non placet tibi? sed quæris solatia peregrina.

Fuge; ô Anima mea! fuge consortia peccatorum; & per veram poenitentiam require faciem eius.

Ecce stat ad ostium tuum, & pulsat, cupiens introire, & implere bonis ineffabilibus domunculam cordis tui. Non videatur tibi durum recipere hospitio Deum, Redemptorem & Amicum tuum.

Certè si tu pulares semel portā Domus eius, ad primum ictum festinaret aperire tibi, sicut aperuit David servo suspiranti ad correptionem Nathan Prophetæ sui.

Convertere itaq; opportunā poenitentia tuā ad pacificum Regem tuum, & ipse tanquam Mater amantiſſima diliget, & amplectetur te, nutrietq; infantiam tuam dulcissimo lacte suo.

MEDITATIO

*Anima Pœnitentis, seipsam coram DEO
accusantis.*

O Pater Cœlestis, ego sum fœda illa, & impudens meretrix, Sponsa quidem tua; sed quæ pluribus annis, memetipsam mundo, carni, & Diabolo prostitui, fidem datam violavi, & nefandis adulterijs ac sceleribus meis, tam multis, ut numerari nequeant, imò nec ab omnibus creaturis, quâvis linguâ præditæ forent, enarrari valeant, tuam Divinam Maiestatem ad iram provocavi.

O Pater peccavi super numerum arenæ maris, multiplicatæ sunt iniquitates meæ, Domine, & non sum digna intueri, & aspicere altitudinem Cæli, præ multitudine iniquitatum mearum, quia excitavi iracundiam tuam, & malum coram te feci.

*Hic enumerat generalia Beneficia sibi
præstita à DEO.*

O quàm sum ingrata & scelerata anima, quæ cum in meipsa nihil essem, à te Patre benignissimo de nihilo creata, atq; ad imaginem & similitudinem tuam

condita sum: vt in præfenti vita per gratiam te poffidere, & in futura per gloriam te perfrui valeam. Et nihilofecius ego mifera & infelix, feueriffimum tuum iudicium, iuftitiamq; in me vſq; adeo provocavi, vt niſi tu Domine mihi ſuccurras, melius mihi fuerit, nuſquam Solis huius lucem aſpexiſſe, aut in mundum editam fuiſſe.

Enumerat ſpeciatiim ſ. mortem, quam pro ſe ſubiit.

NUnquid non eſtu Chriſte crucifixe, ſummus ille Beatorum Spirituũ Rex & Imperator, ac Deus potentiſſimus, qui te adeo demiſiſti, ut mei cauſa homo fieri, in hoc mundo triginta tribus annis tanquam abiectus, & infimæ conditionis homuncio conuerſari, perſecutionibus, aduerſitatibus, & contumelijs exerceri dignatus ſis.

Sed nec his contentus fuiſti, quinimo eò te humiliſti, vt Deus cùm eſſes, homo fieres, & mei amore, innumera convicia, cruciatus, & tormenta ſuſtinere, atq; a deo toto Corpore concidi, & vulnerari voluiſti, vt à planta pedis vſq; ad
verri-

verticem non fuerit in te sanitas: & vultu-
neribus ac livoribus ita deformari, ut
tanquam leprosus & novissimus viro-
rum reputatus sis.

Quid igitur agam misera? quid infe-
lix dicam? quò me conferam? quando-
quidem tam immanium cruciatuum, af-
flictionum, contumeliarum, tormento-
rum ac pœnarum causa, ego sum? Quæ
non modò nullam tibi gratiam per eo-
rum omnium quæ pro me fecisti & per-
tulisti agnitionem rependi: sed etiam,
benignitatem & Maiestatem tuam,
sordibus & immunditijs meis provo-
cavi: adeoq; commerita sum, contra
quam omnes creaturæ arma capiant, vl-
tionem scelerum, quibus altissimam, ac
tremendam Maiestatem tuam offendi, à
me exposcant.

Ad sumendam vindictam inuocat

Creaturas.

O Cælum! ô terra! ô aqua! ô ignis!
ô lupi! ô Ursi! ô Tigrides! ac cæ-
tera immanitate singulari animalia,
venite, dilaniate, ac discerpite miserum
hoc Corpus. O Serpentes! ô Dracones,
cunctæq; venenosæ bestię, venite, mor-

dece, ac dilacerate me impiam, & sceleratam. O Creaturæ DEI omnes, adeste adversum iniquam & flagitiosam hanc animam, & ultionem iniuriarum & offensarum, quibus Dominum, Creatorem & Deum vestrum, impudenter, ac nefarie affecit, ab ea exposcite.

Beneficia particularia sibi collata enumerat.

O Quantis præter generalia prædicta, specialibus beneficijs, iniquam & ingratam hanc animam dicam, an cada-ver, aut fædam vilissimamq; bestiam, tibi obligasti; dulcissime IESU!

O ingratissima & iniquissima anima mea, considera tecum paulisper; quam multos te digniores & potentiores, & te melius per Divinam gratiam, ad suscipiendum influxum Coelestium Charismatum præparatos, DEVS in miserijs & sceleribus suis reliquit, à quibus te, per summam clementiam suam liberavit.

Hic admiratur, quòd DEVS eam respexerit.

O DEUS! ad quem respexisti, aut in quem defixisti oculos? In sterces & lutum? In Creaturam impiissimam! In cloacam, & sentinam totius spurciti-
ci!

ei! O quanta hæc tua fuit clementia, quòd plurimos in tenebris suis immer-
tos relinquendo, me improbam & ob-
stinatam, è profundis voraginibus, è re-
nebrofis abyssis scelerum eduxisti, atq;
violentia salutari ad splendidissimam lu-
cem, incommutabilis veritatis tuæ re-
duxisti.

O Pater amantissime, quàm multos,
qui tibi ferventiùs inservierunt, minùsq;
te offenderunt, quàm ego, deseruisti;
qui in peccatis mortui, ad sempiterna
gehennæ incendia devoluti sunt, è qui-
bus nullo vnquam tempore emergere
poterunt, sed in omnem æternitatem
torquebuntur: & mihi, qui nullum tibi
servitium impendi, sed Dæmoni, con-
tempta summâ Maiestate tua, continuo
adhæsi ac famulatus sum, arrhabonem
gratiæ tuæ in præsentì vita donasti, atq;
in futura vita, cælestem gloriam (vti
confido) conservas.

Exaggerat Anima suas iniquitates.

Heu Domine benignissime, Pater mi-
sericordiarum & Deus totius con-
solationis, tam innumerabilia & imma-
nia sunt scelera mea, vt pro ijs satisfacere

cere nequeam. Et tanta insuper est mea pro immensis beneficijs, quæ in me largâ manu contulisti, ingratitude; vt ea nulla ex parte remetiri, aut parem illis gratiam reponere valeam: imò potius propter malitiam & ingratitude meam, totidem infernos commerita sum.

Rogat vt occidatur à DEO.

VERUM tamen cum neq; possum, neq; debeam mihi metipsi manus violentas adferre, mortemq; consciscere, tu me potius occide atq; interfice; etsi hoc ipsum animus tuus neutiquam patitur? Angelum tuum exterminatorem mitte, qui me perimat, occidat, atq; severam de me ultionem sumat. Si autem nec hoc (pro immensa quâ es clementia & benignitate) facere voles, quandoquidem me ipsū interficere nequeo hoc tamen, quod possum, faciam. Itaq; memetipsum tibi tanquam homicidam & prædonem vinctum, & catenis post terga religatum, in perpetuum mancipium dono, vt tibi soli perpetuò serviam, nec vnquam ex his me vinculis, quæ ipsa mihi circumdedi, expedire, aut à te separari valeam.

Duo

Duo tantum sunt Actus, qui perditam Dei gratiam recuperant. Actus Charitatis, & Actus Pœnitentiæ, seu doloris, quorum alter alterum includit. Ut Publicanus dolendo, & Magdalena diligendo, omnem animi pestem deterferunt. Drex: in Horol.

O R A T I O

*In qua contritionem de peccatis petit,
& pro illis Christi Passionem offert.*

Clementissime Domine, Pater omnipotens; Memini te dixisse: VENITE AD ME OMNES, QUI LABORATIS ET ONERATI ESTIS, ET EGO REFICIAM VOS. En ego peccator maximus, gravi peccatorum pondere pressus, ad te Patrem meum benignissimum supplex venio, ut me festum recrees & soleris.

Da mihi veram de peccatis meis contritionem, da capiti meo aquam, & oculis meis fontem lachrymarum, ut illa diebus ac noctibus defleam. Da illos cordis mei gemitus, quibus nosti Cor tuum flecti ad misericordiam.

Pro quibus vniversis delictis & peccatis meis, offero tibi, misericordissime
Pater

Pater dilectissimum Filium tuum, tantâ, quantâ possum humilitate & gratitudine, in vnione illius amoris, quo tu eum mihi dedisti, & ex Paterno Corde in hunc mundum misisti, vt humanam assumeret naturam, mortemq; subiret amarissimam.

Offero igitur tibi merita Incarnationis, conuersationis, Passionis & mortis eius.

Offero ignominiosam afflictionem, voluntariam Obedientiam, ineffabilem humilitatem, incomprehensibilem patientiam, & ardentissimam charitatem illius.

Offero immitissima vincula, verbera, impulsus, conculcationes, contemptus, opprobria, irrisiones, blasphemias, & quidquid perpeffus est.

Offero inquam dilectissimum Filium tuum, toto Corpore in Cruce extensum.

Offero manus innocentes, sacro Cruore promanantes.

Offero immaculata Vestigia, quæ non steterunt in via peccatorum, diris confixa clavis.

Per Nati ergo tui vulnera, per mor-

tem

tem eius acerbissimam, & per amorem illius ardentissimum suppliciter te deprecor, misericordissime Pater; Suscipe hæc gratissima Filij tui merita, pro detestandis iniquitatibus & negligentijs meis, & pro peccatis vivorum & mortuorum, pro quibus ego orare debeo, seu tu rogari vis, ignosce peccatis famulorum tuorum, & amoris tui igne corda nostra succende.

ORATIO AD IESVM.

Pœnitens, enumeratis beneficijs sibi à CHRISTO collatis: Cor suum in Sanguine CHRISTI abluendum offert.

O IESU dulcis amator noster, dum admirabilia beneficia tua, quibus me misericorditer prævenisti in benedictionibus dulcedinis, alta mente perpendo; Liquescit cor meum, igne amoris tui: & anima mea tuâ charitate fauciata, expiranti similis, contabescit.

Quomodo enim maiora, dulcissime IESV, poteras mihi præstare beneficia, quæ non præstitisti?

Me enim cum non essem, de nihilo creasti.

Mundum propter me, & omnia quæ in eo sunt, in obsequium mei fecisti.

Sacro Baptismatis fonte, à peccati originalis macula, emundâsti.

De bonis temporalibus, ad vitam sustentandam, necessaria mihi liberaliter providisti.

Pœnitentiæ lavacro, millies ac millies recidivum à sordibus lavâsti.

Corpus tuum Sanctissimum in cibum, & Sanguinem pretiosissimum in potum dedisti.

Cum actualiter te offendebam, quoties gratiâ tuâ præstimulante, ad te recurrebam, manum auxiliarem porrexisti.

In omnibus, vbicunq; ambulabam, custodiens me vt pupillam oculi, mecum fuisti.

Impulsibus Spiritus tui, interiora mea, etiam dum peccabam, movisti.

Inspirationes multas, ad vitæ emendationem immisisti.

Ab æterna damnatione, toties, quoties peccavi mortalitèr, eripuisti.

Et quasi parva forent ista, multò maiora adijcere voluisti.

Amore enim mei, humanam Carnem assumpisti.

Sum;

Summa in paupertate natus, vixisti.

Gravissimas deniq; pro me iniurias, ærumnas, labores, alapas, sputa, flagella, spinas, & Crucem subiisti.

Nec hîc substitit amor; sed & latus tuum amplissimo vulnere aperiri voluisti: vt ad Cordis tui penetrale, liber cordi meo pateret aditus, & vt in tanti amoris flamma cor meum inardesceret.

O JESU mi dulcissime, quàm gratum me, pro tam immensis beneficijs & charitate tua exhibebo?

Ecce Domine, duplici me debito obligasti tibi. Debeo enim amor tuo, me ipsum totum; quia me fecisti: pro eo verò, quòd tradideris te in mortem, & in salutem animæ meæ, effundens sanguinem: quid à me dignè rependi posset? non invenio.

Debeo tibi plusquàm Decem Millia Talentorum purissimæ dilectionis, quam reposcis à me: quid faciam, cum solvendo non sim satis?

Si bonum tibi videtur, vt, quidquid ex me mihi deest; usurpem mihi ex visceribus tuis? Profectò si id licet? Offero tibi teipsum, benignissime IESU: Offero

Cor

Cor tuum benedictissimum: vnà cum corde meo, licet multis criminibus maculato. Quod vt digna tibi possit esse victima; rego te per effusionem Sanguinis tui pretiosi, vt in Sanguine tuo, illud lavare & emundare valeam, ab omni inquinamento, quod sicut aquam iniquitatem bibit.

Temperasti enim mihi, ô Sponse sanguinum, pretiosum balneum, de cruore tuo calidum, & de admixtis lachrymis tuis temperatum, vt cor meum in eo abluam.

Languescit profectò cor meum ægrū, at sanum efficietur, si hoc, lachrymarum, sudorum, & sanguinis tui balneo innatare possit.

Complaceat ergo tibi obsecro, vt in eodem abluas me, & sanitati restituas cor meum infirmum.

Si enim durissimus adamas, hirci sanguine mollescit? Quomodo non duritia cordis mei, sicut cera liquecet, attactu sanguinis Agni immaculati?

Repurga igitur, bone Iesu, cor meum tibi millies dicatum, lixivio Sanguinis tui, & emunda illud, ab omni inquinamento.

Fac.

Fac, obsecro te per ardentissimum, illum amorem, quo latus tuum lanceâ aperiri voluisti: ut inde copiosè divinus ille cruor diffuat in salutem animæ meæ: vel una quæso guttula, ex patente latere tuo, stiller in vulneratum cor, & ægram animam meam, ut sanguine tuo mundata, sibi ipsi mori, tibi verò vivere incipiat.

Suscipe itaq; placido ac sereno vultu oblationem hanc, in gratiarum actionem, pro innumeris beneficijs, quibus me famulum tuum indignum cumulasti: nec respicias multitudinem peccatorum meorum, quorum me seriò poenitet: sed ea amoris tui igne consumas: me peccatorem misericorditer respicias: interius per ineffabilem gratiam tuam illumines: frequentèr visites; lachrymis irriges: compunctione conteras: felicem mortis horam, & beatam tecum invenire requiem concedas. Quod per illum Sacratissimum Cordis tui cruorem ad ultimam usq; guttulam, amore mei profusum, perq; Passionem, mortem, & sepulturam tuam te deprecor, ô amantissime IESU, Amen.

ORA-

O R A T I O.

*Petit, ut quemadmodum pro Crucifixoribus
Christus oravit; ita & pro se oret:*

O JESU, inexhaustæ pietatis abyssc,
cuius natura bonitas: cui proprium
est misereri semper, & parcere. En ego
peccator maximus: cuius peccata vin-
cunt numero arenam maris: tuis me
confixis prosterne pedibus, immensam
tuam attendens bonitatem, & miseri-
cordiam, quam tuis impendisti Torto-
ribus, qui te crucifixerunt: simul confi-
dens quòd & mihi gratiam tuam non
denegabis.

Fateor quòd sim causa acerbissimæ
passionis tuæ, & hos tantos cruciatus
tuos, gravibus meis sceleribus, tibi infli-
xi: & toties te crucifixi, quoties pecca-
tum commisi.

Attamen, neq; post tanta peccata,
atq; iniurias, quibus te affeci, de gratia
& misericordia tua vllatenùs despero:
vbi pro crucifigentibus te, orantem in-
tueor: sed plena cum fiducia confiteor
tibi peccata mea: quandoquidem tot
in te relucet signa clementiæ; dum
tam

tâm amicè orantem te contemplor, pro his, qui te crucifixerunt, & blasphemijs infectati sunt.

Quæso itaq; pijsime Domine, profit hæc Oratio tua miseræ animæ meæ. Quamvis enim te crucifixi, non tamen eâ id à me malitiâ factum est, quâ ab impijs Iudæis, ; sed humanâ quâdam virtus fragilitate id feci: neq; idcirco peccavi, vt te contumelijs afficerem, sed vt meis obsequerer sensibus.

Quidquid ergo in te delectationis assensu peccavi, poenitentia acerbitate corrigere, & calidis lachrymarum vndis diluere sum paratus.

Eleva igitur vocem tuam, Ô bone IESV, & commenda me dalcissimo Patri tuo, dicens: PATER IGNOSCE HVIC PECCATORI, QUIDQVID DELIQVIT: QVIA NESCI-VIT QVID FECIT. Utinam sic ores pro me, vt mihi ignoscat, misericors Pater tuus.

Per angustias igitur animæ tuæ: per terrores & contumelias, quas passus es ab eis, te deprecor, Ô vnica salus mea, miserere mei miserrimi peccatoris: fac me cor contritum & humiliatum in-

conspēctu tuo habere semper, da mihi lachrymas sinceræ poenitentia, lachrymis, quas pro me fudisti, refundere.

Te etiam deprecor, ô Pater misericordia, qui proprio Filio tuo non pepercisti, sed illum pro me, duris laboribus & doloribus amari cordis tradidisti, ut perditam & errantem recuperaret animam meam.

Si me pro mea, ut dignum est, despicias iniquitate, respice me saltē misericors, pro dilectæ Sobolis tuæ charitate. Attende in Filio, quo propitius seruo, & ne tibi displicere pergam, fac me vanitatem, & fœditatem desiderij carnalis, toto corde detestari.

Discedant à me omnes, qui operantur iniquitatem: vosq; carnales amores, & vitiosæ concupiscentia procul facessite. Ite mundi opes, delicia, ite Honores, & quidquid terris gaudiorum, dignitatumq; est, procul sumo a me. Solus dulcissimi Iesv amor, perpetuò in corde meo vigeat, nec vnquam recedat à me.

Tu autem amantissime Iesv, confige timore tuo carnes meas, & in me flammam tui sancti amoris, in signum veræ reconciliationis accende.

ORA:

O R A T I O

*Petit misericordiam, eam à CHRISTO
quam Latroni ostendit.*

Domine JESU Christe, qui Latroni
iniustitiam suam agnoscenti: teq;
Regem & Deum piâ fide confitenti,
Paradisi gloriam benignissimè es polli-
citus, eandem mihi non denegabis gra-
riam, dummodò cum humilitate & la-
chrymis iniustitiam meam, adversum
me confiteri, non erubescam.

Ecce itaq; humi, quàm maxima cum
humilitate prostratus, iniustitiam meam
à te non abscondo: sed coram te pro-
nuntio cum lachrymis, vt tu remittas
impietatem peccati mei.

Respice me obsecro, illis misericor-
diæ oculis, quos in Latronem pœniten-
tem deflexisti, vt intuitu hoc efficaci,
durities cordis mei frangatur, & de
aquis pœnitentiæ salutare, quibus ablu-
am scelera mea iugiter, vt multiplicatis
fletibus, vberioribus lachrymis munda-
tus, à modò serviam tibi in novitate spi-
ritus.

Memento quæso mei, & præsta, vt

K

fervem.

ferventiori ex nunc, igne suavissimi amoris tui incensus, ignitis desideriorum iaculis, crebris suspirijs, & importunis precibus, Regno Coelorum vim faciam, & violentus rapiam illud.

ORATIO.

In qua varia petit dona.

Misericordissime JESU, effundo in conspectu tuo Orationem meam, flectoq; genua cordis mei ante te: rogo te per misericordiam tuam, vt mihi ipsi perfecte moriar, per iugem mortificationem, & tibi soli vivam per amorem.

Suscita me Domine, de sepulchro virorum & peccatorum meorum, quorum me poenitet: libera pauperculam creaturam tuam à seipsa, ne pereat in periculoso praelio passionum suarum.

Aufer à me amorem sæculi, rumpe vincula, quibus carni & sanguini ligatus teneor, vt anima mea, sicut passer erepta de laqueo venantium, avolet in nidum amabilissimum Cordis tui, cunctisq; renuntians affectibus, tota, soli incumbat amori.

Imper-

Impertire mihi hanc gratiam, vt ex toto corde, & ex tota anima, ex omnibus viribus, & ex totis visceribus & præcordijs meis, diligam te Domine, & quidquid amori aduersatur, mortificem.

Hæc mea sunt vota, hæc meæ sunt preces. Quòd si audieris orationem serui tui? Sacrificabo tibi ardentia igne tuo viscera mea, & cantabo in æternum super mel dulcissimas misericordias tuas.

ORATIO

In qua petit misericordiam, in die extremi Iudicij.

PLacare obsecro, dulcissime JESU, & miserere mei, vt propter scelera & enormia delicta mea, in die Iudicij, non avertas faciem tuam à me, qui pro me redimendo non avertisti faciem tuam, ab increpantibus, & conspuentibus in te.

Fateor quidem quia peccavi, & conscientia mea meretur damnationem, & poenitentia mea non sufficit ad satisfactionem. Sed tamen certum est, quòd misericordia tua, superat omnem offensionem.

Noli igitur quæso, pijsime Domine

scribere adversum me amaritudines meas, ut intres in iudicium cum servo tuo; sed secundum multitudinem miserationum tuarum, dele iniquitatem meam. Væ mihi misero peccatori, cum venerit dies Iudicii, & aperti fuerint Libri conscientiarum, cum dicetur de me.

ECCE HOMO & OPERA EIUS.

Quid faciam tunc, Domine DEVS meus, cum Cæli revelabunt iniquitatem meam, & adversum me terra consurget?

Plange anima mea plange, sicut vidua super virum pubertatis suæ, vlula misera, & plora gemens: obsecra, ut non dimittat te Sponsus tuus Christus. Supplica illi, ut cum extrema dies mea, finisq; vitæ meæ advenerit, ille tibi sit misericors Iudex, contra malignum accusatorem Diabolum: & sit tibi perpetuus defensor, adversus insidias hostis iniqui, & in societatem Angelorum, Omniumq; Sanctorum, in Paradiso suo perseverare faciat. Qui est benedictus in sæcula, Amen.

LITANIÆ

DE

NOMINE JESU.

KYrie eleison. Christe eleison.
Kyrie eleison.

Christe audi nos. Christe exaudi nos.
Pater de Cælis DEVS, Misere nobis.
Fili Redemptor mundi DEVS, Misere nobis.

Spiritus Sancte DEVS, Misere nobis.
Sancta TRINITAS vnus DEVS, Misere nobis.

JESU Fili DEI vivi, Misere nobis.

Iesu Potentissime,
Iesu Fortissime,
Iesu Perfectissime,
Iesu Gloriosissime,
Iesu Mirifice,
Iesu Iucundissime,
Iesu Charissime,
Iesu Clarior Sole,
Iesu pulchrior Lunâ,
Iesu Splendidior Stellis,
Iesu admirabilis,
Iesu delectabilis,

K 3

Misere nobis.

Iesu

Iesu honorabilis,
 Iesu humillime,
 Iesu pauperrime,
 Iesu mitissime,
 Iesu patientissime,
 Iesu obedientissime,
 Iesu castissime,
 Iesu amator castitatis,
 Iesu amator pacis,
 Iesu amator noster,
 Iesu speculum vitæ,
 Iesu exemplar Virtutum,
 Iesu decus morum,
 Iesu zelator animarum,
 Iesu refugium nostrum,
 Iesu Pater pauperum,
 Iesu Consolator afflictorum,
 Iesu Thesaurus fidelium,
 Iesu Gemma pretiosa,
 Iesu Armarium perfectionis,
 Iesu bone Pastor ovium,
 Iesu Stella maris,
 Iesu Lux vera,
 Iesu Sapientia æterna,
 Iesu Bonitas infinita,
 Iesu gaudium Angelorum,
 Iesu Rex Patriarcharum,

Miserere nobis.

Miserere nobis.

Iesu

Miserere nobis.

Libera nos Iesu.

Iesu Inspirator Prophetarum,
Iesu Magister Apostolorum,
Iesu Doctor Evangelistarum,
Iesu Fortitudo Martyrum,
Iesu Lumen Confessorum,
Iesu Sponse Virginum,
Iesu Corona Sanctorum Omnium,
Propitius esto. Parce nobis Iesu.
Propitius esto, Exaudi nos Iesu,
Ab omni malo, Libera nos Iesu.
Ab omni peccato, Libera nos Iesu.
Ab ira tua,
Ab insidijs Diaboli,
A transgressione mandatorum tuorum,
Ab incurfu omnium malorum,
Per Incarnationem tuam,
Per adventum tuum,
Per Nativitatem tuam,
Per Circumcisionem tuam,
Per dolores tuos,
Per flagella tua,
Per mortem tuam,
Per Resurrectionem tuam,
Per Ascensionem tuam,
Per gaudia tua,
Per gloriam tuam,
Per dulcissimam Virginē Matrem tuam,
Libera nos Iesu. Per

Per Intercessionem Omnium Sanctorum
tuorum, Libera nos Iesu.

Peccatores, Te rogamus audi nos,
Ut dulcem melliflui tui Nominis me-
moriam in tabulis cordis nostri digi-
to Virtutis tuæ inscribere digneris,

Te rogamus audi nos.

Ut Nomen hoc Sanctissimum & viven-
tes in opere, & morientes in ore ha-
bere mereamur. Te rogamus audi nos.

Agnus DEI, qui tollis peccata mundi,
Parce nobis Domine.

Agnus DEI, qui tollis peccata mundi,
Exaudi nos Domine.

Agnus DEI, qui tollis peccata mundi,
Miserere nobis.

IESU audi nos. IESU exaudi nos.

Kyrie eleison. Christe eleison.

Kyrie eleison. Pater noster, &c.

Ÿ. Sit Nomen Domini benedictum.

R. Ex hoc, nunc & vsq; in sæculum.

Ÿ. Non nobis Domine, non nobis.

R. Sed Nomini tuo da gloriam.

Ÿ. Exaudi Domine adiuva nos.

R. Et libera nos propter Nomen tuum.

Ÿ. Domine exaudi Orationem meam.

Ÿ. Et clamor meus ad te veniat.

ORE.

O R E M U S.

DEUS, qui gloriosum Nomen IESU Christi Filij tui Domini nostri, fecisti fidelibus tuis, summæ suavitatis affectu amabile, & malignis spiritibus tremendum atq; terribile: concede propitius, ut omnes, qui hoc Nomen IESU devotè venerantur in terris, sanctæ consolationis dulcedinem in præsentî percipiant, & in futuro gaudium perpetuæ exultationis, & interminabilis beatitudinis obtineant in Cælis. Per eundem Dominum nostrum JESUM Christum.

O R A T I O.

Per NOMEN IESVS, petens remissionem peccatorum.

JESU dulcissime, propter Nomen tuum dulce, fac mihi secundum Nomen tuum. JESU obliviscere superbum, te provocantem, respice piè miserum te invocantem. JESU Nomen tuum dulce, Nomen delectabile, Nomen confortans peccatorem, & Nomen beatæ spei. Quid est enim IESUS nisi Salvator? Ergo propter te ipsum JESU, esto mihi JESUS, esto mihi Salvator benignus

nignus. Noli Domine noli attendere
 sic malum meum, vt obliviscaris bonum
 tuum. O bone JESU etsi ego admisi,
 vnde me damnare potes, tu non ami-
 sisti, vnde salvare soles. Si castitatem
 meam mihi ademi, nunquid misericor-
 diam tuam peremi? Verum est quòd
 conscientia mea meretur damnationem,
 & poenitentia mea non sufficiat ad sa-
 tisfactionem. Sed certum est, quòd mi-
 sericordia tua superat omnem offensio-
 nem. Parce ergo mihi Domine, qui es
 vera salus, & qui non vis mortem pec-
 catoris. Miserere Domine peccatrici
 animæ meæ, solve vincula eius, sana
 vulnera eius.

COLLOQVIVM

CU M

CHRISTO CRUCIFIXO.

*Accipe Effigiem Christi Crucifixi, & oscu-
 lare quinquies eius Sanctissima Vulnera.*

Osculans PEDEM dextrum dic:

Domine JESU Christe, per Vlnus
 PEDIS tui dextri, peto à te, ducas me
 Viâ Crucis,

Oscu-

Osculans PEDEM Sinistrum.

Domine JESU Christe, per Vulnus
PEDIS tui Sinistri, peto à te, dirige
in conspectu tuo, viam salutis meæ.

Osculans Vulnus MANVS dextra,
ter dic:

Domine JESU Christe, per Vulnus
MANVS tuæ Dextrae, peto à te, collo-
ca me ad dexteram tuam in Iudicio tuo.

Osculans Vulnus MANVS sinistra,
semel dic:

Domine JESU Christe, per Vulnus
MANVS tuæ sinistrae, peto à te, bene-
dic omnibus, qui sinistrè de me loqvun-
tur, scribunt, agunt, cogitant.

Osculans Vulnus LATERIS ter dic:

Domine JESU Christe, per Vulnus
Lateris & Cordis tui, peto à te, ut
ultima sit respiratio mea Nomen & A-
mor tuus.

SALVATIO MEMBRORUM CHRISTI CRUCIFIXI.

Salvete delicata Membra Domini mei
IESV Christi, pro salute nostra, diver-
sis poenis in Passione cruciata.

Salve Reverendissimum Caput pro no-
bis spinis coronatum, & arundine per-
cussum.

Salve pretiosissima Facies, pro nobis
consputa, & alapis cæsa.

Salvete benignissimi Salvatoris nostri
Oculi, pro nobis lachrymis perfusi.

Salve Sacrum Os, Gutturq; suavissi-
mum, pro nobis felle & aceto potatum.

Salvete Aures nobilissimæ, pro nobis
opprobrijs & contumelijs oppletæ.

Salve Collum Regium, pro nobis co-
laphizatum: Dorsumq; suavissimum pro
nobis flagellatum.

Salvete Venerabiles Manus & Bra-
chia, pro nobis in Cruce extensa.

Salve Pectus Divinissimum, pro nobis
in Passione conturbatum & contusum.

Salvete Pedes adorandi, pro nobis
clavis affixi.

Salve

Salve Latus gloriosum, pro nobis lanceâ militis perforatum.

Salve Corpus JESU, totum pro nobis in Cruce suspensum, vulneratum, mortuum & sepultum.

Salve Cor mellissimum, Sanctissimæ TRINITATIS Gazophylacium, pro nobis in Cruce disruptum.

Salve, ter Sanctissima Christi Anima, ad mortem usq; contristata.

Salve Sanguis pretiosissime, è Vulneribus Christi copiosè effuse.

Salvete adoranda Salvatoris nostri vulnera, Monumenta Charitatis, & prætia Redemptionis humanæ.

Per hæc vulnera tua, mi bone JESU, sana animam meam peccatricem, & esto propitius mihi indignissimo peccatori. Vulneribus quinis me subtrahe Christe ruinis.

Vulnera quinque Dei, sint Medicina mei.

ORATIO.

Petit per Nomen IESU remitti sibi peccata, pro quibus dolet.

Dulcissime JESU, per cuius Nomen dulcissimum remissionem peccato-

res recipiunt omnes, qui sperant in te, rogo te, propitius esto peccatis meis propter Nomen tuum, & propter gloriam Nominis tui.

Ne respicias multitudinem peccatorum meorum, quorum me nunc serio poenitet, sed ea amoris tui igne consume. Et ego, tantæ charitati tuæ aliquatenus reciproca respondens gratitudine, ex nunc firmum concipio propositum, vitam meam in melius emendandi, & ex purissimo tui amore fidelius tibi in posterum serviendi.

Ad te, ô Benignissime IESU, clamo, & profundis animæ gemitibus altisq; suspirijs dulcissimum Nomen tuum invoco, vt periculosis cordis mei vulneribus medcaris.

P E T I T I O

Amoris Divini & lachrymarum.

AMo te DEVS meus, amore quàm maximo, magisq; te amare cupio. Da mihi, vt amem te semper, quantum volo, & quantum debeo, vt tu solus sis tota intentio mea, & omnis meditatio mea,

mea: Te mediter per dies sine cessatione, te sentiam per soporem in nocte.

Vulnera hanc animam meam peccatricem, pro qua etiam mori dignatus es: vulnera eam igneo & potentissimo telo tuæ nimix charitatis. Confige cor meum iaculo tui amoris, vt dicat tibi anima mea, CHARITATE TVA VULNERATA SUM: ita, vt ex ipso vulnere amoris tui, vberimæ fluant lachrymæ, die ac nocte.

Da mihi quæso lachrymas ex toto affectu internas, quæ peccatorum meorum possint solvere vincula, & cælesti iucunditate semper repleant animam meam.

Præsta mihi gratiam tuam; propter te, & propter Nomen Sanctum tuum: vt quoties de te cogito, de te loquor, de te scribo, de te lego, de te confero, quoties tui reminiscor, tibi assisto, laudes, præces, & Sacrificium offero, toties obortis lachrymis in conspectu tuo copiosè & dulciter fleam, ita, vt efficiantur lachrymæ meæ, panes die ac nocte.

Pareute Domine hanc durissimam cordis mei petram, piâ, & validâ cuspi-
de di-

de dilectionis tuæ, & altius ad intimam penetra potenti Virtute; & sic de capite meo educaquam, & de oculis meis fontem lachrymarum, vt luceam die ac nocte, nullam in præfenti vita recipiens consolationem, donec te in Cæleſti thalamo merear videre dilectum Sponſum meum, DEUM & Dominum meum: vt ibi videns glorioſam & admirabilem faciem tuam, omni dulcedine plenam, cum ijs, quos elegiſti, Maieſtatem tuam ſupplex adorem; & illic Cæleſti repletus iubilo æternæ exultationis, exclamem cum diligentibus te, dicens. Ecce quod concupivi, iam video: quod ſperavi, iam teneo; quod deſideravi, iam habeo. *S. Aug: in medit: Cap: 37.*

O R A T I O.

In qua ſpatium ad pœnitendum petit.

Dulciſſime Domine JESU Chriſte, qui neminem quantumvis peccantem ad te tamen cum fiducia accedentem, repellis; ſed miſericorditèr ſuſcipis: ſuſcipe me obſecro venientem ad te, eâ, quâ poſſum humilitate, ſuppliciter deprecans, vt me benignis miſericordiis tuæ oculis reſpicere digneris Non

Non patiar, quælo, repulsam à te; cum
& Sanguis tuus pretiosissimus tam mi-
sericorditer pro me fusus, de terra non
vindiçtam, sed pietatem clamer.

Ecce enim iam vitam meam seriò e-
mendare volo: displicent enim mihi
peccata mea, quorum me poenitet, &
ea perpetrâsse doleo.

Concede mihi spatium veræ poeniten-
tiæ, & vt peccata mea, quæ tantam ti-
bi causarunt tristitiam, immò & ipsam
mortem, verâ Confessione expiare, &
deslere valeam, firmo concepto propo-
sito, in posterum non relabendi.

Adauge me, Rex liberalissime, & gra-
tiam concede, vt in amaritudine animæ
meæ, peccata & negligentias meas su-
perioribus annis commissas deslere va-
leam. Adauge gratiam, vt mandata tua
fideliter adimpleam.

Abstrahere cor meum ab omni eo
quod tibi displicet, & confirma super
me amorem tuum.

Adiuua me, & admitte ad Thronum
misericordiæ tuæ parvulam petitionem
meam, quæ ea est: ut cum non possim
mihi plenè mori, & tibi per amorem,

vivere, nisi per gratiam tuam, cum mihi des, & sufficit mihi.

Ego servus tuus, & filius Ancillæ tuæ, nihil aliud peto, nisi gratiam tuam, ut redamare possim amantem, mihi mori, & vivere tibi.

Hoc iterum atq; iterum per pretiosum, quem meæ salutis causâ fudisti, Sanguinem, à te peto, ô dulcissime IESU.

COMMENDATIO VARII STATUS HOMINUM.

Ad

QUINQUE UVLNERA CHRISTI.

Ad Vulnus PEDIS Sinistri.

Domine JESU Christe, commendo tibi ad Vulnus PEDIS tui sinistri, omnes peccatores: nominatim eos, qui in mortali peccato existunt, Hæreticos, Schismaticos, Iudæos, Atheos, Gentiles, maleficos: ut à te gratiam obtineant, quatenus salutis suæ viam intelligant, peccata à se perpetrata agnoscant, perfectè de illis doleant, integrè confiteantur, validè absolvantur, plenè satisfaciant, ac verè sese ab omnibus emendent.

Ad

Ad Vulnus PEDIS Dextri.

Domine JESU Christe, commendo tibi ad Vulnus PEDIS Dextri, omnes miseros & afflictos, pupillos & viduas, pauperes & angustiatos, infirmos & incarceratos, moribundos sive naturali, sive violentâ morte: vt patientes sint, vt inde mereantur, proficiant, Deo gratias agant, & sese multò plura promeruisse flagella agnoscant: vel si patientes non forent; malis suis eximantur, Deoq; grati sint.

Ad Vulnus MANVS Sinistræ.

Domine JESU Christe, commendo tibi ad Vulnus MANVS Sinistræ, omnes Status sæculares: inprimis commendo Imperatorem, Reges, Principes, & Magistratus, Exercitus, & vniuersum populum Catholicum, Parentes, Fratres, & Benefactores meos: vt omnia à te obtinere valeant, vt legem tuam, atq; Ecclesiæ observent: pietati, ac Sacramentorum frequentationi se dedant, proximos ædificent, charitatem ament, misericordes sint, & temporalem simul, ac æternam benedictionē consequantur.

Ad Vulnus MANVS Dextræ.

Domine JESU Christe, commendo tibi ad Vulnus MANVS tuæ Dextræ, omnes Status Ecclesiasticos; inprimis Summum Pontificem, Cardinales, Episcopos, Pastores, Sacerdotes & alios Clericos, nec non Religiosos: vt suis Officijs satisfaciant, perfectionem adipiscantur, Deum nudè quærant, exemplo præeant, zizania ejciant, multos salvent, maximâ deniq; in Cælis gloriâ perfruantur.

Ad Vulnus SS. LATERIS.

Domine JESU Christe, commendo tibi ad Vulnus Sacratissimi LATERIS tui, omnes Animas Purgatorii; inprimis Parentum meorum, Superiorum, Magistratum, Fratrum, Sororum, tam carnalium, quàm Spiritualium, Cognatorum, Benefactorum, Ecclesiasticorum omnium, & qui pro Ecclesia DEI laboraverunt. Item, qui à nobis læsi, scandalizatiq; sunt: aut quibus Purgatorii, vel peccati dedimus occasionem: improvisè, aut sine Sacramentis extincti,

quiq;

quique suffragiis carent, qui maxime in Purgatorio torquentur, aut diutissime illic hæere coguntur.

Peto à te obnixè, dulcissime JESU, ut omnes illæ animæ, a tormentis suis eximantur, de infernali carcere educantur, Beatorum gaudijs perfruantur, Deum videant, eum glorificent, illi uniantur, & pro nobis, alijsq; preces fundant, & exaudiantur.

Nec tantum Purgatorii Animas, sed & me ipsum, in Sanctissimo tuo LARE, ô dulcis JESU, includi peto: oroq; submissimè, ut omnia ea, quæ hætenus vivis & mortuis concedenda petij, ipse consequi valeam: præsertim peccatorum remissionem, passionum victoriam, gratiarum abundantiam, virtutum complementum, finalem in gratia tua perseverantiam, ac æternum in Cælis, cum Beatorum agminibus, consortiū adipiscat.

O B L A T I O

*Suiipsius, & peccatorum remissionem
petit. Tom: à Rem.*

Domine JESU Christe, in simplicitate cordis mei offero tibi meipsum.
hodie

hodie in servum sempiternum, in obsequium, & sacrificium laudis perpetuæ:

Offero tibi omnia peccata & delicta mea, quæ commisi coram te, & Sanctis Angelis tuis, à die, quo primum peccare potui, usq; ad diem hanc, vt tu omnia paritèr incendas & comburas igne charitatis tuæ, & deleas vniversas maculas peccatorum meorum, & conscientiam meam ab omni macula emundes: & restituas mihi, gratiam tuam, quam peccando amisi, omnia mihi plenè indulgendo, & in osculum pacis me misericorditer assumendo.

Quid possum agere pro peccatis meis, nisi humilitèr ea confitendo & plorando, & tuam propitiationem incessantèr deprecando.

Deprecor te itaq; , exaudi me propitius DEVS meus: omnia peccata mihi maximè displicent; nolo ea vnquam amplius perpetrare, sed pro eis doleo, & dolebo, quàm diu vixero, paratus poenitentiam agere, & pro eis pro posse meo satisfacere.

Dimitte mihi, DEVS, dimitte mihi peccata mea, propter Nomen Sanctum tuum, sa-

um, sana animam meam, quam pretioso Sanguine tuo redemisti. Ecce committo me misericordiae tuae, resigno me in manibus tuis. Age mecum secundum bonitatem tuam, non secundum malitiam meam & iniquitatem.

Offero etiam tibi, omnia bona mea, quamvis valde pauca & imperfecta, ut tu ea emundes & sanctifices, & ea grata facias, & accepta tibi habeas, semperq; ad meliora trahas, nec non ad beatum, & laudabilem finem, me pigrum & inutilem hominem perducas.

Offero quoq; tibi omnia desideria devotorum, necessitates Pauperum, Fratrum, Propinquorum, amicorum, omniumq; charorum meorum, & eorum, qui mihi & alijs, propter amorem tuum benefecerunt, & qui Orationes pro se suisq; omnibus dici à me desideraverunt & petierunt, sive in carne adhuc vivant, sive iam saeculo defuncti sunt; ut omne sibi auxilium gratiae tuae, opem consolationis, protectionem à periculis, liberationem à poenis, advenire sentiant: & ut ab omnibus malis erepti, gratias tibi magnificas læti persolvant.

Offero etiam tibi preces placationis pro illis specialiter, qui me in aliquo læserunt, contristaverunt, vel aliquod damnum & gravamen intulerunt. Pro his quoq; omnibus, quos aliquando contristavi, conturbavi, gravavi, & scandalizavi, verbis, factis, scienter, vel ignoranter, ut nobis omnibus pariter indulgeas peccata nostra, & mutuas offensiones.

Aufer Domine à cordibus nostris omnem suspicionem, indignationem, iram, & dissensionem, & quidquid potest charitatem lædere, & fraternam dilectionem minuere.

Miserere Domine JESU Christe misericordiam poscentibus, da gratiam indigentibus, & fac nos tales existere, ut simus digni gratiâ tuâ perfrui, & ad vitam proficiamus æternam.

GRATIARUM ACTIO

Pro acceptis Beneficijs. S. Aug; in Solil: c. 18.

Gratias tibi ago, Clementissime & benignissime amator hominum Deus, qui cum non essem potenter fecisti me: & cum perditus fuisset, culpâ meâ, mirabi-

zabiliter liberasti & recuperasti me.
Quoties enim me iam absorbuerat Dra-
co; & tu Domine ab ore eius extraxi-
sti me.

Quoties ego peccavi, & ipse paratus
fuit deglutire me! sed tu Domine De-
us, defendisti me.

Cum contra te iniquè agebam, cum
tua mandata frangebam; stabat ipse pa-
ratus, ut me raperet ad infernum: sed
tu prohibebas.

Ego te offendebar; & tu me ipse
defendebas. Ego te non timebam, &
tu me custodiebas. Ego à te recedebar,
& inimico meo me exhibebam; tu
ipsum, ne me acciperet, deterrebas.

Hæc mihi tu Domine Deus meus be-
neficia conferebas; & ego miser non
cognoscebam. Sic enim me multoties
à faucibus Diaboli liberasti, de ore Le-
onis eripuisti, & ab inferno licet nesci-
entem me multis vicibus reduxisti.

Descendi enim usque ad portas inferni;
& ne illuc intrarem, tu me tenuisti.

Appropinquabam usque ad portas
mortis, & ne me ipsæ caperent, tu fecisti.

De morte etiam Corporis, sæpius eri-
pisti

puisti me, Saluator meus; cū graves morbi tenerent me, cū fui in periculis multis, per aquas, per terras, ab igne & gladio, & ab omni periculo liberans, semper mihi adstans, & misericorditer salvans.

Sciebas quidem tu Domine, quia si tunc me mors occupasset; infernus animam meam suscepisset, & perpetuò damnatus fuissē; sed tua misericordia, & tua gratia prævenit me, eripiens me de morte Corporis, & de morte animæ.

Domine Deus meus, hæc & multa alia mihi tua beneficia exhibuisti, & ego eram cæcus, & non cognovi, donec illuminâsti me.

Nunc igitur lux animæ meæ, Domine Deus meus, vita mea, per quam vivo; lumen oculorum meorum, per quod video, en illuminâsti me, & cognosco te, quia viyo per te. Et gratias ago tibi, licet viles & exiles, & impares beneficijs tuis, quales habet fragilitas mea, offero. Quoniam tu es solus Deus meus, Creator meus benignus, qui amas nostras animas, & nihil odisti eorum, quæ fecisti.

En ego primus inter peccatores, quos salvasti, vt alijs exemplum tribuam, benignissimæ pietatis tuæ, confiteor beneficia tua magna. Quoniam eripuisti me de inferno inferiori, semel & secundò, & tertio, & centies, & millies, & ego semper ad infernum tendebam, & tu me semper reducebas.

Et iustè millies damnasses me, si voluisses, noluisti, quia amas animas, & dissimulas peccata hominum, propter poenitentiam.

Domine DEVS meus, & cognosco per lumen tuum, & deficit anima mea, in misericordia tua magna, quæ est super me. Quoniam eripuisti animam meam ex inferno inferiori, & me ad vitam reduxisti. Totus enim eram in morte, totum me resuscitasti. Tuum igitur sit totum id quod vivo; & totus totum me tibi offero.

Totus Spiritus, totum Corpus, tota vita mea, vivat tibi, vita dulcis. Quoniam totum me liberasti, vt totum me possideas, totum me refecisti, vt totum me haberes,

Diligam te igitur virtus mea, diligam
te in-

te ineffabilis exultatio mea, & vivat iam non mihi, sed tibi tota vita mea, quæ perierat in miseria sua, & resuscitata est in misericordia tua: qui es Deus misericors & miserator, & multæ misericordiæ, in millia his, qui diligunt Nomen tuum.

Idcirco Domine Deus meus, Sanctificator meus, iussisti me lege tua, ut diligam te toto corde meo, totâ animâ meâ, totâ mente meâ, totâ fortitudine meâ, totis viribus meis, & etiam ex intimis medullis cordis mei, omnibus horis & momentis, quibus fruor bonis misericordiæ tuæ. Quoniam semper perirem, nisi quia semper regis me: semper morerer, nisi quia semper me vivificas; & omni momento me tibi obligas, dum omni momento mihi tua magna beneficia præstas.

CONFIRMATIO

Voluntatis humanæ cum Divina.

DEUS meus, amor meus, absit, ut quod tu vis, ego nolim; aut quod tu non vis, velim ego. Tua voluntas, mea volubras, immò iam amplius mea non est, quia mea esse cepit.

Idem

Idem ego velle debeo, quod tu, & verò etiam, ô Domine, volo. Vis me depauperare? volo. Vis me ægrotare? volo, tabescere? volo. doloribus affligi? volo. Solatijs destitui? volo. Adversus plurimis exerceri? volo. mori etiam, & hoc volo. Vis me cælo adscribere? volo quàm maxime.

Inferis adjicere? ah bone Deus, ut hoc tu velles, volebam ego & merebar: ut ego hoc nollem, & volebas tu & merebaris.

Atq; si fieri posset (etsi sanè non potest) horum alterutrū; aut Sanctissimam tuam Voluntatē irritam esse, ut ego beatus sim; aut me damnatum esse, ut Sanctissima Voluntas tua rata sit. Proclamo: melius est damnari me, & servari, quod tu vis, ô Deus.

Sed ô Bonitas, mortem meam scio non vis, qui Filius tui mortem ideo volebas, ut possis non velle meam.

Per illam ergo Filii mortem te rogo, ô Pater, morte æternā eripe me.

En vulnera, en Sanguinem, quo tibi pro me litatum est. Filio nolebas parcere, ut posses servulo.

Quia

Quia ergo & potes, & vis misereri, ô immensa, ô tremenda Maiestas! misere-re mei.

Parce mihi quæso, peccavi, negare non possum, sed tu potes condonare, quidquid peccavi.

Serva me, Deus, quem creâsti, opus tuum sum, & te meum Opificem videre, & æternum laudare cupio.

Potes quidem instar Figuli, me luteum vasculum, & sub sui auctoris manu parum obsequens, frangere, & (pridem id meritus sum) in farinam abijcere.

Sed quia maior est tua bonitas, quàm malignitas mea, parce Domine, parce, parce, vivam amando te, qui brevi moriar, hoc per ultimum habitum rogando te, miserere, miserere. *Drex.*



SEPTEM PSALMI CONFESSIONALES.

*Quibus Pœnitens vitam suam in peccatis
inneteratam corde contrito confitetur*

Domino.

PSALMUS I.

Quis dabit capiti meo aquam, & oculis meis fontem lachrymarum?

Ut mærore congruo animæ meæ, damna deplorare sufficiam: adest quippe manifesta & maxima causa iustitiæ, cum antiquos dies cogito: iuveniles annos^o considero mentis intuitu.

In hac meditatione, defecit Spiritus^o meus, scio enim qualis fuerim, immò qualis fuisse non deberem.

Cognosco qualis sum, timeo qualis^o futurus sim.

Et cò magis timeo, quò minùs doleo. Utinam magis dolerem, vt minùs timerem.

Sed Domine, quia iam diu percutis^o, & nondum dolco, iam liu vocas, & adhuc non audio.

Jam diu pulsas, & cordis mei pessum non aperio, circumdant me dolores mortis.

Ea

Ea cum multis replear doloribus exterius, nullum prorsus, qui ad salutem operetur, dolorem sentio interius.

Nec solos senectutis dolores experior, sed vir dolorum ego sum à iuventute mea.

Cunctiq; dies mei, laboribus & ærumnis pleni sunt.

Et tamen doleo, quia semper dolens, dolere nescio.

O! stupendam & ineffabilem Cælestis Medici sapientiam: & immensam summi Regis bonitatem.

O singulare omnium bonorum largitoris beneficium!

Das enim mihi dolores, ne pereamus iucunditatibus, & ut discam sine offensione iucundari.

Das dolores temporales, ne patiar æternos, affligis corpus, ut salves animam.

Flagellas, ut sanes, occidis ut vivifies.

Sed proh dolor! medicinam ex occulta manu misericordiae tuæ inuitus suscipio.

Et antidotum salubrium dolorum, quibus misericorditer in me saevis, rudis non agnosco.

Er

Et quomodo agnosco, si instant er à te peto, vt à me auferas dolores! qui tamen sine doloribus saluari non possum.

Quomodo enim, nisi per dolores, sanabitur, qui per delectationes infirmatur.

Fac ergo, Domine, vt doleam, & doce me salutare dolorem.

Quo tristitia mea vertatur in gaudium, & exultem in salutari tuo, dicens.

Gloria Patri, & Filio, & Spiritui Sancto. Sicut erat in principio, & nunc, & semper, &c.

PSALMUS II.

Fluunt dies, & labuntur anni, sed infelix ego homo, qui post tot animæ meæ labes, post casus gravissimos, ac diuturnos nondum resipisco.

Nec compungor de peccatis meis, in ea frequenter relabi contemno, ab eis resurgere non curo, nova veteribus, & maiora minoribus accumulans.

Quid faciam Domine, aut quò ibo, cum novissimum tempus meum venerit? vbi abscondar à vultu iræ tuæ, aut quò à facie tua fugiam?

M

Dum

Cum vocaveris me ad iudiciū, & requisieris a me de talento mihi tradito rationem, quid respondebo tibi, aut quomodo negl gent. a meam excusabo?

Cum sederis super Thronum Maiestatis tuæ, & vsq; ad vltimum quadrantem præceperis mihi reddere rationem villicationis meæ?

Dicam equidem, Domine, vim patior, responde pro me, quis enim ego sum, vt respondeam tibi in iudicio.

Sed quid, si me ipsum respondere compellas, confusus, territus, ac tremens dicam?

Nihil, Domine, perlucratus sum, quinimò nequitèr & inanitèr consumpsi talentum tuum, ac bonā tuā, vivendo luxuriosè, dissipavi.

Stultè quidem locutus sum dicens vivendo, rectius enim moriendo dixissem, sed vivere me tunc putabam, & mortuus eram.

Quia sine te, vera vita mea, vivebam, & si aliquando tecum vixi, vix meministi.

Quinimò, si vita impij mors potius, quam vita dicenda est, meritò dicam, quòd prius cæpi mori, quam vivere.

Non-

Nondum enim quid vita esset perfectè intellexeram, cum iam te vitam vitarum, ac fontem vitæ dereliqueram, & in multis sceleribus ætatem malitiâ supplevit.

Ex utero matris meæ egressus non fueram, & iam peccator eram, in mundū ingrediens, peccata, in quibus genuerunt me Parentes, adhuc peccati nescius, deflevi.

Nec penitus cessaveram aliena fieri peccata; quando propria commisi, quæ cognovi & non flevi,

Infans iniquitatem colui, & pueritiam, in qua purus esse debui, impurus egi; exhalabantq; de limosa concupiscentia carnis, & scatebra pubertatis, & obnubilabant cor meum.

Ut non discerneres lucem à tenebris, & serenitatem mentis, à caligine libidinis; & ætatem imbecillem, obliviosam ac lascivam rapiebat voluptas perfida ac dolosa, per abrupta cupiditatis, & ebulliebam per scortationes meas, in inferis satiari desiderans.

A pueritia veni in adolescentiam, nec factus sum citius adolescens quò citius

mea pravitas adolevit; & sylvescere ausus sum varijs & vmbrosis amoribus, à quibus abstractus, & illectus flagitiorum gurgite mergebar in interitum & perditionem.

Dies adolescentiæ meæ mali & nefandi transierant, & pergebam in iuventutem, sed ad priores revertebar, quanto ætate maior, tantò vanitate turpior; iuvenis fui, & attigi virum, & viguit in me vitium semper pro virtute.

Senui & incanui, nec ambulavi in vijs tuis; sed velut puer centum annorum puerilia adhuc senex facio.

Ubi ego aliquando innocens fui, vult secundum tempus innocentiae meæ, à te velim indicari, etiamsi illud constituas mihi ad iudicium? iustus es enim Domine, & rectum iudicium tuum, reddisq; unicuiq; secundum opera sua.

Ego autem omnia mea vereor, quoniam opera tenebrarum sunt, & operarius iniquitatis fui ab initio.

Atq; impiorum semitas libens semper secutus sum, iacui in vitijs, sicut porcus in immunditijs, & sicut ille filiquis pascitur, sic ego fabulosis & scurrilibus verbis oblectabar.

Seri-

Serijs autem & vtilibus contristabar: cum operantibus iniquitatem communicabam, & cum electis eorum convivabar, & gloriabar in malitia, qui potens eram in iniquitate.

Excusare me amabam, accusare nesciebam: & ingravabam cor meum: eòq; peccatum meum insanabilius, quò me peccatorem non esse arbitrabar.

Nec solum medicinam animæ meæ ad mortem infirmanti non quæreba, sed oblatam recusabam, & adversus eam mihi ministrantes, animo irreverenti, & infrunito indignabar.

Arguentes me persequabar, loquentes verò mihi placentia amplexabar, & in illorum sermonibus mihi complacui, qui non habebant cor rectum ad te, studui in commentis ac mendacijs.

Et in cunctis dilexi magis tenebras, quàm lucem: ecce vitam meam annuntiavi tibi, Deus meus, hæc est series vitæ meæ, in qua iram tuam merui, hæc respondebo tibi, cùm interrogaveris me de me.

Sed tu delicta iuventutis meæ, & ignorantias meas ne memineris, Domine,

nec intres in iudicium cum seruo tuo,
quia non iustificabitur in conspectu tuo
omnis vivens.

Si intrare tamen velis, quoniam Deus
diligens iudicium tu es, fac mecum iu-
diciū, sed non fac iustitiam, & iudica
me secundum iudiciū diligentibus no-
men tuum, vt cantem tibi misericordi-
am & iudiciū.

Memento Domine, quòd licet ne-
quam ego sum, servus tamen tuus sum,
& filius ancillæ tuæ.

Et non ad multitudinem miseriarum
mearum, sed ad magnitudinem misera-
tionis tuæ aspicias, vt cum propter sce-
lera mea iratus fueris in me, misericor-
diæ tuæ recorderis.

Ut non in æternum irascaris mihi, sed
miserearis tribulato seruo tuo, vt te lau-
det anima mea, & confiteatur miserati-
ones tuas.

Gloria Patri, & Filio, & Spiritui San-
cto. Sicut erat in principio, &c.

P S A L M U S III.

HEi mihi misero, quia iratum adver-
sum me constitui Redemptorem,
meum,

meum, & legem eius contumaciter
neglexi.

Iter rectum spontè deserui, & sicut
ovis renuens Pastorem suum, per loca
arida, & inaquosa, longè lateq; cir-
cumactus sum.

Errans in invio & non in via, aspera
quæq; & inaccessa penetravi, & ubiq;
tribulatio, & angustia, in via iniquitatis
& perditionis lassatus sum.

Et ambulavi vias difficiles, quærens re-
quiem, & non inveniens

Quia non te, Domine, quærebam, sed
in terra sterili, & in regione mortis,
ubi nulla requies, sed labor continuus,
& afflictio spiritus inhabitat: ibam.

Cum in honore essem non intellexi,
sed quasi vnus ex gregibus brutorum,
inter lustra ferarum fuit incolatus meus.

In anxietatibus cum voluptatibus mo-
ratus sum, & in sentibus cubile meum
stravi, & obdormivi in interitu, & spe-
ravi requiem in tormentis.

Nunc ergo quid agam? quò me in
tantis periculis vertam? spes adolescen-
tiæ meæ corruerunt omnes.

Et factus sum naufrago simillimus,

qui mercibus amissis nudus enatat.

Jaſtatus vento, pelago elongatus à portu, & vitam ſalutis non apprehendo, ſed rapior ſiniſtrorſum.

Retia mihi diſpoſuit hoſtis, quocunq; ibam, & pedibus meis laqueos retendit.

Ego autem deſpexi, & inceſſi ſecurus inter lubrica, & in peccatis meis mihi blanditus ſum.

Credidi iuventutem mortis lege non teneri, & hac fiducia deceptus, abij poſt turpia carnis meæ deſideria.

Et ultra modum ſenſualitati habenas relaxavi, ſequens eam, quocunq; me ſerebat impetus.

Et dixi inſipiens in corde meo, quid ante medium de extremis cogitas?

Longa tibi reſtat dies? converti poteris cum volueris.

Sic inveteravi in peccatis, & conſuetudo peſſima verſa eſt in naturam: iamq; velut peccati mancipium catenatus illi ſervio.

Et quaſi phreneticus odiens carnem ſuam, dum ſibi ipſi manus inferre laborat, deliberationis ratione ſopita.

Sic ego gravius ac periculoſius odi-
ani-

animam meam, siquidem nefarias ac violentas manus sibi ipsi iniecit impœnitentia cordis mei.

Et peccandi obstinata voluntas infelicem animam meam proprijs manibus laceravit.

Atq; ita gehennæ cumulos mercatus in dies magis secundum duritiem meam, & impœnitens cor meum thesaurizo mihi iram in die iræ.

Vetus iugum à me excutere aliquando tentavi, sed non valeo, quia inhæret ossibus.

O si tandem excidat à collo meo, vultu diligam vel serò; excidet quidem, si tu iusseris, Domine, & auxilium mihi miseris ex alto.

Non merui fateor, sed tu largitor optime, qui solem tuum æqualiter oriri facis, super bonos & malos.

Et indignis etiam non poscentibus, bona temporalia concedis, quomodo spiritualia petentibus denegabis?

Miserere ergo mei, Deus, & imple petitionem pauperis, qui dives es in misericordia, & soles in hilaritate misereri.

Et purgas voluntatem à consuetudine mala,

mala, & exaudis gemitus compeditorū.

Et solvis à vinculis, quæ nobis facimus,
si non erigamus adversum te cornua
falsæ libertatis.

Operi manuum tuarum porrige dex-
teram, ut non, cum cecidero, collidar.

Et collisus detrahar in profundum la-
cum, in quo non est aqua.

Libera me de ore Leonis truculenti
ad prædam parati, & animæ meæ inhi-
antis ut devorer.

Protektor enim meus, & liberator
meus, tu solus es, & in sola misERICOR-
dia tua tota spes mea est.

Fiat igitur misericordia tua super me,
quemadmodum speravi in te.

Speravi & non confundar, sed voti
mei compos, cantabo tibi.

Gloria Patri, & Filio, &c. Sicut erat
in principio, &c.

PSALMUS IV.

NOctes meæ in mare transierunt,
& terroribus me agitant innumeris;
conscientia concutit insomnem, & ve-
lut gladio ancipiti ab ea vulneratus tor-
queor.

Som-

Somnus meus varijs illusionibus turbatur, non mihi quietem afferens, sed laborem; in cogitationibus meis pernocto, & cum defessus conor dare palpebris meis dormitationem, illicò somnus recedit ab oculis meis, & in doloribus dormio semper à diurnis curis, inquietà lassitudine excitatus, & efferuent omnia interiora mea absq; requie.

Abominabilis factus est animæ meæ cibus ante desiderabilis, potus meus cum fletu miscetur, & confusio ante oculos meos est, ruborq; in genis meis, cum recordor, quam gravitèr te offenderim, Deus meus, & quàm varijs modis viribus meis, ac donis tuis abusus sum.

Dies meos in vanitate prodegi, consumpserunt me curæ immortales, & insensatis cogitationibus huc & illuc distractus, irreparabilem feci temporis iacturam, somnia mihi multoties fingebam, & gaudebam.

Evanuiq; delusus in vanitatibus, & deliramentis meis, ascendebam vsq; ad abyssos: & dum abyssus abyssum invocat, contabuit in malis anima mea.

Et computru coram oculis hominum,
opta-

optabam impossibilia, & phantastica illorum fructione, similis factus sum dormientibus, qui è somno surgentes, nihil invenerunt in manibus suis.

Vili ego sum vermiculus, & tamen nunquā me, Domine, cognovi, sed erecto supercilio me solum super omnes exaltavi, temerèq; iactavi verba mea, & in iactantia sapientiam esse existimavi.

Infectus fui socijs meis, & multis sæpè iratus absq; causa contumelias irrogavi, abhorru sapientiam, & dilexi iram.

Nec causa suberat, & irascebar servis atq; familiaribus meis, immò & mihi met indignatus maledixi.

Et amicis meis cum ludibrio exprobravi; adversitates meas invitus tuli, & magis in homine, quàm in Deo confidi.

Impatiens veritatem audiivi, & in furore sapientibus respondi; aspiravi libenter ad iniurias, & vindictas, & ultionem Deo nunquam reservavi.

Adversus tuentem suam causam exasperabar: nec responsio mollis, aut virlevis complacebat. In litibus & contentionibus recreabar, & inimicitias ac discordias malevolus sæpè inter fratres seminavi.

Salu-

Salubria & recta consilia auribus percepi, sed disciplinam non apprehendi: Consiliarios prurientibus auribus placido aspiciebam vultu, libero verò animo loquentes mihi, longè faciebam a me.

Egentibus manum non extendi, & cum esurientibus panem meum non comedi: in plateis iacebant leprosi & mendici, ego autem transibam, avertens oculos ab eis, ne commoverentur viscera mea, & misericordiâ commotus elemosynam darem eis.

Debitum mihi mutuantibus non solui, & ut inordinato appetitui parerem, ære alieno me gravavi; ad illicita patranda dives esse concupivi, ad officia verò pia, semper me pauperem ostendi.

Et quod pietati defuit, concupiscentiæ meæ affluenter abundavit; in commensationibus & convivijis ultra modum lætatus sum, & naturam paucis contentam insatiabili voracitate vitiavi.

Venter meus fuit quasi *DEVS* meus, & gloria mea in pudendis eorum, qui terrena sapiunt: accuratiores & suavioribus cibos exquisivi, & obtentu necessi-
tatis

tatis obumbravi sæpè negotium voluptatis.

Cum aduiteris portionem meam posui, & cum mæchis familiaris mea conversatio fuit: in sanguinibus immoderatè versatus sum, & iumentis insipientibus comparatus, adeo me in hoc vitio prostravi, vt pudeat dicere, quæ non puduit fecisse.

Vanitati aures & lingua meâ seruebant, dum per illam impinguabat caput meum oleum peccatoris, & per hanc sæpè supplevi, quod in laudibus meis alij minùs fecisse videbantur, & cum opportunè poteram tradere alijs laudes meas, & meo, & alieno ore, semper gestiebam prædicari.

Et si quando metus mortis ac futuri iudicii socordiam meam excitabat, & me à profundissimo voluptatis gurgite ad horam reuocabat, subito tanquam canis ad vomitum reuertebat.

In ijs mortuus adhuc vivo, & in morte manens, ad mortem festino, eamq; cum festinatione quoq; ad me venientem video.

Sed citò anticipent me misericordiæ
tuæ

tux Domine, priusquam veniat dies illa terribilis calamitatis & miserie, dies magna & amara valde.

Ut tamen si moriar & vivam, & enarrem miserationes tuas super omnia opera tua.

Respice Domine, & vide, quomodo anima mea iacet in concupiscentiis suis paralytica, & ab eis male vexatur.

Erue eam de visco tenaci mortis, & tibi soli, qui solus vita es, inhæreat, & relictis omnibus, sequatur te, qui es super omnia: dic animæ meæ Domine Deus salutis meæ, salus tuâ ego sum, fiat tibi sicut vis.

Fac audire me hanc vocem tuam, vocem exultationis & salutis, ut curram post eam, & apprehendam te, apprehensumq; teneam, nec dimittam donec me sanum dimiseris.

Ad quem enim præter te infirmus ibo, ut curet me? aut quis poterit sanare infirmitatem meam, nisi qui propter homines, & propter humanam salutem descendit de Coelis, ut sanarentur a languoribus suis.

Quis vivificare poterit, nisi qui mortificat

tificat & vivificat omnia? quis salvabitur
poterit, nisi tu Deus meus & Salvator
meus, in tempore tribulationis? salva
ergo & vivifica me, qui vita & salus
æterna es, omnium in te confidentium.

Tibi autem initij experti, sine fine
gloria, tibi laus & honor, tibi iugis ado-
ratio, tibi gratiarum actio, fons peren-
nis misericordiarum.

Procul enim a te recesseram, & elon-
gavi fugiens: & tamen ægro fugienti,
dum te vocat, præsto ades, priusq; ei
salutem tribuis, quam gemitum audias.

Sufficit enim velle sanari, ut sanes,
velle vivere, & vitam præstes; & in be-
nedictione dulcedinis tuæ, prævenis de-
sideriū peccatoris seipsum cognoscentis.

Dicam ergo tibi, Domine, & sufficiens
mihi, iniquitatem meam cognosco, &
quid est cognosco, nisi sanari volo? &
vnde cognosco? quoniam conturbata
sunt omnia ossa mea, & anima mea
turbata est valdè, à peccatis meis.

Ecce iam iniquitates meas pono in
conspectu tuo, Deus meus, ut cures &
sanes animam meam, quia peccavi tibi.

Sicut enim non volens Deus iniqui-
tatem

tatem tu es, ita non vis mortem peccatoris, sed magis ut convertatur & vivat.

Non enim mortui laudabunt te Domine, sed nos, qui vivimus. benedicimus Domino, & confitemur ei, quoniam bonus, quoniam in sæcula misericordia eius.

Gloria Patri & Filio, &c. : Sicut erat in principio, &c.

PSALMUS V.

Miseras me tibi, Domine, revelavi, non ut tibi notas faciam vias meas.

Qui omnes ab initio prævidisti, & omnes gressus meos dinumerasti: nosti enim abscondita tenebrarum, & oculis tuis nuda & aperta sunt omnia.

Ipsasq; non modò cernis, sed & discernis cogitationum latebras & medullas affectionum.

Sed detego, ut regas, ac protegas; revelo ut abscondas, humiliatumq; & contritum spiritum in me agnoscas; & per huius oblationem sacrificij, & tibi omnium gravissimi propitius mihi sis, ac parcas peccatis meis.

Multa dixi & quidem gravia, sed pau-

ca hæcenus commemoravi.

In pluribus enim pungit me vermis⁹ conscientiæ meæ, vtinam rodatur putredinem;

Ut rodendo consumatur, & ipse pariter consumatur, nec foveri incipiat in immortalitate: sed mordeatur, vt moriatur, & paulatim desinat mordere mordendo.

Sed heu mihi, quia cum finem me fecisse puto in annuntiandis malis meis, tunc cogor quasi denuo incipere.

Et memoria mea plena spurcitiarum: abundantius alias atq; alias recolitur sordes.

Peccavi enim super numerum arenæ maris.

Et si mihi centum sint linguæ, oraq; centum, vix è mille millibus vnum referam.

Id tamen dolorem meum auget, quòd omnes transactas sceleritates meas, & carnales corruptiones animæ meæ reminisci non possum.

Dum enim nova committo crimina, veterum obliviscor, sed quæ recordor, non silebo.

Non

Non quò ampliùs ea amare velim,
sed vt te validissimè amem, Deus meus.

Et vt recolenti vias meas nequissimas
in amaritudine cogitationis meæ dulce-
scas mihi, dulcedo non fallax, dulcedo
amabilis, dulcedo felix, & secura.

Amica itaq; mihi fuit invidia, & cha-
ritas inimica.

Regibus & Principibus, atq; Ecclesiæ
ministris detraxi, & momordi eos men-
daci susurro.

Iustorum laudes & merita denigravi,
& impiorum facta approbavi.

Si quando de probis hominibus ser-
mo erat, obijciebam falsas maculas, &
occultos eorum defectus propalabam.

At in levissimis quasi de graviori cri-
mine, apud alios accusabam.

Siverò contra pravos infamia labo-
rabat, repente exiles virtutes eorum
concionabar.

Et meritis dignioribus eos antefere-
bam, sicq; maioris eis ruinæ causâ fui.

Si videbam furem, currebam cum eo,
& cùm nequitiam meam consummarẽ
adversus filium Matris meæ ponebam
scandalum.

Et à calumnia & fraudibus consanguineis meis non parcebam.

Optavi proximo meo infelicitatem, & ærumnas, in sola morte illius spem meam collocavi.

Innocentium causam non defendi, & nocentibus, quasi de eorum cruciatibus gaudens, improperavi.

Multos temere culpæ reos esse iudicavi, & in oculo fratris mei, festucam videns, in proprijs oculis, magnam atq; crassam trabem non sensi.

Acediam tanquam Matrem meam colui, fuit otium mihi frater.

Et fugi omne honestum exercitium, & laborem, torpebam per dies, & de quotidianis in me locatis beneficijs grates Deo meo non reddebam.

Quam ratò verò per noctes in lege tua, & in mirabilibus tuis meditatus sum, tu scis Domine, insomnis sæpè totam noctem duxi.

Et cum mens mea, huc atq; illuc ab yno te vagaretur in multa, nullibi occurristi ei.

Sine te ad lectum accessi, sine te in lecto cubui, sine te a lecto surrexi: sine te illu-

Iluxit dies; sine te tota nox pertransiit.

Et ideo sine te semper fui, quia mecum semper fui, qui longè absum à te in tenebroso affectu meo.

Si fortè tamen veniebas mihi aliquando in mentem, & mirabilia tua opera considerare incipiebam.

Subitò sarcinâ sæculi, (velut somno assolet) dulciter premebar.

Et cogitationes, quibus meditabar in te, similes erant conatibus expergisci volentium, qui tamen superati soporis altitudine demerguntur.

De rebus conscientię meæ sæpè ordinare proposui, sed delusit me semper dies præsens sub expectatione futuri.

Supra fragile ac fallibile fundamentum innixus sum, & baculo arundineo atq; infracto incubui, & dum in eo confusus putavi me firmiter stare, cecidi in ignem, & agnovi cadens, quam debiliter stetissem.

Inhiavi siti inextinguibili honoribus ac lucris, & in his cupiditatibus, sævissimas passus sum difficultates.

Quilibet incompositus & indisciplinatus mihi amicus erat, & venam ami-

citæ coinquinabam sordibus concupiscentiæ, candoremq; eius obscurabam.

Tartareâ libidine rapiebant me spectacula theatra, plena imaginibus miseriarum mearû, & fomitibus ignis mei.

Nec solum aditum morti non observi, sed etiam fenestras ei aperui.

Fueruntq; singula membra mea fenestræ singulæ, quibus mors ad animam meam intrauit.

Et sic subeuntibus novis, veteres sordes minimè expurgavi, quin potius multa horum in me germinauerunt peccata.

Propter quæ à facie tua eiectus sum, Deus meus, & tuæ præsentiae consolatione destitutus, quasi in desperationem corruo, ignorans quò vadam.

Sed quò à te recedens ibo? aut quis in faciem meam aspiciet, si tuam averteris à me, & velut reprobatum tuo me privaveris conspectu.

Odiosus procul dubio ero omnibus hominibus, & tanquam vagus ac profugus in terra.

In opprobrium & desiderium eo eis, dum quæsierint à me, ubi est Deus tuus, & quare repulit te à se.

Quid

Quid igitur faciam miser, cum me à protectione tua alienum, & in medio inimicorum meorum, adversum me fortiter pugnantium à te derelictum in-tuebor?

Faciem tuam Domine requiram, & vultum tuum gembundus deprecabor.

Ne derelinquas me, & ne declines in ira à servo tuo.

Me etenim tanquam fugitivum sequuntur omnes inimici mei, ut comprehendant & occidant.

Et ideo ad te, quem fugi, confugere me oportet: Deus meus, fortitudo mea, refugium meum, & virtus mea in die tribulationis.

Sicut enim non est Deus absq; te, ita absq; te, non est Salvator.

Tu ergo Domine, qui omnes misérias meas nosti, & à quo figmentum fragilitatis meæ non est absconditum, projice post tergum tuum omnia peccata mea.

Et iniquitatum mearum antiquarum ne memineris, sed salvum me fac secundum misericordiam tuam, ab omnibus persequentibus me, & libera me.

Quoniam non est qui redimat, neq;

qui saluūm faciat, nisi tu Domine, qui
salvos facis omnes sperantes in te.

Et liberaſ pauperem à potente, & de
manu fortiorum eius.

Ne abscondas ergo, Domine, à me fa-
ciem tuam, ne despicias me Deus salu-
taris meus, firmamentum meum, & li-
berator meus.

Quoniam pauper & inops ego sum,
nimis: oculi autem tui in pauperem re-
spiciunt.

Et si iustitia tua me quaesierit, abscon-
de me in sinu benignitatis tuae.

Qua me ferens longanimiter ad poe-
nitentiam invitasti, longanimis enim
es, patiens & multum misericors, atq;
praestabilis super malitia.

Quinimò, nihil tibi magis proprium,
quam misereri semper & parcere.

Et ideo omnium misereris, quia om-
nia potes, & dissimulas peccata homi-
num propter poenitentiam.

Parcis autem omnibus, quoniam tua
sunt Domine, qui amas animas.

Convertere ergo ad me conversum,
ad te, eripe afflictam animam meam de
omni angustia.

Ut re.

Ut repleatur os meum laude & dicat tibi, Benedictus Dominus, qui non permisit me dari in eaptionem dentibus adversariorum meorum.

Nisi quia Dominus mihi adiutor fuisset, fortè vivum deglutissent me: anima mea sicut passer erepta est de laqueo venantium.

Laqueus contritus est, & ego liberatus sum.

Gloria Patri, & Filio, &c.

PSALMUS VI.

ME miserum! quid agam, quia singularis fera depasta est animam meam, & factus sum in prædam inimici?

Omnibus me spoliavit bonis, quibus tu me Domine ornasti, & coram te timo nudus apparere.

Dives ac decorus à facie tua egressus sum, & abij vagus post sordes in via corrupta, & in pravitate cordis mei, & denigrata est anima mea super carbones, & immutatus color eius optimus.

Et qui croceis nutriebar, amplexatus sum stercora, adeoq; vilibus peccatorum vestibus indutus, memetipsum exinan-

nanivi ac deformavi, secundum similitudinem prævaricationis Adæ.

Ut in imagine, in qua tu Domine creasti me, tibi iam cognitus non sim, & quasi scabiosam ovem inter oves pascuæ tuæ me commorari non permittes.

Quomodo ergo ad præsentiam immensæ Maiestatis tuæ, in cuius conspectu Cæli non sunt mundi, vacuus, immundus, ac vilis audebo redire, & delinquendo infatuatus communicare cum electis tuis,

Rediissem utiq; licet pavidus ac pudens, paternâ tamen benignitate fretus, dulcis enim Pater es filio proficiscenti in longinquam regionem.

Sed ex diuturna peregrinatione redeunti multò dulcior; attamen redeundi ad te Deus facultate careo.

A sævissimo enim prædone victus teneor, non ferro alieno, sed ferreâ meâ voluntate, ex qua catenam mihi constrinxit inimicus, & in operibus, atq; in omni vitioso famulatu ad amaritudinem perducit animam meam.

Refugium meum longè est à me, quia longè à peccatoribus salus, & in misera
servi-

servitute mori compellor; nisi tu Domine de Cælo prospiciens opem feras.

In limoso profundi luto infixus sum, & tempestas tentationum, quasi fluctus sævi maris obruit atq; demersit me, ita ut imminetia pericula posse me evadere desperem, nisi assumpseris me Deus meus.

Quò enim surgere magis nitor, cò gravius allidor, intus & foris mihi ipsi sum molestus, & utrobiq; hostes domesticos invenio, qui me pessundant.

Ad dexteram & ad sinistram circumspicio, & neminem, cui me tutò credam, video, sed vndiquaq; metus concutit, & ad quemcunq; diverto amicum, fidelem non reperio.

Et quomodo reperiam, qui Deo meo datam fidem non servo? consolantem me quæsi in afflictionibus & calamitatibus meis, & non fuit, qui me consolaretur, ex omnibus charis meis.

Sed incidi in homines verbosos & loquaces nimis; quin potius mutos, & ob hoc mutos, quoniam non ex eis sonabat verbum tuum Deus meus.

Sed delictum oris eorum, sermo labiorum

corum eorum, qui defectus meos sine
compassione damnabant, & insultantes
mihi, durè & inuectivè adversum me
iurgia provocabant.

Stultis deceptoribus sæpè suffragatus
sum, & à recto tramite declinans, in
eorum sententiam ignarus ivi: sensimq;
atq; paulatim ab eis perductus sum ad
eas nugas & infanias, vt quamvis à vera
religione (te opitulante) nunquam de-
fecerim, crederem multas nanias.

Cæterum inexcusabilis homo ego
sum, quia cùm te Deum in veritate sem-
per cognoverim, non in veritate & spi-
ritu adoravi.

Sed commutavi veritatem in menda-
cium, & servivi creaturæ potius quàm
Creatori; & in rebus corruptibilibus, me,
atq; cæteras voluptates meas exquisivi.

Sed age, Domine, dulcedo mea & fidu-
cia mea, & quemadmodum fecisti, vt
in vera fide te agnoscerem, excita me
in peccatis dormientem, & illumina o-
culos meos, ne vnquam obdormiam.

Illumina, accende & erige eos ad te,
vt in lumine tuo, videant te lumen æter-
num, lumen indeficiens & inextingui-
bile

bile, lumen dulce & delectabile.

Videant & latentur, atq; concupiscant
decorem tuum, sciantq; nihil præter te
esse diligendum.

Tu Domine, qui lux vera es, illumi-
nans omnem hominem venientem in
hunc mundum, fac oriri hoc lumen tu-
um in tenebris meis, & desiderare me
iustificationes tuas.

Ut vi amoris liquefacta anima mea,
deficiat in salutare tuum, atq; delectati-
ones tuas.

Animam meam dico, sed liceat mihi
tuam dicere, tua enim est, quia tu eam
creasti, ac dedisti; mea verò est, quia
ego a te accepi.

Custodi ergo creaturam, quam ad tu-
am imaginem singulariter formasti, &
ne permittas perire pretiosum donum
tuum, quò me super omne opus manu-
um tuarum sublimasti.

In corpore meo, & in membris meis,
exige quidquid velis: induatur caro mea
putredine, & consumatur vermibus: sed
quæso, Domine, tantum parce animæ
meæ, & in eam non extendas manum
tuam.

Reduc

Reduc me in vias tuas ante Solis occasum (advesperascit enim) & coge me ire ad te, si vocare parum est,

Coge ut libet, modò vadam, & non peream propter me; quia tuâ misericordiâ toties abutens, eâ me indignum feci.

Sed propter nomen Sanctum tuum, aufer à me cor lapideum, & da mihi cor carneum, ac pone Spiritum tuum in medio mei, vt ambulem in præceptis tuis, & iudicia tua custodiam.

Serò nimis advenio, Domine, fateor, vtinam venissem citius, sed scio & certus sum, quòd venientibus tempus non præscribis, modò veniant.

Nec minùs benignè recipis novissimos, quamvis enim odio peccatum habeas, peccatorem tamen non odisti, nec in perditione eius lætaris.

Et ideo, etsi longam moram fecerit, tu tamen patienter exspectas eum.

O quàm dulcis, ô quàm suavis vox illa tua, Domine, in qua animæ meæ spem dedisti: fornicata es cum amatoribus multis, tu tamen revertere ad me, & ego suscipiam te.

Quàm delectabile ac iucundum verbum.

hum illud, quo peccatores de seipsis diffidentes consolaris: *Si impius egerit penitentiam de omnibus peccatis suis, vita viuet, & non morietur, non enim voluntatis mea est mors impij.*

Magna quidem iucunditate audio, cum te dicentem audio, quod exultantis Pastoris humeris reportetur ovis, quæ erraverat.

Et drachma referatur in thesauros tuos collatantibus vicinis mulieri quæ invenit, & lachrymas excutit gaudium, solemnitatis Domus tuæ, cum legerem, in ea de minore filio, quoniam mortuus erat, & revixit.

Da ergo, Domine, animæ meæ vocem virtutis tuæ, nec virtutis tantum torporem excutientis animarum, sed & radium lucis annuntiantem pariter hominibus peccata eorum, illuminantem abscondita tenebrarum.

Sonet vox tua in auribus cordis mei, & dic animæ meæ dormienti; quid tam diu lethargico gravaris somno, & vinculis captiva detineris? hora est iam de somno surgere, & ut derelinquas viam tuam, atque revertaris ad me, qui redemi te.

Rever-

Revertere Sunamiris, revertere ut intueamur te, revertere & non tardes amplius venire ad me, ego enim sum Dominus Deus tuus, qui voco te.

Ego sum ipse, qui deleo iniquitates tuas propter me, nec habeo in memoria priora.

Tunc fiducialiter dicam ego, convertere anima mea in requiem tuam, quia Dominus benefecit tibi.

Ad eum securè vade, & licet à vijs tuis pessimis lassata; eò citius perge, quò citius requiescere concupiscis.

Noli deterreri peccatis tuis, si enim fuerint ut coccinum, quasi nix dealbabitur, & sicut nebula delebuntur; nec de audacia accusari verearis, ubi de obedientia laudaris.

Vade & propera anima mea ad eum, qui non venit vocare iustos, sed peccatores, etsi peccatrix es, Deus peccatorum, Deus tuus est.

Quid ergo ire times? quæ non à se vero iudice vocaris, sed à Patre misericordiarum, ut misericordiâ consequaris.

Ideo vade nunc lubens ad misericordiam vocata, ne postea ad iudicium compulsa vadas.

In

In te jam Domine & Pater inclyte
confido, & non erubescam confiteri tibi
deformitates, & blasphemias meas, qui
non erubui profiteri eas coram homini-
bus, & latrare adversum te.

Murmuret Phariseus & dicat, quis po-
test dimittere peccata nisi DEUS? mihi
etenim, qui ad cor loquitur, DEUS est.

Cujus sermo vivus & efficax, qui me
vocat, pius ac tranquillus est, & qui non
solet continere in ira sua misericordias
suas.

In verbo itaq; tuo securus ibo ad te,
DEUS meus, fiducia mea, & portio mea
in terra viventium.

Ibo procidens ante te, & Majestatem
tuam non timebo, quoniam tu vocas me,
& ne offendam oculos tuos dum immū-
dus appareo in conspectu tuo.

Sordes meas abluam lachrymis assidu-
is, & palpebra à fletu non quiescet, sed
erit lectus meus conscius doloris mei.

Quò tibi placeo, dum mihi displiceo,
& per te, ad te conversus, de commissis
pœniteo, ut mundo corde laudem te di-
cens.

Domine quis similis tibi, tunc enim

speciosa erit laus in ore peccatoris, & qui seminavit in lachrymis, in exultatione metet.

Gloria Patri, & Filio, &c.

P S A L M U S VII.

Miserere mei, Deus, quoniam tribulor, & inenarrabilibus urgeor miserijs.

Torrentes enim iniquitatis conturbāt me, & intraverunt aquæ usq; ad animam meam.

Ita, ut quasi fluvius inundans peccata mea, quæ hæcenus dissimulavi, confiteri quoq; & emendare neglexi, eousq; excreverint.

Ut supergressæ sint caput meum, & à sensuali appetitu, concupiscentiam, mentem & voluntatem meam inflexerint, immò servituti diaboli me subjecerint.

Væ mihi, quia totus lethaliter plagatus sum, & à planta pedis, usq; ad verticem nulla est in me sanitas.

Supplantavit enim me inimicus meus, & tanquam crudelissimus tyrannus in me sæviens, omnibus sensibus privavit, relinquens solum intellectum.

Ut

Ut de damno & jactura mea addendo scientiam, adderet etiam & dolorem.

Parum quidem noceret, si omnimodâ functione sensuum orbaret, & in cunctis actionibus meis prorsus insensibilem me fecisset.

Sed orbavit ad bonum, & vim intulit ad malum.

Et stupore quodam insensibilitatis internæ, animum meum per exteriora effusum sic effecit, ut damna interiora non sentirem.

Cum enim audire expediebat: surdus eram, & à veritate auditum avertebam.

Cum autem aures obturare æquum erat, ne audirent inutilia, & ineptias multorum, velox tunc ad audiendum, & benevolus auditor semper eram.

Cælestia tanquam insipida gustabam: & ab omni spirituali cibo nauseabat anima mea.

Terrena verò super mel, & favum dulciora judicabam.

Ad contemplanda quæ DEI sunt, cæcus & animalis homo eram.

Quæ verò mundi sunt, superbo oculo videbam, & insatiabili corde cupiebam.

Nec in sensibus tantum, sed & in mēbris meis, quæ dedit mihi Deus in ministerium animæ meæ, viam salutis mihi reclusit antiquus hostis.

Et tales in hac dira obsidione mihi paravit insidias, ut eas vitare nunquam potuerim, sed quoties fugam tentavi, incidi in manus ejus,

Peccavi enim videns, & videre volens, obsurdescens & audire volens, tacens & loquens.

Stans, & sedens; dormiens & vigilans, ambulans & quiescens.

Omnem deniq; proprium & communem usum sensuum & membrorum, in turpem abusum immutavi.

Exardescens immundis desideriis meis adeo, ut omnem legem naturalem, Divinam & humanam transgressus sim.

Et in sola peccati lege observanda diligens fuerim.

Utinam fuisset & jam non essem, sed heu! quoniam idem qui antea fui, adhuc sum, nihilq; mutatus ab illo, deteriora sequor.

Adhuc enim præsidens voluntas languida dominatur: & anima mea foedissima,

lima, horrendis ulceribus undiq; scaturiens.

Non aliunde quàm à se ipsa in pristinis malis perseverat.

Sæpè mihi irascor, quia tædet me vivere, cùm non tædeat peccare.

Cognosco stultitiam meam & confundor, ac confusus me reprehendo.

O carnalis amator, cur in luto concupiscentiarum tuarum tam diu jaces?

Quid tantâ sollicitudine de rebus mortalibus satagis, & peritura bona tam vehementi affectu cupis?

Aut quâ ratione bona dicis, quæ cum nimio labore, & magno animæ tuæ detrimento acquiris.

Acquisita cum timore possides, possessa cum dolore amittis.

Cur anima mea propriæ conditionis, & nobilitatis tuæ oblivisceris, & sub putredine corporeorum sensuum, miseram & contumeliosam servitutem gerere nō erubescis?

Cur infida mundi promissione deciperis, nec advertis, quòd illius summum donum, vapor est ad modicum patens, & vanitas vanitatum.

Erubescere, erubescere peccator miserrime, quoties ad fallaces creaturas conversus, à Creatore tuo recessisti.

Et rediens ad te ipsum, vide qualicumq; oculo mentis tuæ, quàm crudeliter miseræ venationis obtentu anima tua evisceravit semetipsam.

Dum vilem muscarum prædam immoderato captans desiderio aranearum instar ex proprijs visceribus sibi retia intexit.

Erubescere iterum, atq; iterum, dico, in quibus nullum fructum habuisti.

Et amissum tempus plora, ut fructum afferat tibi erubescencia: præbe cor tuum Deo, & solves, quod debes.

In his sermonibus exacerbor in me, dum interiùs admonitus, intro in interiora mea.

Conferens in corde meo, quid amiserim, & quid invenerim.

At non quod probo, bonum, sed quod volo, malum, hoc ago.

Velle enim meum tenet inimicus, & configuratum prioribus ignorantia meæ desiderijs captivat me, in lege peccati.

Sed tu Domine Deus virtutum, turris
forti.

fortitudinis meæ, & dominator vitæ
meæ, auxilium tuum ne elongaveris à
me.

Ad defensionem meam conspice, &
protege me sub umbra alarum tuarum,
ne corruam in conspectu adversariorum
meorum.

Et de me gaudens inimicus meus, ne
dicat, prævalui adversus eum.

Dirumpe vincula improperij mei, sub
quibus incurvatus sum, & funes peccato-
rum meorum, quibus fortiter constrictus
sum, solve potentissime Domine.

Et notam fac inimicis potētiam tuam,
ut immolem tibi hostiam jubilationis
dicens.

Quis loquetur potentias Domini? a-
ut quis enarrabit omnes laudes ejus? qui
eripuit animam meam de morte, & pe-
des meos à lapsu.

Qui salvavit me de ore Leonis, & à
cornibus unicornium humilitatem me-
am.

Ad quem clamabo nisi ad te? ad
quem clamaverunt omnes Patres nostri
& salvi facti sunt.

Ad te, inquam, qui non frustraris spe-
rantes in te.

Pone itaq; me, Domine, juxta te, & cujusvis manus pugnet contra me.

Nulla enim timebo mala, quoniam tu mecum es.

Ante te omne desiderium meum, dele & detrahe, quod planè alienum est à te.

Innova, crea, & confirma, quodcunq; dederis in te.

Ut abjectis carnalibus & inutilibus desiderijs, laudetur peccator in desiderio animæ meæ.

Et te sola verâ iucunditate frui desiderans, intret postulatio mea in conspectu tuo, ut in confidentia dicam tibi.

Desiderium animæ meæ, tribue ei Deus meus: scio namq; & certus sum, quòd nemo poterit desiderare te, nisi per te.

Nec ire ad te, nisi tu traxeris cum.

Trahe ergo, Domine, & da mihi incipere in bono desiderio, ut illud perficiam in bono opere.

Antequam novum propositū mos vetustus opprimat.

Et prior voluntas vetustate roborata novam superet.

Ut

Ut cū recta placent, non revertar ad solita.

Indue me pretiosis vestimentis salutis decoris tui, & denuda me vilibus viduitatis meæ indumentis.

Quibus deorbatus secundum pristinā conversationem veteris hominis incedo, & noli opprobrij viduitatis meæ recordari amplius.

Ut in te noviter indutus, atq; novus homo factus, novo spiritu in novitate vitæ serviam tibi.

Et in fragrantia unguentorum tuorū ad te currens, gaudeam in Iesu Salvatore meo.

Gloria Patri, & Filio, & Spiritui Sancto.

Sicut erat in principio, & nunc, & semper, & in sæcula sæculorum, Amen.



2
L. B. Smith
1811

1811
L. B. Smith
1811

1811
L. B. Smith
1811

MODUS

Visitandi & Adorandi

SS. EUCHARISTIÆ

SACRAMENTVM.

Qui vult in necessitatibus suis habere subsidium, in tribulatione solatium, in omni rerum eventu presentissimum consilium; sapè sapius, vel saltem ter in die, visitet in Ecclesia SS. Eucharistiae Sacramentum. Quod si longius distet Ecclesia, etiam domi suæ prostratus in terram & conversâ facie ad eam Ecclesiam, in qua conservatur Venerabile, potest quilibet facere eas, vel similes adorationes, docente S. Chrysost. Hom. 29. ad populum. Ubicunq; sis, potes Altare tuum constituere: nihil enim locus prohibet, nec impedit tempus. Ubicunq; sis, ora: Templum es, ne locum quæras.

ADORATIO SANCTISSIMI

SACRAMENTI.

Domine Iesu Christe, Salvator & Redemptor meus; corâ Divina Majestate tua prosterno me; teq; summâ devotio-
ne,

ne, & toto cordis mei affectu adoro & saluto, in hoc Sacratissimo Eucharistiæ Sacramento verè præsentem. Desideroq; per hanc adorationem reparare omnes irreverentias, prophanationes, & impietates, contra tuam Summam Majestatem, in hoc Sacramento contentam, commissas.

Adoro te, mi bone Iesu, summâ devotione, nomine eorum, qui nunquam tibi debitum honorem & reverentiam in hoc Sacramento reddiderunt, nec reddent.

Adoro te, dulcissime Iesu, desideroq; toto cordis mei ardore, exhibere tibi tantum honoris, laudis, & benedictionis; quantum damnati exhibent tibi injuriarum & contumeliarum, toto tempore suppliciorum suorum; Et quoniam ipsi te adorare & benedicere nolunt; ego nomine ipsorum te adoro & benedico.

Adoro te, Domine Iesu, & cupio tibi talem exhibere honorem, qualem Spiritus Sanctus inspiravit Sanctissimæ Matri tuæ, Omnibusq; Sanctis, ad colendum & adorandum te.

Adoro te, inquam, & talem exhibeo honorem, qualem Deus æternus exhibet tibi

tibi in hoc augustissimo Sacramento, & rogo te, ut magis respicere digneris desiderium cordis, quam verba oris mei.

Actus alius Adorationis

SS. SACRAMENTI.

Affectu omnium Sanctorum.

Domine Iesu Christe, ego te in hoc SS. Sacramento præsentem adoro, illo affectu, quo te in cunis adorant Pastores & Magi.

Adoro te illo affectu, quo te adorabat in terris viventem, & nunc in Cælo adorat pretiosissima Parens tua.

Adoro te illo affectu, quo te adoravit Centurio, & omnes Viatores devotè communicantes.

Adoro te deniq; illis affectibus laudis & adorationis, quibus te adorant, adorant, & totâ æternitate adorabunt, omnes beati Cælites. Quorum voce & affectu, tibi Deo vero meo hîc præsens decanto: Sanctus, Sanctus, Sanctus Dominus Deus Sabaoth.

Dignus es, Domine, accipere Honorem, & Gloriam, & Benedictionem. Tibi hic

bi hîc præsenti DEO & AGNO sit Honor,
& Glora, ab omnibus, in omnibus, & su-
per omnia.

ADORATIO ALIA.

AVe verè Corpus natum ex MARIA
Virgine,

Verè passum, immolatum, in Cruce pro
homine.

Cujus latus perforatum, undâ fluxit &
Sanguine.

Esto nobis prægustatum, in mortis exa-
mine.

O clemens, ô pie. O IESU Fili MARIE,
miserere nostri.

ORATIO S. FRANCISCI,

O Domine DEUS meus, quis es tu, &
quis ego? Ecce hîc flecto ante te,
Domine, tanquam mendicus ante Divi-
tem; petens ut divitias gratiæ tuæ, mihi
pro modulo meo, impertiri velis.

O Domine IESU, hîc flecto ante te, ut
servus ante Dominum, petens cibum &
potum Corporis & Sanguinis tui, simul
& vestem Charitatis, quæ operit multi-
tudinem peccatorum.

O Do-

O Domine, hîc flecto ante te, ut re-
us, ante Iudicem terribilem; petens, ut
mihi Iudex pius esse velis, quando anima
mea separabitur, & ante Tribunal tuum
præsentabitur.

O Domine, hîc flecto ante te, sicut
amicus ante amicum; petens ut eximia
charitas tua, trahat me ad te, liger me in
te, & non permittat me unquam separa-
ri à te.

O Domine, hîc flecto ante te, tanquã
Filius ante Patrem, petens confidenter,
ut necessaria & salutaria quæq; mihi pro-
videas & paternam hæreditatem non
denegare velis.

LAVS SS. SACRAMENTI.

*Laudetur Sanctissimum Eucharis-
tia Sacramentum tot laudibus.*

Quot in Cælo Stellæ, in igne scintil-
læ, in æere atomi, in mari guttæ, in
terra pulveres; quot vere flores, æstate
grana: autumnus folia, hyeme nives,
quot corporeæ in universo creaturæ.

Lau-

Laudetur Sanctissimum Eucharistia Sacramentum tot laudibus.

Quot omnes Angeli: quot Sanctissima Trinitas, suâ potentia depromere, Sapiencia concipere, Bonitate optare potest: omni modo, omni loco, omni tempore, in æternum, & ultra

Hac laus SS Sacramenti, in Missæ Sacrificio celebrando, vel audiendo dici potest circa Elevationem, vel post Communionem mente.

Communicando dic.

Corpus tuum Venerabile, & Sanguis tuus pretiosus, Domine Iesu Christe, corpus & animam meam, custodiat in vitam æternam. Amen.



MODUS COLENDI

B. V. MARIAM.

LITANIÆ

De eadem Beatissima Virgine

MARIA.

KYrie eleison. Christe eleison.
Kyrie eleison.

Christe audi nos. Christe exaudi nos.

Pater de cælis DEUS, Misereere nobis.

Fili Redemptor mundi DEUS, Misereere.

Spiritus Sancte DEUS, Misereere nobis.

Sancta Trinitas unus DEUS, Misereere.

Sancta MARIA, Ora pro nobis.

Sancta DEI Genitrix,

Sancta Virgo virginum.

Mater Iesu Christi,

Mater divinæ gratiæ,

Mater purissima,

Mater castissima,

Mater inviolata,

Mater intemerata,

Mater amabilis,

Mater admirabilis,

Mater Creatoris,

Ora pro nobis.

Mater

Ora pro nobis.

Mater Salvatoris,
 Virgo prudentissima,
 Virgo veneranda,
 Virgo prædicanda.
 Virgo potens,
 Virgo clemens,
 Virgo fidelis,
 Speculum iustitiæ,
 Sedes sapientiæ,
 Causa nostræ lætitiæ,
 Vas spirituale,
 Vas honorabile,
 Vas insignè devotionis,
 Rosa mystica,
 Turris Davidica,
 Turris Eburnea,
 Domus aurea,
 Fæderis Arca,
 Ianua Cæli,
 Stella matutina,
 Salus infirmorum,
 Refugium peccatorum,
 Consolatrix afflictorum,
 Auxilium Christianorum,
 Regina Angelorum,
 Regina Patriarcharum,
 Regina Prophetarum,

Ora pro nobis.

Ora pro nobis.

Regina

Regina Apostolorum, Ora pro nobis.

Regina Martyrum, ora.

Regina Confessorum, ora.

Regina Virginum, ora.

Regina Sanctorum Omnium, ora.

Agnus DEI, qui tollis peccata mundi,

Parce nobis Domine.

Agnus Dei, &c. Exaudi nos Domine.

Agnus Dei, &c. Misere nobis.

Christe audi nos. Christe exaudi nos.

Kyrie eleison. Christe eleison. Kyrie
eleison.

Ave Maria, gratia plena, &c.

Sub tuum praesidium confugimus, San-
cta DEI genitrix, nostras deprecatio-
nes ne despicias in necessitatibus; sed à
periculis cunctis, libera nos, semper Vir-
go gloriosa & benedicta. Domina no-
stra, Mediatrix nostra, Advocata nostra;
Tuo Filio nos reconcilia; Tuo Filio nos
commenda: Tuo Filio nos representa.

ψ. Ora pro nobis Sancta Dei genitrix.

*℞. Ut digni efficiamur promissionibus
Christi.*

O R A T I O.

Gratiam tuam, quaesumus Domine,
mentibus nostris infunde; ut qui,

Angelo nuntiante Christi Filij tui Incarnationem cognovimus, per Passionem ejus & Crucem ad Resurrectionis gloriam perducamur. Per eundem Christum Dominum nostrum. Amen.

AD S. JOSEPHUM,

Ps. Ora pro nobis Beatissime JOSEPH.

R. Ut digni efficiamur promissionibus Christi.

ORATIO.

SANCTISSIMÆ Genitricis tuæ Sponsi, quæsumus Domine, meritis adjuvemur: ut quod possibilitas nostra non obtinet: ejus nobis intercessione donetur. Qui vivis & regnas Deus, &c.

Litanias de Nomine I. su recitantes, trecentos dies: de B. V. Mariâ, ducentos consequuntur Indulgentiarum.

ORATIO.

Ad B. Virginem Mariam.

Memorare, Ô piissima Virgo MARIA, non esse auditum a sæculo, quemquam, ad Tua currentem præsidia; Tua implorantem auxilia; Tua petentem suffragia, esse derelictum. Ego tali animatus

matus fiducia ad Te Virgo virginum cur-
ro: ad Te venio; coram Te gemens
peccator assisto. Noli quæso, Mater
Verbi, verba mea despicere, sed audi
propitia & exaudi. Impetra mihi purum
amorem erga Filium tuum, & erga Te.
Amen.

OBLATIO CORDIS CHRISTI

Beata Virgini Mariæ.

Dulcissima MARIA, nihil tibi accepti-
us Corde dilecti Filij Tui: hoc tibi
offero semper, in æternum, & ultra.

SALVATIO

Quinque Dolorum B. V. Mariæ.

*Quidam ex Sanctis Patribus, audivit in
Spiritu Christum quærentem à Matre sua.
Qui fuissent dolores ejus cæteris majores? At
illa: Quinque fuere acutissimi dolores mei.*

1. Cum Simeon Te occidentum prophetauit.
2. Cum Te dilectissimum perditum per triduum.
3. Cum Te captum, & ligatum, a ludæis
audivi.
4. Cum Te Cruci affixum vidi.
5. Cum Te in Sepulchrum æponi vidi.

Ad hæc Christus Matri suæ.

*Qui me ad 1mum dolorem Tuum, saluta-
verit uno Pater noster, & Ave Maria. Dabo
ei cognitionem & contritionem omnium pec-
catorum.*

*Qui ad 2dum. Dabo ei remissionem pecca-
torum.*

*Qui ad 3tium. Dabo ei virtutes, quas per
peccatum amiserat.*

*Si ad 4tum. Dabo ei donum gratia, & ci-
babo eum ante mortem ejus Corpore meo.*

*Si ad 5tum. Apparebo ei in morte, & re-
cipiam eum in vitam aternam.*

Salutabis itaq; sic.

AVe dulcis Mater Christi,
Quæ dolebas corde tristi,
Te docente Simeone,
De diro mortis mucrone.
Si memør hujus doloris
Nunc, & in omnibus horis,
Fac me piè memorari
Pœnam mortis Tui chari.

Pater noster, & Ave Maria.

Salve dulcis Mater Christi,
Quæ dolebas corde tristi,
Natum inquirens inclytum,
Tribus diebus perditum:

Pro hac tua n. æstitia,
Fac me in ejus gratia,
Inventum per Te pleniter,
Perseverare jugiter.

Pater noster. Ave Maria.

Salve dulcis Mater Christi,
Quæ dolens, & flens vidisti
Captum, vinctum, dirè cæsum,
Plenum probris dulcem Iesum;
Hujus memor tristitiæ,
Tu Mater misericordiæ,
A Dæmonis insidijs
Serva me & opprobrijs.

Pater noster. Ave Maria.

Salve dulcis Mater Christi,
Quæ dolens, & flens vidisti,
Cruci nexum speciosum
Iesum, factum ut leprosum:
Per dolorem hunc tam fortem,
Et per Nati Tui mortem,
In hora mortis ultima,
Adsis mihi charissima.

Pater noster. Ave Maria.

Salve dulcis Mater Christi,
Quæ de Cruce suscepisti,
Ulnis Iesum jam mortuum,
Piorum plena fletuum;

Ulnis Tuæ Clementiæ
 Fove me, Mater gratiæ,
 Cum omnibus fidelibus,
 Solamina poscentibus.

Pater noster. Ave Maria.

BENEDICTIO

Nominis Iesu, & Mariæ.

Benedictum sit dulcissimum Nomen
 Domini nostri Iesu Christi: & glori-
 osissimæ Matris ejus **MARIÆ** Virginis in
 æternum & ultra.

Nos cum prole pia, Benedicat Virgo
MARIA.

*Hanc Oratiunculam recitantibus Indulgen-
 tiam Trium annorum Clemens IV. Pont. M.
 concessit.*

OBLATIO

Sui ipsius B. Virginis Mariæ.

Sanctissima, gloriosissima, superbene-
 dictissima, ac dignissima Mater **DEI**,
 immaculatissima semper Virgo **MARIA**,
 Cæli & terræ Regina, advocata & Do-
 mina mea: Ego N. vilissimus & super-
 bus peccator, quamvis ob multa, & gra-
 via

via mea delicta ac ingratitudines indignissimus sim, ut puro, sanctoq; compaream tuo conspectui, & millies æternis dignus tormentis; sumptâ nihilominus fiducia, in maxima tua bonitate, clementia, & misericordia tua confusus: offero, dono, & consecro, in æternum, dulcissimo & sacrosancto Cordi Tuo; in præsentia totius Curiaë cælestis, totum miserum, & tepidum cor meum, animam, mentem, vires, corpus, sensus interiores & exteriores; quantum habeo, & quantum unquam habere possum intra & extra me Supplicans toto cordis, animiq; quo possum, affectu, atq; tali affectu, quali etiam universa Ecclesia Catholica, & tota Cælestis Curia, ut digneris, ptopter pretiosissimum Unigeniti Filij Tui Domini nostri Iesu Christi, Salvatoris nostri Sanguinem, hanc meam acceptare oblationem in odorem suavitatis; & mihi impetrare perfectam omnium peccatorum meorum contritionem, & emendationem: nec non gratiam omnes vitandi & vincendi tentationes, & difficultates in Divino servitio & officio occursuras. Omnium affectuum inordi-

natorum expurgationem : rerum terrenarum odium , nauseam rerum sensualium , & gustum rerum Spiritualium : Præcipuè verò Sanctorum Sacramentorum frequentationem , fervens studium sanctorum tuarum imitandarum virtutum ; fortem patientiam in adversitatibus ; in prosperitatibus humilitatem : in bonis propositis constantiam ; perfectam in omnibus cum Divina voluntate conformitatem : Omnibus in rebus liberationem omnis mali , & impetrationem cuncti boni , cum perfecta in Divina gratia , usq; ad mortem perseverantia ; ita , ut Tibi , Tuoque Filio , diligentèr , & fidelitèr in hac præsentì serviam vita , atq; in altera perennitèr Te merear videre in Cælo , Amen.

SALUTATIO

Singulorum Membrorum Beatae Virginis MARIAE.

Dulcissima Domina, adoro, & benedico beatissimos pedes tuos, quibus Dominum super terram portasti.

Dicatur bis Ave Maria.

Dul-

Dulcissima Domina, adoro, & benedico beatissimum uterum Tuum, in quo ipsum bajulasti. *1. Ave Maria.*

Dulcissima Domina, adoro, & benedico, piissimum Cor Tuum, undè in eum firmitè credidisti, & ferventè eum dilexisti. *1. Ave Maria.*

Dulcissima Domina, adoro, & benedico, manus tuas purissimas, quibus eum nutrivisti. *2. Ave Maria.*

Dulcissima Domina, adoro, & benedico Ubera tua sanctissima, quibus eum lactasti. *2. Ave Maria.*

Dulcissima Domina, adoro, & benedico, Os, & linguam tuam, quibus suavolentè fragrantiam humanitatis ejus sensitisti. *2. Ave Maria.*

Dulcissima Domina, adoro, & benedico Aures tuas benedictissimas, quibus dulcia ejus eloquia delectabiliter auscultasti. *2. Ave Maria.*

Dulcissima Domina, saluto, & benedico Oculos tuos suavissimos, quibus eum devotè respexisti. *2. Ave Maria.*

Dulcissima Domina, saluto, & benedico Corpus, & Animam tuam sanctissimam, quæ Christus Filius Tuus, in te omni

nni benedictione consecravit. 2. Ave
Maria.

*Sancti & devoti Viri testantur, qui idem
experti sunt. Nullum posse adinveniri modū
servitij, qui magis placeat purissima Matri
Dei, hac salutatione Sanctissimorum Membro-
rum ejus. Quam in modum quotidiana pen-
sionis cum singulis, ad singula Membra, genu-
flexionibus devotus Cultor B. V. Maria, per-
solvere poterit.*

SALVATIO ALIA

B. V. MARIAE.

AVE MARIA Filia DEI Patris.

AVE MARIA Mater Filij DEI.

AVE MARIA Sponsa Spiritus Sancti.

AVE MARIA Templum totius Sanctissi-
mæ TRINITATIS.

*Recitanti hanc Salutationem, Triginta An-
norum Indulgentiam Urbanus VI. Papa Ma-
ximus concessit.*

ORATIO

*Ad Mariam Matrem Dei, & Fi-
lium ejus Iesum.*

Ave

Ave Mundi spes MARIA,
Ave mitis, Ave pia,
Ave plena gratiâ,
Omnis boni copia.
Ave Virgo Mater Christi,
Tu, quæ sola meruisti
Esse Mater sine viro,
Et lactare more miro.
Angelorum Imperatrix,
Peccatorum Consolatrix,
Consolare me lugentem,
In peccatis jam fatentem.
Consolare peccatorem,
Et ne tuum des honorem
Alieno, aut crudeli,
Precor te Regina Cæli.
Me habero excusatum,
Apud Christum tuum Natum,
Cujus iram expavescô,
Et furorem pertimescô.
Nam peccavi ipsi soli,
O MARIA Virgo, noli
Esse mihi aliena,
Gratiâ Cælesti plena.
Esto Custos cordis mei,
Signa me timore DEI,
Confer vitæ sanitatem,
Et da morum honestatem.

Da

Da peccata me vitare,
Et quod justum est, amare :
 O dulcedo Virginalis,
 Nunquam fuit, nec est talis.
Inter Natos mulierum,
Omnium Creator rerum,
 Te elegit Genitricem,
 Qui MARIAM peccatricem
Emundavit à reatu;
Ipse me, tuo precatu,
 A peccatis cunctis tergat,
 Ne infernus me demergat.
Eia Rosa sine spina,
Peccatorum medicina,
 Pro me Christum interpella,
 Ut me salvet à procella
Hujus mundi, tam immundi,
Cujus fluctus furibundi,
 Omni parte me impingunt,
 Et peccati zonâ stringunt.
Christe Fili summi Patris ,
Per amorem Tuæ Matris,
 Cujus venter Te portavit,
 Et Te dulci lacte pavit.
Te per ipsam rogo supplex,
Quia tu es salus duplex ,
 Salus rerum mundanarum,
 Atq; salus Animarum.

Te

Te nunc precor licet reus,

Miserere mei Deus,

Miserere Christe mei;

Miserere Fili Dei.

Miserere miserator;

Quia verè sum peccator :

Tu peccata dele mea,

Et cor mundum in me creâ.

Da spem firmam, fidem rectam,

Charitatemquè perfectam,

Et concede finem bonum,

Quod est super omne donum.

Ut in corde sic compungar,

Tibi Christe ut conjungar,

Fac me dignè manducare,

Corpus Tuum salutare.

ira tua non me gravet;

Sanguis Tuus sic me lavet,

Extra corpus & in corde;

A peccatis, & à sorde.

Ut dum instet hora mortis,

Angelus tunc adstet fortis;

A Te datus mihi Custos;

Qui me locet intet justos.

Mors si carnem meam frangat,

Mors secunda non me tangat;

Licet caro computrescat,

Spiritus in te quiescat;

Ut

Ut dum surgam Te visurus,
Semper Tecum sim mansurus.

A Te nunquam recessurus,
Et Te semper laudaturus.

Audi nos, quam Filius nihil negans
honorat: Salva nos, Ies u, pro quibus
Virgo Mater Te orat.

*Devotè recitantibus hanc Orationem, Tre-
centos dies Indulgentiarum Cælestinus Papa
concessit. Ex hortò anima.*

ALIA ORATIO.

SANCTA MARIA, succurre miseris, juva
pusillanimes, refove flebiles: ora pro
populo, interveni pro Clero, intercede
pro devoto fœmineo sexu: sentiant o-
mnes Tuum juvamen, quicunq; celebrât
Tuam sanctam commemorationem.

ψ. Ora pro nobis Sancta Dei genitrix.

*℞. Ut digni efficiamur promissionibus
Christi.*

CONCEDE nos famulos tuos, quæsumus
Domine DEUS, perpetuâ mentis &
corporis sanitate gaudere: & gloriosâ
Beatæ Mariæ semper Virginis intercessi-
one, à præsentis liberari tristitiâ, & æter-
nâ perfrui lætitiâ. Per Christum Domi-
num nostrum.

NB,

NB. *Una Oratio Dominica vivaciter dicta, prestat toti Rosario distractè dicto.*

Pro obtinenda venia peccatorum.

AVe præclarissima Virgo MARIA, ego tuis pedibus advolutus, obsecro per Sacratissimam Incarnationem, Vitam, Passionem, & mortem dilectissimi Filij Tui, ut impetres mihi plenam veniam peccatorum, mortificationem vitiorum, impetra spiritum bonum, & gratiam salutarem, ac me, ipsi Filio Tuo, Tibique placentem reddas.

H Y M N U S

Ad dolorosam Virginem Mariam.

Stabat Mater dolorosa,
Juxta Crucem lachrymosa,
Dum pendeat Filius.

Cujus animam gementem,
Contristantem & dolentem,
Pertransiit gladius.

O quàm tristis & afflicta,
Fuit illa benedicta,

Mater Unigeniti.
Quæ marebat & dolebat,

Et tremebat, cū videbat,
Nati pœnas inclȳri.
Quis est homo, qui non fletet,
Christi Matrem si videret,
In tanto supplicio?
Quis non posset contristari,
Piam Matrem contemplari,
Dolentem cum Filio?
Pro peccatis suæ gentis,
Vidit Iesum in tormentis;
Et flagellis subditum.
Vidit dulcem suum Natum,
Morientem, desolatum,
Dum emisit Spiritum.
Eia Mater fons amoris,
Me sentire vim doloris,
Fac ut tecum lugeam.
Fac ut ardeat cor meum,
In amando Christum Deum,
Ut tibi complaceam.
Sancta Mater istud agas,
Crucifixi fige plagas,
Cordi meo valide.
Tui Nati vulnerati,
Tam dignati pro me pati,
Pœnas mecum divide.
Fac me verè, tecum flere,

Crucifixo condolere,

Donec ego vixero.

Juxta Crucem tecum stare,

Te libenter fociare,

In planctu desidero.

Virgo Virginum præclara,

Mihi jam non sis amara,

Fac me tecum plangere.

Fac ut possem Christi mortem,

Passionis ejus sortem,

Et plagas recolere.

Fac me plagis vulnerari,

Cruce hæc inebriari,

Ob amorem Filij.

Inflammatum & accensus,

Per Te Virgo sum defensus,

In die Judicij.

Fac me Cruce custodiri,

Morte Christi præmuniri,

Confoveri gratiâ.

Quando corpus morietur,

Fac ut animæ donetur,

Paradisi gloriâ.

Ÿ. Ora pro nobis Virgo dolorosissima.

*R. Ut digni efficiamur promissionibus
Christi.*

O R A T I O.

INterveniat pro nobis, quæsumus Domine Iesu Christe, nunc, & in hora mortis nostræ, apud Tuam clementiam. Beata Virgo Mater Tua; cuius sacratissimam Animam, in hora Passionis Tux doloris gladius pertransivit. Qui vivis & regnas in sæcula sæculorum. Amen.

Inflammatum & accensum,
Pe Te Virgo sum defensus,
In die Iudicii.

Ad Iesum, & Mariam.

AMore Matris anxie,
Bone Iesu; Nostræ parcas miserie.
Virgo, Tuum Filium in Cruce clavatum,
Redde tuis precibus, miseris placatum.

MARIA Mater gratiæ,
Mater misericordiæ,

Tu nos ab hoste protege,
Et mortis horâ suscipe.

BEata viscera MARIE Virginis, quæ portaverunt æterni Patris Filium: Et beata Ubera, quæ lactaverunt Christum Dominum.

SALUTATIO

Beatissima Virginis Maria.

Quot maris sunt guttæ : quot Cæli
stellæ : quot Beatorum Spirituum,
agmina : Quot arborum folia : toties
ex intimo cordis mei domicilio, Te sa-
luto : ô dignissima, ô pulcherrima : ô
Gloriosissima Mater DEI, Cæli Regina,
& Mundi Domina.

Saluto Te in unione amoris, & per
Cor dilectissimi Filij Tui IESU Christi,
atq; omnium Te amantium : meq; Tibi
commendo, atq; in proprium Filium,
immò in perpetuum mâcipium assigno.

Obsecro Te igitur Sanctissima Mater,
per amorem, Sanguinem, & mortem
dilectissimi Filij Tui, ut semper habeas
curam mei, meq; ab omni peccato pro-
tegas ac liberes.

Ad Te Virgo Virginum, Regina Cz-
lorum, & Angelorum Domina confu-
gio, ad Te venio, ad Te Stella maris cur-
ro, exaudi miserum, in hac lacrymarum
valle, ad Te clamantem, nunc & sem-
per, maximè in hora mortis meæ, ô Cle-
mens, ô pia, ô dulcis Virgo MARIA.

M O D U S

*Obtinendi, quidquid petieris à Be.
ata Virgine MARIA.*

PER æternam Prædestinationem Tuam.
Per immaculatam Conceptionem
Tuam.

Per sanctam Nativitatem Tuam.

Per dulcissimum Nomen Tuum.

Per devotam Præsentationem Tuam.

Per Cælestem in terris Conversationem
Tuam.

Per purissimam Desponsationem Tuam.

Per salutiferam Annuntiationem Tuam.

Per supervenientem in Te Spiritus San-
cti obumbrationem.

Per humilem Visitationem Tuam.

Per Virgineum & hilarem Partum Tuū.

Per intemeratam ac perpetuam Virgini-
tatem Tuam.

Per mundissimam Purificationem Tuam.

Per sanctissimam Conversationem Tuā
cum dilecto Filio Tuo.

Per gladium doloris, qui pertransivit A-
nimam Tuam.

Per gaudia Resurrectionis Filij Tui.

Per

Per superëffluentem in Te, in die Pentecostes, gratiæ plenitudinem.

Per admirabilem Assumptionem Tuam.

Per gloriosam Coronationem Tuam.

Per viscera misericordiæ Tuæ.

Impetra mihi sanitatem corporis.

Impetra veniam omnium peccatorum.

meorum, Ô MARIA.

ORATIO

Sancti Francisci.

Sancta Deigenitrix dulcis & decora, Regem morti traditum Filium Tuum dulcissimum Dominum nostrum IESUM Christum, pro nobis exora: ut ipse per suam pussimam clementiam, & virtutē Sanctissimæ Incarnationis, & mortis ipsius acerbissimæ, nobis indulgeat peccata nostra.

DOCTA

Mater DEI,
Memento mei.

ORATIO

A D B. V. M A R I A M.

In qua Pœnitēs, pro Servitijs in infantia Chri-

*Ho impensis, offert Cor suum lachrymis
B. M. V. mundandum.*

O Virgo benedictissima, & Regina,
cordis mei dulcissima: quàm magnas
Tibi debeo gratias, pro novem illis men-
sibus, quibus purissimis tuis visceribus Je-
sum, Salvatorem meum gestasti. Pro la-
cte sancto tuo, quo ab infantia cum nu-
trivisti. Pro materna sollicitudine & la-
bore ei, in Cunis adhuc vagienti impen-
so; pro innumeris alijs obsequijs & ser-
vitijs, quæ in infantia dilecto tuo præsti-
tisti.

Quas tibi referam gratias, pro curis
& laboribus adhibitis, quando Herodis
fugiendo persecutionem, in longinquas
Ægypti Provincias cum abduxisti.

Quas, pro excessivo illo dolore, quem
sensit Anima tua, dum illum amissum in-
ter Cognatos & notos trium dierum spa-
tio magnâ sollicitudine requisivisti.

Quantas, inquâ, tibi agam gratias, pro
illis molestijs, persecutionibus, pro labo-
ribus & doloribus, quos passa es, à primo
Nativitatis illius die, præsertim, Quando
magnâ animi tui amaritudine cernebas
in

in Spiritu dilectissimum Filium tuum potestari tenebrarum traditum, catenis ferreis vinctum, per devia raptatum, omnium pedibus conculcatum, illusum, consputum, velatum, colaphizatum, mille blasphemijs, totidemq; convitijs impetatum.

Quid retribuam tibi, quid rependam, o Virgo dulcissima? Magna & pretiosa dona, non invenit manus mea, nec tamen in conspectu tuo, vacuus apparere possum.

Defero itaq; tibi Cor meum, gladio compassionis, & dilecti Filij Tui passione transfixum.

Sed quomodo ego peccator sordidus, & concha putredinis audebo cor meum impurum, & innumeris inquinatum sceleribus, manibus tuis tradere illibatis? Utinam, vel cor mundum esset in me, posset utiq; sustineri? Verum a planta pedis, usq; ad verticem, non est munditia in me: Omnes quippe justitiæ meæ, quasi pannus menstruatus, quanto magis iniquitates & peccata foeda erunt, & immunda? Sed quid ego obscenitates meas refero auribus illibatis?

Pudet me, Virgo formosissima, pudet inquinatū totum coram te apparere. At ubi apparebit sordidus, si non juxta puteum aquarum viventium? Aut a quo peccator mundabitur, si non a fonte misericordiæ?

Deficientibus itaq; meritis meis, sordes meas offero, peccata mea, quæ delectas. Ut quid enim exitus aquarum deducunt misericordes oculi tui, nisi abluendis sordibus meis?

Accipe igitur Cor meum, ô Virgo benignissima. Non enim sola mundabis illud, quia & ego die, ac nocte, per singulos dies, poenitentiae scopis a sordibus mundabo illud, & copioso lachrymarum fonte, abluam a maculis, donec emundetur totum, & macula non sit amplius in eo.

Verum non tantum Cor meum, sed & me ipsum totum offero tibi, ô gratiosissima Virgo. Accipe me totum in famulum, vel potius in mancipium tuum, te, dulcissima Virgo, quâ possum animi gratitudine, quâ possum Cordis submissione, deprecor.

Et ut acceptior sit hæc oblatio mea,
adhuc

adhuc unum superest mihi munus, quod offeram tibi. Et illud unicum est, Cor tuum Sanctissimum, doloris gladio transverberatum. Illud itaq; tibi offero, una cum corde meo, ut tibi hoc meo sacrificio placeam semper.

B E N E D I C T I O
Omnium Partium Corporis SS.
Virginis MARIAE.

TOta pulchra es MARIA, & macula non est in te. Speciosa & labis omnis expers. Ô Virgo purissima, Cælorum Regina, Imperatrix Angelorum, Domina mundi, & Mater DEI, ac proinde sis in æternum benedicta.

Benedictum sit Caput Tuum, cælesti sapientiâ plenum.

Benedicti sint capilli tui, castissimas mentis tuæ cogitationes significantes.

Benedicti sint gratiosi Oculi tui, quibus prima videre meruisti DEI Filium.

Benedictæ sint maxillæ tuæ, quas solus Iesus infantulus attrectavit, & deosculatus est.

Benedictum sit mellissimum os tuum, quod

quod suavissima oscula Dei Filio impressa
sit.

Benedicta sit sanctissima lingua tua,
quæ prima post Angelum Sanctissimum
Nomen Iesu nominari meruit.

Benedictæ sint aures tuæ, quæ prima
ab ore Angelico suavissimum Nomen
Iesu audire dignæ habitæ fuerunt.

Benedictum sit Collum tuum, quod
Iesus sæpenumero, teneris brachijs suis
strinxit, & dulciter amplexatus est.

Benedicta sint ubera tua, quæ Iesus
lactare & ab illius divinis labijs, continen-
gi meruerunt,

Benedictum sit purissimum gremium
tuum, in quo Iesus adhuc puer sæpè sua-
vitèr requievit.

Benedicta sint brachia tua, quæ Iesus
gestârunt, & amplexata sunt.

Benedicti sint pedes tui, qui amore Iesu
su magna sæpè itinera confecerunt.

Benedictus sit floridissimus & castissi-
mus Venter tuus, qui Iesum, summi, sem-
piterniq; Dei Filium portare meruit.

Benedicta sint sacratissima viscera tua,
quæ novem mensibus Iesum gestârunt,
atq; illius præsentia fruita sunt.

Petitio

*Petitio ad B. V. Mariam, dari sibi
Filiū ejus sub diuersis formis.*

Dulcissima & suauissima Mater Iesu,
da mihi Iesum Filium tuum in ea
forma, quā eum in stabulo peperisti, quā
eum pannis involuisti, & super fœnum
in præsepi, ante bovem & asinum po-
suisisti.

Dulcissima & suauissima Mater Iesu,
da mihi Iesum Filium tuum in ea forma,
quā illum in brachia tua, quando die o-
ctavo Circumcissus fuit, recepisti.

Dulcissima & suauissima Mater Iesu,
da mihi Iesum Filium tuum in ea forma,
quā illum in Ægyptum tulisti.

Dulcissima & suauissima Mater Iesu,
da mihi Iesum Filium tuum in ea forma,
quā illum perditum post triduanam re-
quisitionem inuenisti.

Dulcissima & suauissima Mater Iesu,
da mihi Iesum Filium tuum in ea specie,
quā illum post mortem de Cruce solu-
tum, toto corpore laceratum, sanguine
perfusum, plagisq; & vulneribus plenū,
inter brachia tenuisti.

Dulcis

Dulcissima & suavissima Mater Iesu, da mihi Iesum Filium tuum, in ea forma, quâ eum in sepulchrum intulisti. Et obsecro te, dulcissima Virgo, ut eum sepelias in anima mea, & in sepulchro cordis mei, quamvis sordido & immundo, eum reponas.

Ad B. V. MARIAM,

Efficacissima petendi donum aliquod ab eâ.

O Beatissima Virgo MARIA Mater Dei nostri Iesu Christi, quomodo facilius & efficacius à nobis permoveri & cogi potes, ut pro nobis intercedas, & ea, quæ postulamus impetres, quàm si tibi dilectum Filium tuum, Cruci affixum exhibeamus? Sancta illius vulnera ostendamus; dolores & cruciatus enumeremus; tormenta singula proponamus? Coronam, quâ divinum Caput ejus cinctum & coronatum? flagella, quibus innocentissimum Corpus ejus concisum & laceratum? Clavos, quibus manus & pedes ejus transverberati? Velum, quo facies ejus obvelata? Fel, quo in summo siti potatus? & lanceam denique, quâ post mortem ejus coram te sacrum pectus ejus transfossus fuit.

O dul-

O dulcissima Virgo MARIA, quis est, qui donum aliquod, quantumvis eximium & præclarum etiamsi Cæleste regnū fuerit, a te impetrare contendat, quin hoc non citius assequatur, si te obsecrer, & obtestetur, per alapas, per sputa, per blasphemias, probra, contumelias, injurias & illusiones; quæ Filius tuus nostrorum scelerum expiandorum causā toleravit.

Peto itaque a te, O dulcis MARIA, per pretiosum illum Sanguinem, quem Filius tuus in ligno Crucis, amore nostri profudit.

Per Sanguinem illum sanctissimum, quem, speciosam faciem ejus cruentare, ac per oculos defluere conspexisti: neq; enim sic mihi petenti quicquam negare potes. Responde mihi, Mater DEI, te namque obtestor, & adjuro, per Sanguinem Filij tui, ut mihi hoc donum N. obtinere apud dilectissimum Filium tuum digneris; nec a clamoribus & obtestationibus cessabo, neq; hinc recedam, donec me exaudieris, & hoc N. mihi a Filio tuo impetraveris.

O R A T I O

*In qua petit Protectionem in articulo
mortis*

Dulcissima & piissima, Mater misericordiae, ego indignus sanctae Matris Ecclesiae filius, ad te, ô Sancta MARIA, Mater Dei, & Sanctorum omnium Regina, confugio. Ego, inquam, negligentissimus, frigidissimus, & quadam temporis glacie constrictus, ad te Mariam divino amore ardentem recurro. Recorde quod propter nos peccatores Dei Filius te in Matrem suam elegerit: Obsecro te pro omnibus hominibus generaliter, & pro singulis specialiter; nec non pro me omnium miserrimo & nefandissimo peccatore, tibi specialius supplico, tequè obtestor per amorem, quo te Deus dilexit, & per beneficia quae tibi praestitit: ut nobis unam guttam lactis tui, & unam guttam Sanguinis Iesu Filij tui largiaris, ut earum virtute, ab omnibus sordibus & immunditijs nostris emundemur, atq; ardenti amore erga Deum, & te succendamus.

Monstra, ô carissima Mater, Filio tuo
ubera.

libera & lac, quibus eum nutritivisti: ostēde illi brachia, quibus eum complexa fuisti: exhibe illi uterum, quo illum novem mensibus gestasti.

Enumera illi, & in memoriam revoca, labores & fatigationes, quas pro eo sustinuvisti: sic namque illum, suā naturā ad clementiam satis propensum, facile commovebis, ut nostri misereatur.

Tu verò ipsa, ô dulcissima Virgo MARIA, noli nos in hora mortis derelinquere, quandoquidem non ignoras, quantas adversarij nostri in extremo mortis articulo, miseris animabus insidias tendant. Seis optimè, ô dulcis MARIA, quā horrendus tunc sit Dæmonum aspectus, quātaque eorum ferocia & truculentia, cum anima de corpore est exitura.

Quare, ô Mater DEI, succurre tunc miseris, tunc auxilium impende, quandoquidem ab illo momento tota nostra dependet felicitas. Ideoque in re tanti ponderis & momenti, totis visceribus cordis mei, te rogo, & dico,

MARIA Mater gratiæ,

Mater misericordiæ,

Tu nos ab hoste protege,

Et horā mortis suscipe. R PSAL.

P S A L M I

Ad Literas Nominis B. Virginis
M A R I Æ.

M.

Ave Maria, gratiâ &c.

Magnificat anima mea Dominum.
Et exultavit Spiritus meus, in Deo
Salutari meo.

Quia respexit humilitatem ancillæ
suz: ecce enim ex hoc beatam me dicent
omnes generationes.

Quia fecit mihi magna, qui potens est,
& Sanctum nomen ejus

Et misericordia ejus à progenie in
progeniem, timentibus eum.

Fecit potentiam in brachio suo: dis-
persit superbos mente cordis sui.

Deposuit potentes de sede, & exalta-
vit humiles.

Esurientes implevit bonis: & divites
dimisit inanes.

Suscepit Israël puerum suum: reco-
rdatus misericordiæ suæ

Sicut locutus est ad Patres nostros: A-
braham, & semini ejus in sæcula.

Ad Literas Nominis B. V. Mariae. 259
Gloria Patri, & Filio, & Spiritui San-
cto, Sicut erat in principio, &c.

A.

Ave Maria, gratiâ &c.

AD Dominum cùm tribularer clama-
vi: & exaudivit me.

Domine libera animam meam, à labi-
js iniquis: & à lingua dolosa.

Quid detur tibi, aut quid apponatur ti-
bi, ad linguam dolosam?

Sagittæ potentis acutæ, cum carboni-
bus desolatorijs.

Heu mihi, quia incolatus meus pro-
longatus est: habitavi cum habitantibus
Cedar: multùm incola fuit anima mea.

Cum his, qui oderunt pacem, eram pa-
cificus: cùm loquebar illis, impugna-
bant me gratis.

Gloria Patri, & Filio, &c.

Sicut erat in principio, &c.

R.

Ave Maria, gratiâ &c.

Retribue servo tuo vivifica me: & cu-
stodiam sermones tuos.

R 2

Reve-

Revela oculos meos: & considerabo
mirabilia de lege tua.

Incola ego sum in terra: non abscon-
das à me mandata tua.

Concupivit anima mea desiderare ju-
stificationes tuas: in omni tempore.

Increpasti superbos: maledicti, qui
declinant à mandatis tuis.

Aufer à me opprobrium & contem-
ptum: quia testimonia tua exquisivi.

Etenim sederunt Principes, & adver-
sum me loquebantur: servus autem tuus
exercebatur in justificationibus tuis.

Nam & testimonia tua meditatio mea
est: & consilium meum justificationes
tuas.

Gloria Patri, & Filio, &c.

I.

Ave Maria, gratia &c.

IN convertendo Dominus captivitatem
Sion: facti sumus sicut consolati.

Tunc repletum est gaudio os nostrum:
& lingua nostra exultatione.

Tunc dicent inter gentes: magnifica-
vit Dominus facere cum eis.

Magnificavit Dominus facere nobi-
scum: facti sumus lætantes.

Con.

Converte Domine captivitatem nostram : sicut torrens in Austro.

Qui seminant in lachrymis : in exultatione metent.

Euntes ibant & flebant : mittentes semina sua.

Venientes autem venient cum exultatione : portantes manipulos suos.

Gloria Patri, & Filio, & c.

A.

Ave Maria, gratia &c.

AD te levavi oculos meos, qui habitas in Cælis.

Ecce sicut oculi servorum : in manibus Dominorum suorum.

Sicut oculi ancillæ in manibus Domine suæ : ita oculi nostri ad Dominum Deum nostrum, donec misereatur nostri.

Miserere nostri Domina, miserere nostri : quia multum repleti sumus desperatione.

Quia multum repleta est anima nostra, opprobrium abundantibus, & despectio superbis.

Gloria Patri, & Filio, & Spiritui Sancto. Sicut erat in principio, & c.

Monstra te esse Matrem,
 Sumat per te preces,
 Qui pro nobis natus,
 Tulit esse tuus.

Religiosus quidam de nomine Ioscio, in usu habuit, quotidie supra positos recitare Psalmos, in honorem SS. Nominis MARIE. Post cuius mortem, quinq; fragrantissima, una de ore, dua de oculis, dua de auribus excrevere Rosæ. Indicans acceptissimam esse B. V. Maria hanc recitationem Psalmorum.

A N T I P H O N A

De Beata Virgine Maria.

SANCTA MARIA succurre miseris, juvenis pusillanimes, refove flebiles: ora pro populo, interveni pro Clero, intercede pro devoto femineo sexu: sentiant omnes tuum juvamen, quicunq; celebrant tuam sanctam commemorationem.

Ÿ. Ora pro nobis Sancta Dei genitrix.

R. Ut digni efficiamur promissionibus Christi.

O R E M U S.

CONcede nos famulos, quæsumus Domine Deus, perpetuâ mentis & corporis sanitate gaudere: & gloriosâ Beatæ

te Mariæ semper Virginis intercessione,
à præsentì liberari tristitia, & æternâ
perfrui lætitiâ. Per Christum Dominum
nostrum.

*Una Oratio Dominica vivaciter dicta, præ-
stat toti Rosario distractè dicto.*

H Y M N V S

*In gratiarum Actionem Beata Virgini
M A R I Æ.*

TE Matrem DEI laudamus, Te MARI-
AM Virginem confitemur.

Te æterni Patris Filiam, omnis terra
veneratur.

Tibi omnes Angeli: Tibi Cæli, & U-
niversæ Potestates.

Tibi Cherubim & Seraphim, incessa-
bili voce proclamant.

Sancta MARIA, Sancta DEI Genitrix,
Sancta Virgo Virginum: tecum est DEUS
Sabaoth.

Pleni sunt Cæli & terra, Majestatis
gloriæ Filij Tui.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exer-
citus.

R 4

Te

Te per Orbem terrarum, Sancta confitetur Ecclesia.

Matrem Filij DEI immensæ Majestatis,
Venerandam, quæ concepisti verum
& unicum DEI Filium.

Sancto obumbrata Paraclete Spiritu.

Tu Parens Regis gloriæ Christi.

Tu Mater ejus, qui Patris sempiternus
est Filius.

Tu ad liberandum hominem, peperisti
Dominum, qui non horruit Virginis
uterum.

Ex Te Virgine natus, qui devicto
mortis aculeo, aperuit credentibus regna
Cælorum.

Tu ad dexteram Filij Tui sedes, in gloria
Patris.

Filius Tuus est Christus, qui Judex
creditur esse venturus.

Te ergo quæsumus, tuis famulis subveni,
quos idem Filius Tuus pretioso Sanguine
redemit.

Æterna, fac cum Sanctis DEI tuis precibus,
nos in gloria numerari.

Salvum faciat, oro, populum suum
Iesus, & benedicat Hæreditati suæ.

Et regat nos Salvator mundi, & extol-
lat usq; in æternum.

Per

Per singulos dies benedicimus Te.

Et laudamus Nomen Tuum in sæculum, & in sæculum sæculi.

Dignare, dulcis MARIA, die isto, sine peccato nos gratiâ DEI custodire.

Miserere nostri pia, ora pro nobis Virgo MARIA.

Fiat per Te misericordia DEI super nos: quemadmodum speravimus in te.

In te Domina speravi, ora pro me, ut non confundar in æternum.

ORATIONES EIACULATORIÆ,

Ad Beatam Virginem Mariam.

MATER DEI, memento mei. *S. Fran. Xaverius.*

O MARIA, sis mihi propitia. *B. Stan. Kost.*

O IESU, Ô MARIA, saluto vos millies, & ex toto cordis mei affectu ad vos suspiro.

IESUS, MARIA, amo vos super omnia.

IESUS, MARIA, IOSEPH, dulcissimi amores mei: Patiar ego, moriar ego amore Vestri. Totus sim Vester; nullus meus præter Vos; Vobis dono cor meum, & animam meam.

Lacānem pūm w piztek
Lacot maris sunt gūtte

u u u u

u u u

OFFICIUM

DE

ANGELO CUSTODE.

AD MATUTINUM.

Versus. Angelis suis Deus mandavit de te; ut custodiant te in omnibus vijs tuis.

ψ. Domine labia mea aperies.

℞. Et os meum annuntiabit laudem tuā.

ψ. Deus in adiutorium meum intende.

℞. Domine ad adjuvandum me festina.

Gloria Patri, & Filio, &c.

Sicut erat in principio, &c.

H Y M N U S.

Custodes hominum psallim⁹ Angelos,
Naturæ fragili, quos Pater addidit
Cælestis Comites, insidiantibus
Ne succumberet hostibus.

Antiph. Sancti Angeli Custodes nostri,
defendite nos in prælio, ut non peream⁹
in tremendo iudicio.

ψ. In conspectu Angelorum psallam⁹
tibi Deus meus.

℞. Adorabo ad templum sanctum tuū,
& confitebor nomini tuo.

ORA-

O R A T I O.

DEus, qui ineffabili providentiâ, Sanctos Angelos tuos, ad nostram custodiam donare dignaris, largire supplicibus tuis, & eorum semper protectione defendi, & æternâ societate gaudere. Per Dominum nostrum, &c.

A D P R I M A M.

Angelis suis Deus mandavit de te, ut custodiant te in omnibus vijs tuis.

Deus in adiutorium meum intende.

Domine ad adjuvandum, &c.

Gloria Patri, & Filio, &c.

H Y M N U S.

NAm quod corruerit proditor Angelus,
Concessis meritò pulsus honoribus,
Ardens invidiâ pellere nititur,

Quos Cælo Deus advocat.

Antiph. Sancti Angeli Custodes nostri,
defendite nos in prælio, ne pereamus in
tremendo iudicio.

℣. In conspectu Angelorum psallam
tibi Deus meus.

℞. Adorabo ad templum sanctum tuum,
& confitebor nomini tuo.

O R A T I O.

Deus, qui ineffabili providentiâ Sanctos Angelos tuos, &c.

AD TERTIAM.

Angelis suis Deus mandavit de te, &c.
Deus in adjutorium meum intende,
Domine ad adjuvandum, &c.

Gloria Patri, & Filio, &c,

H Y M N U S.

Huic Custos igitur pervigil advola,
Avertens Patria de tibi credita,
Tam morbos animi, quam requiescere
Quidquid non sinit Incolas.

Antiph. Sancti Angeli Custodes nostri,
defendite nos in prælio, &c.

ÿ. In conspectu Angelorum, &c.

℞. Adorabo ad templum, &c.

O R A T I O.

Deus, qui ineffabili providentiâ Sanctos Angelos tuos, &c.

AD SEXTAM.

Angelis suis Deus mandavit de te, &c.
Deus in adjutorium meum intende.
Domine ad adjuvandum, &c.

Gloria Patri, & Filio, &c.

H Y M N U S.

H Y M N U S.

CHriste, Sanctorum Deus Angelorum,
 Rector humani generis & Auctor,
 Nobis æternum tribue benignus
 Scandere Cælum.

Antiph. Sancti Angeli Custodes nostri,
 defendite nos in prælio, &c.

ÿ. In conspectu Angelorum, &c.

℞. Adorabo ad templum, &c.

O R A T I O.

Deus, qui ineffabili providentiâ Sanctos Angelos tuos, &c.

A D N O N A M.

Angelis suis Deus mandavit de te, &c.
 Deus in adiutorium meum intende.
 Domine ad adjuvandum, &c.

Gloria Patri, & Filio, &c.

H Y M N U S.

Angelum pacis Michaël ad istam
 Cælitus mitti rogitamus Aulam,
 Nobis ut crebrò veniente crescant
 Prospera cuncta.

Antiph. Sancti Angeli Custodes nostri,
 defendite nos in prælio, &c.

ÿ. In conspectu Angelorum, &c.

℞. Adorabo ad templum, &c.

O R A T I O.

O R A T I O.

Deus, qui ineffabili providentiâ Sanctos Angelos tuos, &c.

AD VESPERAS.

Angelis suis Deus mandavit de te, &c.
Deus in adjutorium meum intende.
Domine ad adjuvandum, &c.

Gloria Patri, & Filio, &c.

H Y M N U S.

Angelus fortis Gabriel, ut hostem
Pellat antiquum, volitet ab alto,
Sæpius templum veniens ad istud
Visere nostrum.

Antiph. Sancti Angeli Custodes nostri,
defendite nos in prælio, &c.

ÿ. In conspectu Angelorum, &.

æ. Adorabo ad templum, &c.

O R A T I O.

Deus, qui ineffabili providentiâ Sanctos Angelos tuos. &c.

AD COMPLETORIUM.

Angelis suis Deus mandavit de te, ut
custodiant te in omnibus vijs tuis.

Converte nos Deus Salutaris noster.

Et averte iram tuam à nobis.

Deus ..

Deus in adiutorium meum intende.
 Domine ad adjuvandum me festina.
 Gloria Patri, & Filio, & Spiritui Sancto,
 Sicut erat in principio, & nunc, & sem-
 per, & in sæcula sæculorum. Amen.

H Y M N U S.

ANgelum nobis Medicum salutis
 Mitte de Cælis, Raphael, ut omnes
 Sanet ægrotos: pariterq; nostros
 Dirigat actus.

Antiph. Sancti Angeli Custodes nostri,
 defendite nos in prælio, ut non pereamus
 in tremendo iudicio.

℟. In conspectu Angelorum psallam
 tibi Deus meus.

℞. Adorabo ad templum Sanctum
 tuum, & confitebor nomini tuo.

O R A T I O.

DEus, qui ineffabili providentiâ Sanctos Angelos tuos, ad nostram custodiam mittere dignaris, largire supplicibus tuis, & eorum semper protectione defendi, & æternâ societate gaudere. Per Dominum nostrum IESUM Christum Filium tuum. &c.

Domini

Dominus vobiscum ;
Et cum Spiritu tuo.
Benedicamus Domino.
Deo gratias.

Et Fidelium animæ per misericordiam
Dei, requiescant in pace. Amen.

HAs Horas Canonicas cum devotione
Dixi, Custos Angele, tui ratione,
Precor , me custodias mortis in agone
Et præsens me deducas Cæli regione.

ANgele Dei, qui custos es mei: me ti-
bi commissum pietate supernâ : ho-
die illumina, custodi, & gubernâ. Amen.



Handwritten text, likely a title or header, possibly mentioning "The History of the County of..."

Handwritten text, possibly a date or a reference to a specific year or event.

Handwritten text, possibly a list or a series of entries, with some words appearing to be "The History of the County of..."

Handwritten text, possibly a list or a series of entries, with some words appearing to be "The History of the County of..."

ORATIONES MORIBVNDORVM, Et pro Agonizantibus.

ORATIO MORIBVNDI *Ante agonem ipsum.*

Domine, memento mei, quia venisti
jam in regnum tuum. Et quia jam
es in regno tuo, me in hoc exilio gemen-
tem aspice: & hinc abeuntem, in re-
gnum tuum admitte. Hoc ego Te rogo,
Christe Iesu, per flagella, per sputa, per
Crucem, per tormenta omnia, & per
mortem tuam. *Drexel. in Prodr. Æter.*

Tenens manibus Crucifixum.

Creator generis humani, & Redemi-
ptor Iesu Christe, suscipe me inter a-
morosissima brachia Tua, quæ pro me ex-
tensa cerno, & amplector. Suscipe in-
ter desiderabiles amplexus tuos, & trahè
ad te animam meam. Suscipe me, Do-
mine Iesu, in misericordia tua. Suscipe
in pace spiritum meum. Amen.

ASPIRATIONES

MORIBUNDI.

UNam petij à Domino, hanc requiram, ut inhabitem in domo Domini, & visitem templum ejus.

Quemadmodum desiderat cervus ad fontes aquarum; ita desiderat anima mea ad te Deus.

Sitiyit anima mea ad Deum fontem vivum, quando veniam, & apparebo ante faciem Dei.

Quàm bonus Israël Deus, his, qui recto sunt corde.

Quàm dilecta tabernacula tua Domine virtutum; concupiscit, & deficit anima mea, in atria Domini.

Lætatus sum in his, quæ dicta sunt mihi, in domum Domini ibimus.

Educ de custodia animam meam, ad confitendum nomini tuo: me expectant justi, donec retribuas mihi.

Cupio dissolvi, & esse cum Christo.

Benèdictus Deus in æternum.

Miserere mei Deus, secundum magnam misericordiam tuam: et si, Domine, minor sum cunctis miserationibus tuis.

O Do-

O Dominus meus & Deus meus : ego me tibi offero in omne beneplacitum tuum ; fiat voluntas tua.

Quare tristis es anima mea, & quare conturbas me. Spera in Deo, quoniam adhuc confitebor tibi, salutare vultus mei, & Deus meus.

Si Deus pro nobis, quis contra nos?

Nunc dimittis servum tuum, Domine, secundum verbum tuum in pace.

Memento quæso, Domine, quòd sicut lutum feceris me : & non intres in iudicium cum servo tuo : quia non iustificabitur in conspectu tuo omnis vivens.

Memento mei, qui solus sine peccato es, Christe mundi Redemptor.

Ne proijcias me à facie tua, & Spiritum Sanctum tuum, ne auferas à me.

O R A T I O

Pro Agonizante.

Dulcissime Redemptor Domine Iesu Christe, per illas lachrymabiles voces, quas in Cruce moriturus edidisti ; & passionis doloribus consumptus dixisti. DEVS MEVS, DEVS MEVS ; VT QUID ME DERELIQUISTI ; ne quæso longè facias, à

famulo tuo fratre nostro N. tuæ miserationis auxilium. Nam ille in hac hora & momento extremæ afflictionis, præ defectione animæ, & cōsumptione Spiritus te invocare non valet. Per triumphum sanctæ Crucis, & per mortis, passionisq; tuæ infinitum meritum, cogita Domine de eo cogitationes pacis, & nō afflictionis, sed misericordiæ & consolationis. Libera eum de omnibus angustijs, tuis Sanctissimis manibus, quas pro eo, nobisq; omnibus in Cruce clavis affigi permisisti. Iesu bone, & amantissime Pater, erue eum à tormentis ei debitis, & perduc eum in vitam æternam.

ORATIONES TRES

Pro Agonizantibus.

Narrat Bartholomæus ab Angelis de Præparatione ad mortem, Summum Pontificem quendam moriturum petisse à Sacellano suo, ut dum agonizantem eum videret, infra tres positas Orationes, pro eo diceret: quod & fecit. Cui post obitum apparuit defunctus, dicens: Quod in virtute istarum Orationum, peccata ipsius dimissa sunt à Christo, & cum eo in Cælum ingressus fuerit.

ORA

O R A T I O I.

Domine Iesu Christe deprecor te, per tuam agoniam, atq; devotissimam Orationem, quâ in Horto Oliveti orâsti: quando factus est sudor tuus, sicut guttæ sanguinis in terram; ut eundem sudorem sanguineum, quem præ timore mortis, tam copiosè fudisti; Cælesti Patri tuo offerre, & ostendere digneris, contra multitudinem peccatorum huius infirmi. Et velis eum in hora obitus sui, liberare ab omnibus angustiis & pænis, quas pro peccatis suis, se meruisse timet. *Kyrie eleison. Christe eleison. Kyrie eleison. Pater noster, & Ave Maria.*

O R A T I O II.

Domine Iesu Christe, qui pro salute mundi, in dura Cruce mori dignatus es: deprecor te, ut amaritudinem tuam, quam in eadem sustinuisti: præsertim, quando Sacratissima Anima tua, eggredebatur de Corpore tuo: Cælesti Patri tuo offerre & ostendere digneris, pro peccatis animæ istius infirmi; eumq; in hora mortis suæ, liberare ab omnibus pæ-

280 *Orationes pro Agonizantibus.*

nis, & cruciatibus, quos pro peccatis suis, se meruisse timet. Amen. *Kyrie eleison. Christe eleison. Kyrie eleison. Pater noster, & Ave Maria.*

O R A T I O III.

Domine Iesu Christe, qui per Prophetam tuum dixisti. IN CHARITATE TUA DILEXI TE: IDEO ATTRAXI TE, MISERANS Tui. Rogo Te per amorem illum, qui te de Cælo ad terram, ad patiendum omnem miseriam traxit: Cælesti Patri tuo offerre illum, & ostendere digneris, pro anima huius infirmi, eumq; liberare ab omnibus pænis, & cruciatibus, quos pro peccatis suis, se meruisse timet. Adsis ei, ô pie Iesu, in hac hora mortis illius: aperi ei januam vitæ, & perduc animam ejus, in paradysum exultationis, ubi te laudet per infinita sæcula, Amen. *Kyrie eleison. Christe eleison. Kyrie eleison. Pater noster, & Ave Maria.*

Has Orationes, quilibet adhuc in vita sua potest dicere, pro felici morte sua, & pro consequenda venia peccatorum, ac salute æterna: mutatis mutandis quibusdam verbis.

P R E.



PRECES PRO ANIMABUS

in Purgatorio existentibus
eliberandis.

Antequàm ad ipsas perveniamus preces, & Orationes pro Animabus Purgatorij offerendas; quadam ad meliorem Orantium informationem, sunt præmittenda. Videlicet.

DE SUFFRAGIIS, Animabus Purgatorij applicandis.

1. Ecclesia militans, potest succurrere animabus Fidelium defunctorum, in Pænis purgatorijs existentibus, per modum Suffragij: id est, per modum auxilij & adjutorij Ecclesiastici, ex Thesauro Ecclesiæ illis applicato: Non autem per modum Absolutionis, seu Iudicij.

2. Suffragium est. Applicatio satisfactionis ex Thesauro Ecclesiæ, pro defunctis applicando, ut à Pænis salventur.

3. Indulgentia applicata, uni animæ defuncti, per modum Suffragij, non semper

per habet infallibilem effectum. Quia liberum est Deo, illam acceptare, vel non. Ideo sæpe sæpius sunt applicandæ, ut illis repetitis Suffragijs, a pœnis talis anima eruat.

4. Qui offert Suffragium pro aliquo, tam vivo, quam defuncto, opus est, ut habeat Intentionem, sive actualement, sive virtualement, offerendi pro eo, cui suffragari intendit. Quia non dirigens Intentionem suam in alterum, retinet sibi suffragium.

5. In Suffragio Sacrificij Missæ, & Indulgentiarum : ille, qui celebrat, vel facit opus præscriptum pro indulgentia, quæ applicatur Defunctis; si sit in peccato mortali, prodest animabus, non ex Opere Operantis, sed ex Opere operato per modum Suffragij.

6. Quando Suffragium offertur pro Anima defuncti : & illa anima non est in purgatorio, sed est in Cælo, vel in inferno : tunc illa satisfactio, in utilitatem ipsius offerentis, vel aliarum Animarum in Purgatorio existentium, secundum intentionem ipsius offerentis cedit.

7. Animæ Purgatorij fiunt certiores,

per

per Angelos Custodes de suffragijs pro se oblati.

8. Ut aliquis liberet Animam de Purgatorio, opus est ut hæc quatuor observet.

1. *Ut sit in statu gratiæ.*
2. *Ut sit in Confraternitatem Rosarij, vel S. Scapularis inscriptus.*
3. *Ut visitet Ecclesias Rosarij, aut S. Scapularis.*
4. *Ut oret ad minimum quinque Pater noster, & Ave Maria, pro Universo nomine Christiano.*

9. Ut aliquis Indulgentias Animæ Purgatorij efficacius applicare possit, hæc tria sunt observanda.

1. *Ut Summus Pontifex apponat in Brevis, quod sit hac Indulgentia applicabilis Animæ in Purgatorio esistenti.*
2. *Ut omnes Conditiones in Brevis posita adimpleantur.*
3. *Ut certa Anima designetur, quam è purgatorio liberare optamus, & non generatim eam applicemus. Quia id, quod speciatim particulari animæ non assignatur, ad communem Thesaurum Ecclesiæ spectat.*

10. *Vnde sequitur.* Applicationem Satisfactionum nostrarum debere fieri, ut non uni animæ in purgatorio existenti, sed multis simul, & determinatis Animabus, speciatim unam alteri substituendo, satisfactiones nostras applicemus; ut si prima anima à nobis specificata, non indigeat mea satisfactione, aut sit incapax; satisfactio mea in illam, vel illam derivetur: si verò neq; istæ indigeant, & alijs atque alijs facienda erit applicatio. Quod si neq; istæ indigeant, vel non sint capaces; substituatur anima, quæ maxime ope indigeat, aut proxima sit suæ liberationi: aut quæ Deo magis placeat. Et talis satisfactio, bene applicata erit.

11. *Sacerdotes, Sacrum Missæ Sacrificium celebrantes, in Memento Defunctorum facere debent memoriam.*

1. Animarum Parentum, Fratrum, Sororum, Consanguineorum, Affinium, & Amicorum suorum.

2do. Animarum, quæ ex occasione ejus torquentur in Purgatorio.

3tio. Animarum omnium Benefactorum suorum, in Spiritualibus & temporalibus.

4to. Animarum Omnium Sacerdotū,
& Ministrorum Ecclesiæ Dei Catholicæ.


5to. Animarum sibi commissarum in
genere, & specie.

6to. Animarum, quarum non est spe-
cialis memoria.

7mo. Animarum, improvisâ morte
corporibus exutarum, bello, peste, & fa-
me sublatorum; & qui casu in itinere,
vel in mari perierunt.

8vo. Animarum in Purgatorio existē-
tium, pro quibus Deus vult, & scit te de-
bere orare.





DIRECTIO INTENTIONIS

ſeu

Applicatio Indulgentiarum, Satisfactionum, & bonorum Operum,

Animabus in Purgatorio
detentis.

*Ante Orationes pro Defunctis
inſtituenda.*

OMnipotens ſempiternæ Deus, te per
Ieſum Chriſtum Filium tuum Domi-
num & Redemptorem noſtrum oro, &
obſecro, ut indulgere digneris, omnes
culpas, errores, defectus, & imperfeci-
ones meas, & quæcunq; alia, quæ per vi-
tæ meæ curſum, cogitatione, verbo, &
opere commiſi: & in quibus ſanctam &
divinam voluntatem tuam facere & ex-
equi neglexi: & quæcunq; contra proxi-
mum meum perpetravi; pro quibus o-
mnibus & ſingulis doleo, eaq; deteſtor,
ob offenſam te Deum infinitum bonum
meum. Et

Et quia hodierna die, pro Animabus Fidelium defunctorum, in Purgatorio existentibus sum oraturus, Sanctissimæq; Majestati tuæ, pro eliberandis illis supplicaturus; proinde offero tibi imprimis misericordissime Deus, in unione illius arctissimi amoris, quo omnes Electi tui, sua tibi bona opera consecrarunt, omnes totius vitæ meæ cogitationes, verba, & opera; omnia negotia, curas, labores, adversitates meas, offero, inquam, omnes devotiones, Indulgentias, & satisfactiones meas, quas per gratiam tuam præstiti, vel præstare poterò, bonis operibus insudando: in unione meritorum Christi Domini dilectissimi Filij tui, Beatæ Virginis Mariæ, & Omnium Sanctorum tuorum.

Atq; imprimis, primario, & principaliter hæc omnia offero & applico animæ Famuli tui N. (vel famulæ tuæ N.) humillimè te Deum meum deprecans, ut eam quantocytus de pænis purgatorii eliberare, & in libertatem asserere digneris.

Et si forte contingat eam non indigere, vel non esse capacem? opto & volo has

lo has devotiones, Indulgentias, & satisfactiones meas animæ N. applicari. Quod si neq; ista indigeat, vel non sit capax, applico animæ N. vel N.

In reliquo, defero tuæ Sanctissimæ Voluntati, clementissime Deus, aliam maxime indigentem, aut quæ tibi magis placeat, animam hanc applicatione perfrui: offero illam divinissimæ Majestati tuæ, ut de illa disponas, prout ad majorem tuam gloriam profutura sit; aut quam Beatissima Virgo Maria præ cæteris elegerit.

Deprecor itaq; te, dulcissime Deus, ut ejus ardorem, optato, rore misericordiarum tuarum, extinguere, & citò purgatam in conspectum tuum admittere, mihiq; benedictionem, & felicem mortis horam largiri digneris.

O R A T I O

AD DEVM PATREM.

Domine Sancte Pater, & sempiternus Deus, Deus bonitatis & pietatis invictæ, te supplices exoramus, pro animabus Fidelium defunctorum, ut respicias in faciem Christi tui, ac in pænas, passionem, & amaritudines Domini Iesu: easq;

omnes

omnes suscipere, in unione suavissimi cordis sui, & illius amoris, quo ipse seipsum in Ara Crucis pro nobis obtulit; atq; ob amorem ejus, quo tibi complacuit; illiusq; passionis, quæ tibi summè grata extitit, eas liberare digneris, ab omnibus pænis, quas pro peccatis suis sustinent: & tecum facias in Bonis cælestibus congaudere.

ORATIO ad IESVM.

Domine Iesu Christe, qui per Os tui Prophetæ dixisti, IN CHARITATE PERPETUA DILEXI TE: IDEO ATTRAXI TE MISERANS TUI: obsecramus te per amorem, qui te dignissimum, & delicatissimum Paternæ charitatis Filium, pro nobis factum hominē vulnerari & mori pro salute hominū fecit: ut eandem charitatem tuam, quæ te de Cælo, ad tolerandas omniū passionum tuarum amaritudines traxit; offerre & ostendere digneris Deo Patri omnipotenti, pro animabus tuorū fidelium, in veram omnium pænarum eorū liberationem, & eādē passionē tuā, cujus meritō ad locum salvationis pervenerunt, eas etiam ad te plenè perfructu perducas. T AD

AD B. V. MARIAM.

O Intemerata, & in æternum benedicta Virgo MARIA, totius angustiae & miseriae nostrae adjutrix: famulis tuis fidelibus defunctis, qui Filij tui Sanguine redempti fuerunt, miserere quæsumus, & succurre dulciter & amantèr. Pijssima Domina, monstra te esse Matrem: & quæ es lætantium lætitia, & sperantium fiducia, afflictorum solamen, esto & pænarum sustinentium consolatrix.

Offer, pijssima Domina, Deo nostro amorem tuum, & fructum bonorum Operum tuorum, in plenam suppletionem omnium negligentiarum, & in leuamen pænarum suarum: quatenus meritis & intercessione tuâ, sicut de potestate Daemonum sunt erutæ, sic à pænis etiam liberatæ, cum bonis Spiritibus, Domino Deo, in Cælorum regno beatissimo, spirituales persolvant laudes.

AD ANGELOS.

Gloriosissime S. Michæel, cui animarum suscipiendarum cura est demandata: Beatissimi Spiritus, qui fidelium defun-

defunctorum animas custoditis, quas Dominus vigilantia vestra commisit, & quibus vigilantissime invigilatis: easdem nunc invisere, ac vestra praesentia, & visitatione, quaesumus, consolari dignemini: ut inter pœnas constitutæ lætificentur, & meritis ac intercessione vestra liberentur: quatenus quorum consilijs obtemperarunt, etiam perpetuò ad gloriam Dei consortio gaudere possint, in sæcula sæculorum, Amen.

AD SANCTOS.

O Gloriosissimi Sancti, quorum vel nominibus decorati, vel devotione fuerunt cultores fideles defuncti: quaesumus vos in gloria jam constitutos, eorum ne obliviscamini: sed quibus in vita vestrum praesidium praestitistis, etiam nunc eo non destituatis: sed sicut ipsi, dum in corpore manserunt, Vestra Nomina & devotionem tenuerunt, ita etiam nunc, ipsi vos sibi sentiant propitios; ut quorum suffragijs nixi fuerunt, nunc jam eorundem intercessione ac societate glorientur, & gaudeant. Amen.

Oblatio Meritorum.

ET nunc, Domine Deus superamantissime, licet temeritatis sit, ut mortalis mortalem, homo hominem, cinis cinerem, tibi Domino Deo nostro, audeat commendare; verum quia vis nos invicem compati, & onera portare; piæ recordationis affectu, memoriam fidelium defunctorum facientes, debitumq; humanæ charitatis complectentes; te Deum cui omnia vivunt fideliter deprecamur, ut eorum, quorum una nobiscum fuit fides, una inter nos charitas, una Ecclesia, misereri digneris.

Indeq; Pater piissime, tuam quæsumus misericordiam, respice Domine orationes servorum tuorum: & si quid in operibus, & orationibus nostris, tibi est acceptum? hoc quidquid fuerit, in unitate Cordis Christi offerimus, in reconciliationem tuæ pietatis erga animas defunctorum: ut quos de hujus mundi voragine cænosa eduxisti, indulgentiæ tuæ piæ sentiant bonitatem: & si quæ supersunt dignæ cruciatibus culpæ, tu eis Domine, gratiâ minimæ lenitatis tuæ indul-

indulge. Per Christum Dominum nostrum.

Ad ipsas Animas.

A Nimæ sanctissimæ, Cætus Spirituum fidelium defunctorum: ecce affectu charitatis rogamus & obsecramus Deum nostrum, ut vos ad patriam recipiendo, finem dignetur inferre angustiis vestris, quibus ex corde compatimur: vos obnixè rogantes, ut cum felix ille dies advenit, quo divini muneris largitate, ad Cælestia gaudia intrabitis, nostri memores sitis: quatenus dum vivimus, in miserijs hujus sæculi constituti, vestram sentiamus opem; & dum dies noster ultimus illuxerit, vestro præsidio non destituamur. Dum verò etiam nos (sic indulgente Dei bonitate) ad locum purificationis fuerimus deputati, etiam Orationibus vestris adjuvemur: ut sic vobiscum Deum per æterna sæcula laudare (ad quod conditi sumus) mereamur. Per Dominum nostrum Iesum Christum, &c.

Si dicenda sunt Orationes pro uno defuncto, dicantur in numero singulari. sc. offero tibi pro anima hujus defuncti

O R A T I O

*Passionem Christo insinuans, ut
ex Purgatorio Animas defunctorum
eripiat.*

PROpter dulcedinem Cordis tui, rogo
te, clementissime Domine, Iesu misere-
rere Animabus in Purgatorio detentis.
Admoneo te, misericordissime Iesu, uni-
versorum beneficiorum tuorum, cuncta-
rumq; gratiarum & misericordiarum tu-
arum, quas nobis fecisti. Admoneo te
pænarum, plagarum, passionum, vulne-
rum, & dolorum, quos sustinuisti. Ad-
moneo te omnium guttarum sanguinis
quas pro hominibus fudisti. Admoneo
te tandem amarissimæ mortis, quam pro
nobis tolerasti, & per eadem omnia &
singula obsecro te, effunde in Purgato-
rium Animabus defunctorum, eandem
omnium laborum & passionis virtutem
efficaciam, fructum, & gratiam: ut au-
singulæ releventur animæ, aliquo modo
à pænis, aut omnino liberentur. Dulci
Iesu memor esto, quòd filij tui sunt, Ami-
ci tui sunt, per te redempti sunt, Electi
tui

tui sunt ; Sufficiat justitiæ tuæ , quòd ibi gravitèr per tempus sunt punitæ : reliqua peccata dimittat misericordia tua , propter teipsum. Domine ego eas tibi resigno, & commendo in manus tuas.

Ioan. Lanspergij.

*Salutatio Christi Fidelium
Defunctorum.*

AVete omnes Christi Fideles, det vobis requiem ille, qui est vera requies Iesus Christus Filius DEI Vivi, qui natus est de Immaculata Virgine MARIA, pro nostra, omniumq; salute, & vos redemit pretioso Sanguine suo. Benedicat vos, & à panis liberet, faciatq; vos resurgere in die Resurrectionis & Iudicii, & Angelis suis associare, ac in Cælis secum sine fine gaudere. Amen.

Transeundo per Cemeterium dici potest hac Oratiuncula,



MEDITATIONES

Dolorum Domini IESU

CHRISTI.

*Pro Animabus de Purgatorio eliberandis,
Singulis diebus, mente, vel ore
dicendæ.*

DIE DOMINICO,
*Oblatio Dolorum, quos Christus
in Horto sustinuit.*

1. **D**ulcissime Domine Iesu, offero tibi, pro qualibet purgatorij anima, ignominiosissimam mortem, & sacratissimum Sanguinem, quem pro nostra salute & redemptione effudisti.

2. Dulcissime Domine Iesu, offero tibi pro animabus purgatorij, angores & mærores, quibus afflictum Cor tuum in horto angustiabatur.

3. Dulcissime Domine Iesu, offero tibi pro Animabus purgatorij, infinitam illam tristitiam, quæ in te, ex mortis horrore oriebatur, prout mæstissimis Discipulis dixisti. Tristis est anima mea usq; ad mortem.

4. Dulcissime Domine Iesu, offero tibi pro Animabus Purgatorij, humillimū & devotionis plenum actum illum, quando Patrem tuum oraturus, genua flexisti, & pronam usq; ad terram faciem declinasti.

5. Dulcissime Domine Iesu, offero tibi pro animabus Purgatorij, Orationem illam, quā lachrymis & clamoribus inauditis Patrem orasti, ut Calicem passionis à te transferret; & totum te divinæ ejus volūtatī resignans dixisti. Non mea, sed tua fiat voluntas.

6. Dulcissime Domine Iesu, offero tibi pro animabus purgatorij, ardentissimā charitatem tuam, quā charissimos Discipulos tuos invisisti, & ad vigilantiam eos, ne in tentationes incidant hortatus fuisti.

7. Dulcissime Domine Iesu, offero tibi pro Animabus purgatorij, refocillationem illam, quæ ab Angelo ad confortandum Sanctissimam Humanitatem tuam, tibi allata fuit.

8. Dulcissime Domine Iesu, offero tibi pro animabus purgatorij, immensum illum conflictum, qui inter Carnem &

Spiritus accidit, & te ad mortis agonem adegit: verum Spiritus sensibus prævaluit, adeoq; pro nostra salute mortem libentissimè oppetijsti.

9. Dulcissime Domine Iesu, offero tibi pro Animabus Purgatorii, tuā in Oratione perseverantiam, quamvis doloribus & angustiis plenus in agonia constitutus minimè exauditus fuisti.

10. Dulcissime Domine Iesu, offero tibi pro Animabus Purgatorii, Sacratissimū & pretiosissimum Sanguinem illum, quē præ internis doloribus, tantā copiā fudisti, ut undiq; de Sanctissimo Corpore tuo in terram profluxerit.

FERIA SECUNDA.

Oblatio eorum, quæ Dominus perpeſſus eſt, à captura ſua, & dum ad Annam duceretur.

1. **D**ulcissime Domine Iesu, offero tibi pro Animabus Purgatorii, illam Spiritus tui promptitudinem, quando adhuc sanguineo sudore madidus, ab oratione surgens, hostibus tuis obviam ivisti.

2. Dulcissime Domine Iesu, offero tibi pro Animabus Purgatorii, proditiōē illam, quam Iudas unus ex Apostolis tuis commi-

commisit, pro triginta argenteis te Iudæis vendens, proditorieq; osculo, eorum te potestati tradens.

3. Dulcissime Domine Iesu, offero tibi pro Animabus Purgatorij, ingentem, illam afflictionem & angustiam; cum magnus Militum numerus te invadens, ab illis captus, & crudeliter ligatus fuisti.

4. Dulcissime Domine Iesu, offero tibi pro Animabus Purgatorij; stupendam illam patientiam, quam in perferendis persecutoribus ostendisti; qui te pugnis baculorum, hastarūq; ictibus percusserunt: Capillos sacros è Capite tuo evulserunt, faciemq; tuam foedissimis sputis & salivis conspurcârunt.

5. Dulcissime Domine Iesu, offero tibi pro Animabus Purgatorij; actus tuos interiores, nimirum actus amoris Dei, patientiæ, resignationis Patri tuo, quos, tantas inter afflictiones exercuisti.

6. Dulcissime Domine Iesu, offero tibi pro Animabus purgatorij, acerbissimum illum dolorem, dum tantis in afflictionibus, à charissimis Discipulis tuis, te derelictum vidisti: qui cum te capi, atq; ligari vidissent, omnes fugâ dilapsi erant.

7. Dul-

7. Dulcissime Domine Iesu, offero tibi pro animabus purgatorii, illas injurias, quas tibi Satellites intulerunt: dum te ab Horto ad Annam Pontificem deduxerunt; & festinantius te progredi cœgerunt.

8 Dulcissime Domine Iesu, offero tibi pro animabus purgatorii, atrocem illam injuriam, quâ impij Satellites torrenrem Cedron, quâ transeundum erat, te solum, idq; tempore brumali & frigido pervadere fecerunt.

9, Dulcissime Domine Iesu, offero tibi pro Animabus purgatorii, id, quod pertulisti, dum humilis & mansuetus, capite inclinato, manibusq; ligatis, coram fastuoso Pontifice stetisti.

10. Dulcissime Domine Iesu, offero tibi pro Animabus purgatorii, immanem illum colaphum, quem tibi vilissimus quidam servus, manu thecâ ferreâ armatâ, adeo gravissimè impegit, ut sacratissimi dentes tui tantum non evulsi fuerint.

FERIA TERTIA.

Oblatio eorum, qua Dominus pertulit de nocte in domo Caipha Pontificis.

I. Dulcissime Domine Iesu, offero tibi
pro

pro Animabus Purgatorij, illam contumeliam, quam accepisti, quando ligatus funibusque constrictus, ad ædes Caiphæ Pontificis ductus fuisti.

2. Dulcissime Domine Iesu, offero tibi pro Animabus purgatorij, omnes accusationes & falsa testimonia, quæ ab iniquis & sceleratis Iudæis contra te dicta fuerunt; nihil tamen veri in te prolatum, aut comprobatum fuit.

3. Dulcissime Domine Iesu, offero tibi pro Animabus Purgatorij, silentium illud admirabile, quod observasti tunc, cum tot falsæ delationes contra te Dominum innocentissimum proferrentur: plurimæque falsæ, & à calumnia ipsa ficta crimina imponderentur; tu autem ne quidem os aperire pro tui defensione voluisti, sed omnia summâ patientiâ tolerasti.

4. Dulcissime Domine Iesu, offero tibi pro Animabus purgatorij, arrogantem illam adjurationem: dum à superbo illo Pontifice Caipha, num Filius Dei esses? quæsitus fuisti, cui maxima cum humilitate, esse te, respondisti.

5. Dulcissime Domine Iesu, offero tibi pro Animabus purgatorij, insultationem
illam

illam injurijs plenam cum ad responsum tuum protinus se in terram prosterne, & te, uti verum Deum adorare debuissent: illi vice versa, blasphemum, & mortis reum, te condemnauerunt.

6. Dulcissime Domine Iesu, offero tibi pro Animabus Purgatorii, rabulum illum furorem, dum post responsum illud perfidi Iudæi te invaserunt, colaphos impegerunt, pugnis & alapis te verberant: tu verò non modò patientissimè pertulisti, sed nec signum indignationis dedisti.

7. Dulcissime Domine Deus, offero tibi pro Animabus purgatorii, improperium illud, quando ex invidia faciem tuam gloriosam sputis foetidissimis conspuerunt & conspurcarunt.

8. Dulcissime Domine Iesu, offero tibi pro Animabus purgatorii, opprobrium illud, quo te insectati sunt rebelles Iudæi: quando oculos tuos linteis obvelabant, colaphisq; te percutientes, dicebant: Prophetiza nobis Christe, quis est, qui te percussit.

9. Dulcissime Domine Iesu, offero tibi pro Animabus purgatorii, trinam Pe-
tri

tri negationem, quā iuravit & peieravit
nosse te unquam: sed tu infirmitati ejus
compassus, vultū humanissimo eum re-
spexisti; unde errorem suum agnoscens,
valde indoluit, atq; amarissime flevit.

10. Dulcissime Domine Iesu, offero ti-
bi pro Animabus purgatorij, reliquas o-
mnes contumelias, & injurias, quas eā
nocte pertulisti, ex quo enim in crudeliū
Satellitum manibus & potestate fuisti,
nullum tibi quascunque injurias inferen-
di finem fecerunt.

FERIA QVARTA.

*Oblatio eorum, quæ Dominus sub auroram
passus est.*

1. **D**ulcissime Domine Iesu, offero tibi
pro Animabus Purgatorij, trinam
eamq; falsam accusationem tui, coram
Iudice Pilato, adversus te factam, à Prin-
cipibus Iudæorum: quasi nimirum esses
seductor populi: tributa Cæsari dari pro-
hiberes: Iudæorumq; Regem te consti-
tueres.

2. Dulcissime Domine Iesu, offero ti-
bi pro Animabus Purgatorij, sanctam tu-
am humilitatem, qua te per plateas vin-
cum

etum duci, & Regi Herodi exhiberi permisisti, ad cujus interrogata, nihil respondisti.

3. *Dulcissime Domine Iesu, offero tibi pro Animabus Purgatorij: despectum Rege tibi illatū: dum illo candidā licet sed vilem & attritam vestem togæ tuæ superinduit, quo te instar fatui, omnium derisui, exposuit.*

4. *Dulcissime Domine Iesu, offero tibi pro Animabus Purgatorij, illa convitia & obloquia contra te facta, dū te per plateas Urbis Hierosolymitanæ ducerent, te alij pugnis contunderent: alij Caput tuum Sacratissimum verberarent: alijque mille injurijs onerarent, stultum te & insanum reputantes.*

5. *Dulcissime Domine Iesu, offero tibi pro Animabus Purgatorij terribiles & inconditos clamores illos, quando Iudei immanes simul vociferantes, CRUCIFIGE, CRUCIFIGE, te ad infamem Crucis mortem depoposcerunt, & Barabbam nefandissimum latronem vitā donari voluerunt.*

6. *Dulcissime Domine Iesu, offero tibi pro Animabus Purgatorij, singulos passus, quos, cum ad locum flagellationis*

tux ducereris, cum tanta animi promptitudine, & amoris magnitudine fecisti, ut ultrò ad tam horribile supplicium progredereris.

7. *Dulcissime Domine Iesu, offero tibi pro Animabus Purgatorij, illos dolores, quos sensisti, dum vestibus tuis exuereris, & ad Columnam adeò arctè constringebaris; ut Sanguis sacratissimis brachijs & innoxijs manibus tuis dimanaret.*

8. *Dulcissime Domine Iesu, offero tibi pro Animabus Purgatorij, duros & inclementes illos flagellorum ictus, tantà violentiâ, à Carnificibus tibi illatos & inflatos, ut ad primum ictum Sancta Tua Caro dilaceraretur, & Sanguis undequaq; copiosus influxerit.*

9. *Dulcissime Domine Iesu, offero tibi pro Animabus Purgatorij, ingentem illum dolorem, quem habuit benedicta Mater tua, crudeliter te flagellari videns.*

10. *Dulcissime Domine Iesu, offero tibi pro Animabus Purgatorij, vehemenssimos illos dolores, quos ex infinitis tibi inflatis vulneribus passus fuisti.*

FERIA QUINTA.

*Oblatio eorum, quæ sustinuit Dominus, dum
spineâ Coronâ redimiretur.*

1. **D**ulcissime Domine Iesu, offero tibi pro Animabus Purgatorii, gressus illos doloribus plenos, quos fecisti, dum ad Pilati Regiam Coronâ spineâ coronandus, dacereris.

2. Dulcissime Domine Iesu; offero tibi pro Animabus Purgatorii, ingentem illam afflictionem, dum te Pilati Satellite vestibus tuis, Carni tuæ adhærescentibus exuerent, ut iterum dilacerato Corpore tuo, copiosissimus deflueret Sanguis.

3. Dulcissime Domine Iesu, offero tibi pro Animabus Purgatorii illam ignominiam, à Militibus tibi illatam, qui te illusionis gratiâ, attritâ indurum purpurâ, loco Sceptri, arundinē in manu datâ, quasi Regem simulantes, fecerunt & adrauerunt.

4. Dulcissime Domine Iesu, offero tibi pro Animabus Purgatorii, nimiam crudelitatem, dum Capiti tuo, crudelissimi Carnifices, Coronam è pungentibus spinis contextam imposuerunt, eamque;

rundi

rundinibus & ferratis manibus, summâ vi, sacrum tuum pericranium spinarû acuminibus penetrantibus infixerunt.

5. Dulcissime Domine Iesu, offero tibi pro Animabus Purgatorij, pretiosum Sanguinem tuum, qui, undequaq; de Venerabili Capite tuo diffuebat, tu autem, hos gravissimos dolores tuos, pro mea salute, Patri tuo æterno offerebas.

6. Dulcissime Domine Iesu, offero tibi pro Animabus Purgatorij, ictus & succussiones illas ferocissimas, quas supra Coronam spineam impingebant.

7. Dulcissime Domine Iesu, offero tibi pro Animabus Purgatorij, irrisiones & subannationes illas, quas perfidi Milites, coram te genua flectentes, graves tibi alapas impingebant, dicentes: SALVE REX IUDÆORUM.

8. Dulcissime Domine Iesu, offero tibi pro Animabus Purgatorij, sputa, & foetidissimas excreationes, in Divinissimam faciem tuam, à Militibus projectas, idq; tantâ copiâ, ut tota facies tua, illis defœdata fuerit.

9. Dulcissime Dñe Iesu, offero tibi pro Animabus Purgatorij, Virginalem pudorem tuum, quo suffundebaris, quando Pi-

latus, te nudum, plagis & vulneribus confectum, populo exhibebat, dicens. Ecce Homo.

10. Dulcissime Domine Iesu, offero tibi pro Animabus Purgatorii, clamorem illum validum, a populo Iudæorum, pro morte tua acceleranda, excitatum, dum clamarent. CRUCIFIGE, CRUCIFIGE.

FERIA SEXTA,

Oblatio eorum, quæ passus est, dum Crucem ad Calvaria montem portaret, & in ea crucifigeretur.

1. **D**ulcissime Domine Iesu, offero tibi pro Animabus Purgatorii, Cruciatu illos, quos, dum Crucem ad Calvaria Montem portare coactus fuisti, & præ gravissimo pondere ejus, vulnus in dorso tuo atrox subiisti.

2. Dulcissime Domine Iesu, offero tibi pro Animabus Purgatorii, immensos illos dolores & Cruciatu, quos immiseri cordes Satellites, in via tibi intulerunt, dum te fustium verberibus, & alijs crudelitatibus affixerunt.

3. Dulcissime Domine Iesu, offero tibi pro Animabus Purgatorii, quinque illos

casus

Casus, qui tibi sub tanta Crucis sarcina c-
venerunt, ac tum temporis, nequissimi
Milites, verberum ictus ingeminantes,
& Capillis raptantes, te funibus protra-
hebant.

4. Dulcissime Domine Iesu, offero tibi
pro Animabus Purgatorij, violentias il-
las, quando te Cruce prægrandi onustū,
funibus arctissimè ligatum, millenis sub-
sannationib9 illusum, in medio Latronū
eductum, Civitate tuā eiecērunt.

5. Dulcissime Domine Iesu, offero tibi
pro Animabus Purgatorij, infinitum illū
dolorem, quem inde sensisti, dum prædi-
lectissimam Matrem tuam, Virginem &
Dominam nostram clementissimam, in
platea tibi occurrentem, uberrimis la-
chrymarum rivis, ex oculis ejus defluen-
tibus, vidisti.

6. Dulcissime Domine Iesu, offero ti-
bi pro Animabus Purgatorij, languores,
& deliquia tua, dum Crucem ulterius
portare, & pedibus consistere non valui-
sti; Simonemq; Cyrenæum ad portandā
Crucem, adiutorem sibi coactum vidisti.

7. Dulcissime Domine Iesu, offero ti-
bi pro Animabus Purgatorij, amarissi-

num illum potum è felle & aceto mistum, quem tibi lassato, & Spiritu pene destituito in Monte Calvariae, impij illi ontulerunt.

8. Dulcissime Domine Iesu, offero tibi pro Animabus Purgatorij, illam dolorosam violentiam, dum te iniquissimi illi cum furore incredibili, vestibus tuis, quae iam propter cruorem, vulneribus tuis tenacius impactae erant, exuerunt; & nos vos dolores, Sanguine copioso profluentem adauxerunt.

9. Dulcissime Domine Iesu, offero tibi pro Animabus Purgatorij, indicibilem illum dolorem, quem perpeffus es, dum per illos crudelissimos Carnifices Crucifixus fuisti: Matrisq; tuae dulcissimae doloris gladio Cor transverberatum vidisti.

10. Dulcissime Domine Iesu, offero tibi pro Animabus Purgatorij, Sacrosanctum Sacrificium illud, quod tantis gemitibus aeterno Patri tuo, in Altari Crucis obtulisti: cujus virtute, iram ipsius lenijsti, & Caelum homini oclusum, reclusum fecisti.

S A B B A T H O.

Oblatio eorum, quæ Christo acciderunt in Cruce pendent.

1. **D**ulcissime Domine Iesu, offero tibi pro Animabus Purgatorij, ingentes dolores illos, quibus Corpus tuum, Sanctissimum, in Cruce conclavatum affictum fuit.

2. Dulcissime Domine Iesu, offero tibi pro Animabus Purgatorij, omne id, quod trium horarum spatio in Cruce pendens perpeffus es, præcipuè illos dolores, quos in manibus & pedibus è clavorum penetratione sensisti.

3. Dulcissime Domine Iesu, offero tibi pro Animabus Purgatorij, dorsum excoriatum, humeros exulceratos, pectus laceratum, nervos incisos, ossium juncturas laxatas, totumq; Corpus plagis & verberibus perforatum.

4. Dulcissime Domine Iesu, offero tibi pro Animabus Purgatorij, compassionem illam, cum Matrem tuam, præ angustia exanimatam videres, & Magdalenam tuam, immersam lachrymis stipitem amplexantem, & prædilectum Discipu-

lum tuum, vix non efflantem animam
vidisti.

5. Dulcissime Domine Iesu, offero tibi pro Animabus Purgatorij, innumera vituperia, & irrisiones, quas Sacerdotum Principes, cum Scribis & Phariseis, capita sua moventes, & verbis mordacibus proscindentes sub Cruce contra te effutiebant.

6. Dulcissime Domine Iesu, offero tibi pro Animabus Purgatorij, lachrymas, & suspiria, quæ in Cruce emittebas pro Crucifixoribus tuis, supplicans Patri tuo, orasti dicens. PATER DIMITTE ILLIS, NON ENIM SCIUNT, QUID FACIUNT.

7. Dulcissime Domine Iesu, offero tibi pro Animabus Purgatorij, ardentem Sitim; adeo, ut exclamare cogereris, SITIO, & inhumani ac truces Milites, tibi in Spongia acetum cum felle mixtum porrexerunt, quæ cum gustasti bibere non iuisti.

8. Dulcissime Domine Iesu, offero tibi pro Animabus Purgatorij, planctum & ejulatum tuum, quem, dum te à Patre tuo derelictum videbas, edidisti, & de Cruce clamasti. DEUS MEUS, DEUS MEUS, QUARE ME DERELIQUISTI.

9. Dulcissime Domine Iesu, offero tibi pro Animabus Purgatorij, ultimum illum dolorem tuum, quem, dum divinissima Anima tua separabatur à Corpore sensisti, & eam Patri tuo offerens, dixisti. **PATER IN MANUS TUAS, COMMENDO SPIRITUM MEUM.**

20. Dulcissime Domine Iesu, offero tibi pro Animabus Purgatorij, omnes Matris tuæ dolores, quos habuit in Monte Calvariae, videns te, in tantis angustiis constitutum, in Cruce ignominiosè morientem, lanceâ tam crudeliter latus tuû perforari, à Cruce deponi, in suis brachijs jacentem; & deniq; infinitis lachrymis, te ad Sepulturam deferri.

In fine oblationum cujuslibet diei, offerenda erit Oratio infra posita, pro occultis, incognitis, & oblitis peccatis nostris.

O R A T I O

Post supradictas Oblationes.

Offero tibi insupèr Domine mi, reliquas ignominias & dolores, quos sustinuisti, qui nobis sunt incogniti, neq; per Evangelistas descripti. Offero, inq; a, tibi, pro omnibus peccatis, quorum nul-

lam per ignorantiam aut negligentiam,
habeo cognitionem, & quæ me prorsus
latent.

*Istæ Oblationes applicandæ sunt Animabus,
vel in genere, vel in specie. Item possunt di-
ci, vel corde, vel ore, vel mentaliter, non pra-
cipitanter, nec cum distractione.*

*Quod si cuiquam bonus Amicus, aut Con-
sanguineus obierit? Ad templum se se confe-
rat, & quâ potest devotione maximâ, recolet
dolores Passionis Christi, pro requie illius Ani-
mae.*

Nihil enim in tota Ecclesia Deo est ac-
ceptius, nihil quod efficacius, peccatorû
remissionem obtinere, aut celerius Pur-
gatorij Animabus succurrere possit, quàm
Sacratissimam Domini Iesu Christi Passi-
onem offerre. *P. Alexius de Salo.*

P R O S A

Ad B. V. MARIAM, Pro Defunctis.

Languentibus in Purgatorio,
Qui purgantur ardore nimio,
Et torquentur gravi supplicio,
Subveniat tua compassio.

O MARIA.

Fons es patens quæ culpas abluis,
Omnes sanas, & nullum respuis;
Manum tuam extende mortuis,
Qui sub pænis languent continuis;

O MARIA.

Ad te pia, suspirant mortui,
Cupientes de pænis erui,
Et adesse tuo conspectui,
Et gaudijs æternis perfrui.

O MARIA.

Clavis David, quæ Cælum aperis;
Nunc beata succurre miseris,
Qui tormentis torquentur asperis;
Educ eos de domo carceris.

O MARIA.

Lex iustorum, norma credentium,
Vera salus in te sperantium,
Pro defunctis sit tibi studium
Assiduè orare Filium.

O MARIA.

Benedicta per tua merita,
Te rogamus, mortuos suscita,
Et dimittens eorum debita.
Ad requiem sis eis semita.

O MARIA.

*Kyrie eleison, Christe eleison, Kyrie eleison.
Pater noster, & Ave Maria.*

ÿ. A

Y. A porta inferi.

R. Erue Domine animas eorum.

Y. Requiescant in pace.

R. Amen.

Y. Domine exaudi Orationem meam.

R. Et clamor meus ad te veniat.

O R A T I O.

ORamus te, piissima mundi & Angelorum Domina Virgo MARIA, ut eis, quos purgatorius examinat ignis, impetres refrigerium: peccatoribus indulgentiam: justis perseverantiam: nos quoque fragiles, ab omnibus defende periculis. Per Christum Dominum nostrum.

Præfatas Oblationes Passionis Dominica, qui voluerit pro se ipso offerre dicet. Dilectissime Domine Iesu, offero tibi pro peccatis & erratis meis. &c.

Quibus & quot medijs Animæ in Pœnis Purgatorij detentæ possunt salvari.

Sancta Birgitta, dum præcabatur pro Anima quadam in purgatorio existente, Christus Dominus revelavit ipsi. lib. 6. Revel. Posse salvari quamlibet Animam novem modis.

1. Sal.

1. Salvabitur propter Passionem meā,
quia tenuit fidem Ecclesiæ meæ.

2. Propter immolationem Corporis
mei, quia hoc est antidotum Animarum.

3. Propter preces Electorum meorum,
qui sunt in Cælo.

4. Propter Opera bona, quæ fiunt in
Ecclesia Sancta.

5. Propter preces Bonorum Viventium
in mundo.

6. Propter Eleemosynas factas de bo-
nis justè acquisitis: & si restituantur ea,
quæ sciuntur malè acquisita.

7. Propter laborem iustorum, qui pro
salute Animarum peregrinantur.

8. Propter Indulgentias à Pontificibus
concessas.

9. Propter pœnitentias aliquas pro A-
nimabus assumptas, quas viventes non
compleverunt. In Compendio:

1. Passio Christi. 2. Sacrificium Missæ. 3.
Intercessio Sanctorum. 4. Opera bona Vivo-
rum. 5. Preces Vivorum. 6. Eleemosynæ.
7. Peregrinationes sacra. 8. Indulgentia Ec-
clesiæ. 9. Ultrò assumptæ castigationes corpo-
ris.



ORDINATIO OBLATIONIS PASSIONIS DOMINICÆ,

*Pro Animabus in Purgatorio de-
tentis.*

DIE DOMINICO.

Pro Animabus Omnium Sacerdotum,
& Ministrorum Ecclesiæ Dei.

FERIA SECUNDA.

Pro Animabus, Parentum, Fratrum,
Sororum, Consanguineorum, Affinium
& Amicorum.

FERIA TERTIA.

Pro Animabus omnium tibi commis-
sorum in genere & specie.

FERIA QUARTA.

Pro Animabus omnium Benefactorum
tam in Spiritualibus, quam in temporali-
bus.

FERIA QUINTA.

Pro Animabus improvisâ morte cor-
poribus exutis; bello, fame, & peste su-
blatis; qui casu in itinere, vel mari peri-
erunt; & quarum non est specialis me-
moriam.

FERIA

FERIA SEXTA.

Pro Animabus in Purgatorio existentibus, pro quibus Deus vult, & scit te debere orare.

DIE SABBATHI.

Pro Animabus, quæ ex occasione tua, torquentur in Purgatorio.

Gregorius XIII. Paulus V. & Urbanus VIII. concesserunt. Ut habens gratum benedictum IOANNÆ de la Croix, quacumq; Feria Sexta quinquies; die verò Parasceves trigesies ter, dixerit Adorationem S. CRUCIS sequentem, liberat animam è purgatorio.

Adoro te, ô Crux pretiosa, quæ teneris pedibus, & Venerabilibus manibus Domini mei Iesu Christi fuisti ornata, & pretioso ejus Sanguine còperta ac tincta. Adoro te, ô Deus meus, pro me Crucifixe. Iterum te adoro ô Sancta Crux, propter amorem ejus, qui est Deus meus, & Dominus meus Iesus Christus.

Est etiam Oratio efficacissima eliberandi Animas de penis Purgatorij, dicendo Pater noster. Ave Maria. & Credo: atq; Miserere mei Deus. Pr. Elias à S. Theresia in Legatione Triumph. ad Militantem Ecclesiam.

Praxis alia Devotionis, *Pro Animabus Purgatorij.*

imo. Sub Missæ Sacrificio, specialitèr memoriam agere mortuorum, potissimū sub Memento pro mortuis.

2do. Ad Pax Domini sit semper. in Calicem cum Hostiæ particula Animam unā immittere.

3tio. Cum Sacerdote, si sacramentalitèr quis nequeat; spiritualitèr saltem pro Defunctis communicare.

4to. Sacro finito, De profundis, aut Pater noster, & Ave Maria aliquoties recitare.

5to. Sacra triginta dici curare, vel saltem audire.

Ut autem Oratio sit efficax ad impetrandum requiruntur conditiones quatuor.

1. Ut sit in statu gratiæ.
2. Ut habeat spem indubitatam impetrandi.
3. Ut sit attentio ad Deum.
4. Ut sit perseverans in ea.



SYNOPSIS
INDULGENTIARUM,
A SUMMIS
PONTIFICIBVS,
Christi Fidelibus concessarum.

Ut plenam quisq; habeat notitiam Temporum & Locorum, quibus concessæ sunt Indulgentia à Summis Pontificibus, brevis illarum Synopsis hic describitur. Priusquam tamen ad illarum enumerationem accedatur; nonnulla scitu necessaria infra ponuntur.

1. Indulgentia est Relaxatio seu remissio pœnæ temporalis, pro peccatis actualibus debitæ.

2. Indulgentia est 2plex. Plenaria, & non Plenaria.

3. Plenaria est. Quâ remittitur tota pœna temporalis.

4. Non plenaria est. Quæ non remittit totam pœnam luendam pro peccatis, sed tantum, quantum à Concedente in Bullis exprimitur.

5. Homo peccator, in peccando, duo meretur; Culpam & Pœnam.

6. Culpa mortalis, vel venialis, non remittitur per Indulgentiam, sed per Sacramentalem absolutionem, aut sufficientem Contritionem.

7. Culpâ remissâ, non remittitur pœna, sed remanet, vel in hac vita, vel in pœnis purgatorii ad tempus luenda.

8. Pœna peccatis debita, non potest remitti per Indulgentiam, nisi prius remissa fuerit culpa, in qua fundatur pœna.

9. Homo in peccato mortali existens, non potest consequi Pœnæ temporalis Indulgentiam.

10. Solus Summus Pontifex potest cōcedere Indulgentias. Alij Prælati Ecclesiæ, quatenus ipsis conceditur à Summo Pontifice.

11. Per Indulgentiam plenariam, remittitur tota pœna in Purgatorio luenda pro peccatis, ante Indulgentiam consecutam, commissis.


12. Moriens, obtentâ plenariâ Indulgentiâ, statim evolat in Cælum, absq; ulla dilatione & morâ.

13. Ad lucrandam Indulgentiam non est necesse habere Intentionem Actuale, sed sufficit habere Virtuale seu Interpretativam & Habituaalem.

14. Non est necessarium, ut is, qui lucraturus est Indulgentiam plenariam, debeat esse in gratia per Sacramentalem Confessionem, quando de tali Confessione præmittēda non fit specialis mētio à Concedente. Si tamen culpam mortalem habeat; & si perfectè de ipsa Contritionis actum eliciat; consequitur Indulgentiam. Quia existens in gratia per Contritionem, capax est Indulgentiarū.

15. Qui Indulgentiam consequi cupit, opus est, ut omnia, quæ præscripta sunt à Pontifice in concessione Indulgentiæ, fidelitè & integrè præstet: alias, non adimpletis illis, non obtinetur Indulgentia.





INDULGENTIÆ PLENARIÆ,

A SUMMO PONTIFICE

INNOCENTIO XII.

Omnibus CHRISTI Fidelibus etiam
in Confraternitate ulla non exi-
stentibus concessæ.

In Festis Christi Domini.

Nativitatis, & Epiphaniæ, Resurrectio-
nis, & Ascensionis, Pentecostes, & San-
ctissimæ Trinitatis, & Corporis Christi.

In Festis B. V. Mariæ.

Purificationis, & Annunciationis, As-
sumptionis, & Nativitatis.

In Festis.

Nativitatis S. Ioannis Baptistæ.
Sanctorum Apostolorum, Petri, & Pau-
li, & aliorum omnium Apostolorum.

In Festo Sanctorum Omnium.

Quicumq; Coronam Domini, aut
Coronam B. V. Mariæ, aut

Rosa.

Rosarium, vel Partem illius Tertiam. aut
Divinum Officium. aut
Officium parvum B. V. Mariæ. aut
Officium Defunctorum. aut
Septem Psalmos Pœnitentiales. aut
Psalmos Graduales recitaverint. aut
Detentos in Carcere visitaverit. aut
Pauperibus subvenerit. aut
Missam celebraverit, vel audierit.

Si verè pœnitens Sacerdoti approbato,
confessus fuerit, & SS. Eucharistiæ Sacra-
mentum receperit, piæque ad Deum
preces.

1. Pro Fidei Catholicæ propagatione.
2. Pro necessitatibus S. Romanæ Ec-
clesiæ, & ejus exaltatione.
3. Pro pace & concordia Principum
Christianorum.
4. Pro Hæresum & Schismatum extir-
patione; fuderit. Plenariam peccatorum
suorum consequitur Indulgentiam.





INDULGENTIÆ

PLENARIÆ,

SS. ROSARI.

In primo ingressu S. Rosarii.

In Festo Nativitatis Christi Domini.

In Festis omnibus B. V. Mariæ.

In Festis, quibus recoluntur Mysteria Rosarii.

Dominicâ intra Octavam Nativitatis Domini.

Dominicâ proximâ post Festum Triumphum Regum.

Feriâ sâ in Cæna Domini.

Feriâ sâ in Parasceve.

In Festis Inventionis, & Exaltationis S. Crucis.

Tribus diebus Paschæ.

Ascensionis Domini.

Tribus diebus Pentecostes.

Omnium Sanctorum.

Dominicâ primâ Quadragesimæ, ad ritè obeundum Ieiunium Quadragesimale, qui confessus, & refectus Sacram Communionem fuerit, vel Missam celebraverit, orans, *ut supra*, plenariam Indulgentiam consequitur. *Clemens VIII.* Do-

Dominicâ primâ cujuslibet Mensis, vel quolibet Festo B. V. Mariæ Indulgentia plenaria. *Clemens X.*

Missam de Rosario (Salve Radix) qui celebraverit; aut celebrari curaverit, vel illam devotè audiverit; vel Rosarium recitaverit, confessus & refectus, vel *ut supra* oraverit. *Idem.*

In articulo mortis, si quis Nomen I E- S U S, ore, vel mente, pronuntiaverit. plenaria.

Si quis, quinque Altaria in Ecclesia, in qua fundata est Confraternitas Rosarij, visitaverit, & quinque Pater noster, & Ave Maria, coram quolibet Altari confessus recitaverit, sit particeps omnium Indulgentiarum, quasque habent omnes Ecclesiæ in Urbe Roma. *Leo X. Clemens VIII. Pius V.*

Ad lucrandas præfatas Indulgentias, opus est, ut sit in Confraternitate SS. Rosarij. Quas etiam omnes infirmi, incarcerati, itinerantes, belligerantes, in mari navigantes, vel aliquod impedimentum habentes, recitantes tamen 24. Pater noster, & Ave Maria, pro exaltatione Sanctæ Matris Ecclesiæ, consequentur.



INDULGENTIÆ

P L E N A R I Æ,

Confraternitati S. SCAPULARIS,

Et Ecclesijs FF. Carmelitarum, tam Primitivæ, quàm Antiquæ Observantiæ

C O N C E S S Æ.

In primo ingressu S. Scapularis.

In Festis.

S. Mariæ de Monte Carmelo.

S. Theresiæ.

S. Ioseph.

S. Desponsationis Mariæ cum Ioseph.

In omnibus Festis B. V. Mariæ.

Quicumq; visitaverit Ecclesiam Fratrum præfatorum, & confessus ac reffectus S. Eucharistia, oraverit: *ut supra.* *Leo X.*

Qui Ecclesiam Fratrum dicti Ordinis, in diebus Stationum Ecclesiarum Urbis Romanæ, prout in Missali Romano exprimuntur, visitaverint, & ibi devotè *ut supra*, oraverint: Omnes & singulas Indulgentias, & peccatorum remissiones, ac pœnitentiarum relaxationes consequuntur, nisi easdem Urbis Ecclesias visitarēt. *Clemens X.*

Dia.

Dies autem Stationum sunt isti.

Dominica I. II. III. IV. Adventûs.

Tribus diebus, Quatuor Temporum Adventûs.

Dominica Septuagesima, Sexagesima, & Quinquagesima.

A Feria 4ta Cinerum, usq; ad Magnum Sabbathum, qualibet die.

In Dominica Resurrectionis per totam Octavam.

Dominica in Albis.

Feriâ 2dâ, post Dominicam 5tam Paschatis.

In Ascensione Domini.

In Vigilia Pentecostes.

In ipsa die Pentecostes, & per Octavam. Et tribus diebus, Quatuor Temporum.





INDULGENTIÆ NON PLENARIÆ.

40. Annorum.

Tempore Quadragesimæ, qui ter in Hebdomada, sc. 2dâ, 4tâ, 6tâ, Feriâ, vel diebus Sabbativis, vel diebus Dominicis Ecclesias FF. Carmelitarum visitaverit, & ibi, *ut supra*, oraverit. Quadraginta annos, & totidem Quadragenas, tum septimæ partis omnium peccatorum remissionem lucratur. *Benedictus XI.*

7. Annorum.

Qui Fratres Ordinis Carmelitarum vocaverit esse Fratres B. V. Mariæ de Monte Carmelo, & appellaverit, Septem annos & tot Quadragenas obtinet Indulgentias. *Urbanus IV.*

5. Annorum.

Qui cum lumine, SS. Eucharistiæ Sacramentum ad ægrotos comitatus fuerit, & pro eis oraverit: quinque annos lucratur.

Mille Dierum.

Post quamlibet horam Horologii sonantis

nantis qui Angelicam Salutationem dixerit, Mille dierum Indulgentias lucratur.
Leo X. & Paulus V.

300. Dierum.

Qui Litanias de Nomine Iesv recitaverit.

Qui ab esu Carnium Feria 4ta & Sabbatho abstinuerit.

200. Dierum.

Qui Litanias de B. V. Mariâ dixerit.

Qui detentos in Carcere, vel ægrôtos in Nosocomijs visitaverit.

Qui doctrinam Christianam in Ecclesia, vel domi pueros, vel servos docuerit.

100. Dierum.

Qui quocunq; die Coronam Christi, aut Rosarium, aut Partem ejus 3tiâ, aut Officium parvum B. V. Mariæ, aut Officium Defunctorum, aut Septem Psalmos Poenitentiales, cum Lanijs & precibus recitaverit.

Qui Feriâ 6tâ de Pâssione Domini devotè meditatus fuerit, & ter Pater noster, & Ave Maria, dixerit.

Qui ad pulsus campanæ, Mané, Meridies,

die, & Vesperis, Angelus Domini, &c. vel unum Pater noster, & Ave Maria, dixerit.

Qui, dato signo pro Defunctis, Psalmum De profundis, vel unum Pater noster, & Ave Maria, dixerit.

Qui sepulturæ Defunctorum præsens adfuerit, & pro Animabus illorū oraverit. Consequuntur omnes Indulgentiam Centum dierum.

50. Dierum.

Qui salutaverit alios his verbis, LAUDETUR IESUS CHRISTUS, Et responderent Amen, vel Semper.

Qui pro ægrotis, in exitu vitæ constitutis, pie Deum oraverit, vel saltem unum Pater noster, & Ave Maria, dixerit.

Si quis ante celebrationem, vel auditionem Missæ, aut Eucharistiæ summptionem; aut Divini Officii, vel parvi B. V. Mariæ recitationem, devotam aliquam præparationem adhibuerit; Quinquaginta dierum Indulgentiam luerantur. *Innocen. X.*

25. Dierum.

Qui Nomen Iesus, vel MARIA, ore devotè, quoties nominaverit, toties consequitur, 25. dies Indulgentiarum, *Ad*

Ad lucrandas autem prædictas Indulgentias, requirantur ista quatuor.


1. Ut visitent Ecclesias, in quibus fundatæ sunt Confraternitates, tam Rosarij, quàm Scapularis.
2. Ut recitent in illis septiès Pater noster, & Ave Maria; aut Vesperas Defunctorum: aut terram deosculentur coram SS. Sacramento.
3. Ut Scapulare gestent in collo.
4. Ut sint inscripti in Album Confraternitatis.

Notandum. *Ubiunq; appositæ sunt hæc verba, Oraverit ut supra. orandum esse, Pro Exaltatione S. Matris Ecclesiæ, Fidei Catholicæ dilatatione, & necessitatibus Ecclesiæ Romanæ.*

Pro Pace & concordia inter Principes Christianos.

Pro Hæresum & Schismatum extirpatione.

NB. *Indulgentiæ tam Rosarij, quàm Scapularis, possunt applicari Animabus in Purgatorio existentibus.*



ORATIONES

Pro lucrādis Indulgentijs Plenarijs.

Pro Ecclesia Sancta.

OMnipotens sempiterne Deus, qui gloriam tuam omnibus in Christo gentibus revelasti: custodi opera misericordiae tuae: ut Ecclesia tua toto orbe diffusa, stabili fide, in confessione tui Nominis perseveret. Per eundem, &c.

Contra Persecutores Ecclesiae.

Contere, Domine, fortitudinē inimicorum Ecclesiae tuae, & disperge illos in virtute tua, ut cognoscant, quia non est alius, qui pugnet pro nobis, nisi tu Deus noster.

Ecclēsiae tuae, quāsum⁹ Domine, preces placatus admitte: ut destructis adversitatibus & erroribus universis secunda tibi serviat libertate. Per Dominum nostrum Iesum Christum, &c.

Pro Summo Pontifice.

Deus omnium Fidelium Pastor & Rector, famulum tuum N. quem Pastorem

rem Ecclesiæ tuæ præesse voluisti, propiti-
us respice: da ei quæsumus, verbo & exē-
plo, quibus præest, proficere: ut ad vitā,
una cum grege sibi credito perveniat
sempiternam. Per Dominum nostrum
Iesum Christum, &c.

*Pro Pace & Concordia Principū
Christianorum.*

DEus largitor pacis, & amator Chari-
tatis, da famulis tuis Regibus & Prin-
cipibus Christianis, veram cum tua Vo-
luntate concordiam, ut bellis, dissensio-
nibus, & omni perturbatione submotā,
securā tibi serviant libertate.

*Pro Hæresum & Schismatum ex-
tirpatione.*

OMnipotens sempiterne Deus, qui sal-
vas omnes, & neminem vis perire,
respice ad animas Diabolicā fraude dece-
ptas; ut omni hæreticā pravitate deposi-
tā, errantium corda resipiscant, & ad ve-
ritatis tuæ redeant unitatem. Per Domi-
num nostrum, &c.

Pro peccatorum remissione.

DEUS, cui proprium est misereri semper
& parcere, suscipe deprecationem
nostram, ut nos, & omnes famulos tuos,
quos delictorum catena constringit, mi-
seratio tuæ pietatis clementer absolvat.

DEUS, qui culpâ offenderis, poenitentia
placaris: preces populi tui supplican-
tis propitius respice, & flagella tuæ ira-
cundiæ, quæ pro peccatis nostris mere-
mur, averte.

Pro Pace.

DA pacem, Domine, in diebus nostris,
quia non est alius, qui pugnet pro no-
bis, nisi tu Deus noster.

℣. Fiat pax in Virtute tua.

℟. Et abundantia in turribus tuis.

O R A T I O.

DEUS, à quo sancta desideria, recta con-
silia, & iusta sunt opera; da servis tu-
is illam, quam mundus dare non potest,
pacem: ut & corda nostra mandatis tuis
dedita, & hostium sublatâ formidine, tē-
pora sint tua protectione, tranquilla.

Per Dominum nostrum, &c.

F I N I S.

Biblioteka Jagiellońska



stdr0026447

